





小謨觴館集

續集詩文





小謨觴館詩續集卷第一

鎮洋

彭兆葵 湘涵

胡香海郡司馬森以其友人所寫黃荖圖索題丁卯

廿年空學相如賦不得金莖一杯露蟻邱乞徧道旁漿瑤草  
春山隔煙霧世味年來似紗薄便飲頭綱亦奚樂鳳團拊負  
縷金花恨負樵青舊僮約何人手支折脚鐙薜蘿靜掩衡門  
清蟹眼魚眼細細生側耳笑聽吹瓶笙百沸定作颼颼鳴江  
湖卻感風波夢一樣松濤海雨聲

明晉府寧化王琴歌曾都轉席間見此

我昔驅車晉陽郡明祖諸孫故宮燼金牀玉几委道旁遺琴  
乃見寧化王淮南伍被飛章起國勢當時幾遷徙即看奇變  
在墳笮那有和聲到宮徵螳螂捕蟬競相逐輾轉殺機騰骨



手如白雨頭如山乃汝陽王  
如宿王也且厚叶無草落  
侮

肉不須要令雍門彈已。是人間可哀曲。三百年來音響沈。七  
絃漠漠苔花侵。此中何限中山淚。促柱明徽了無謂。手如白  
雨頭如山。搥鼓卻憶唐寧藩。

伊墨卿太守以重修朝雲墓碑拓本屬題用頻伽疊

次東坡韻再和二首

楚些誰招嶺外天。華嚴應解箇中元。三生易醒梨花夢。九死  
同參蘆蔔禪。露電豈消真慧業。海山可有再來緣。香車莫說  
西陵路。縞袂羅淨一種仙。

使君高義感人天。黃絹新辭妙入元。兒女恩情歸大節。春韶  
風絮悟初禪。香泥長護潏潏玉。翠墨平添種種緣。自笑夢中  
無彩筆。也書花葉當遊仙。

次韻荅袁湘湄徵君棠邗上見貽之作

老頻頻奔走劇堪憐。顛顛朱翁鐵門春生守片瓊。幾輩故人殘。夢

外一番柑見落花前。才華少日鋒都退。煙雨橫塘纜又牽。莫

要臨流雙照影。漂零禁得十三年。乾隆乙卯予與湘湄同客淮上

元作

吳江袁棠湘湄

乞食淮陰劇可憐。一星終矣尙寒瓊。客懷牢落何如舊。風  
貌清腴略勝前。莫話茫茫身世感。生憎惘惘別情牽。六朝  
哀豔文心苦。老卻幽并俠少年。

桓伊吹笛圖

江東典午衣冠族。解賞高遷椽十六。塵中久絕廣陵散。岸上  
猶聞野王曲。青溪瑟瑟風泠泠。汀花搖月月不行。誰知橫管  
一雙手。曾埽百萬持。堅兵柯亭絕品平生重。不惜相逢為此  
弄。卽今俗耳喜箏琶。誰問空山嘯鸞鳳。多少焦桐出爨薪。識



曲果否聽其真不須更說中郎賞優是王郎有幾人

首夏歸自邗上憶篠園芍藥

一百六日春可買三十一種花成海名園上日例開樽酒氣  
花香夢中在春燈萬焰光罩庭紅雲紫霧圍作屏碧天搖搖  
無一星宮衣笑卷千娉婷歌管年年玉缸倒高城不聽更籌  
報只道杯分婪尾濃都忘草是將離號放手搏沙邗可知江  
鴻社燕各相思多情卻早輸黃九繭栗梢頭鬢已絲

追憶

春侶嬉春春事幽管絃叢外獨扁舟小橋流水三叉路落日  
垂楊一角樓空有夢回尋舊境更無人解此清遊酒徒散盡  
雷塘遠冷月明明照玉勾

望月

初三復望月朧明盼到團圓皓魄盈邗得天公解人意下弦  
風雨上弦晴

晚雨

小眠齋傍薜蘿幽橋刺藤梢颯似秋向晚關門逢驟雨綠陰  
如幄不遮頭

浪說

浪說文章敵子虛經囊空逐鄭君車人間自有邨夫子穩坐  
瓜棚飽說書

秣陵旅次寄呈胡果泉方伯 克家 五十韻

歸昌耀神姿未見心已折遠道揚旌檀聞風早馨烈曩交樂  
蓮與吳松巢語若簧儷瑟縱論及賢豪盱衡徧簪紱雲霞各有  
契金石疇可結舍面求其心見百乃逢一峩峩鄱陽公矯矯

似之鐵字卷

此等詩清空之中自有  
物也



街香心既心部

會昌筆軔蕩甄羣髦春薪判曹律宏收樹人效惻解茶網密  
 出把天南符重持楚湘節鯨鯢斂吮磨鳩鵠蘇沸鬱翩彼飛  
 鶚音詎溷威鳳質忠規楓宸季季緒蘭膳潔峻玉陵嚴霜駒  
 顏貯冬日高情寄弦酌傾挹到寒乞噓張哲人風推送襟抱  
 月誰於軒裳中具此軼塵骨霄路何迢迢前言記兀兀昨來  
 鎮吳會桑梓慶雲拂戴斗固夙懷拜塵恥干謁豈知禰生刺  
 猥接文侯膝管牀酒三升鄴架籤萬帙傾孟燭花爛鑿古芸  
 氣醇蘿袞無町畦心肝有披豁昔公登鬢舍外舅所首拔外  
 蔣時菴先生督學江右按饒郡日公方應弟蒼茫湖師門愴恨  
 童子試卽深器公補博士弟子員第一  
 念門閥一辨謝家香百年衛公笏迴思立朝時風采貽卿列  
 凱切防河疏周諄徒薪說危言  
 至尊鑒殊遇崇階粟外聘官御史時會上請更河臣疏并條  
 陳治河事宜得旨申飭繼而南河決

河臣獲譴遂加  
優眷不次遷擢清節澄寒泉勁幹立古鐵柴雖槐棘躋貧屢  
 爨樵缺遺孤僅延綫中道天復奪公也甦其枯童孫得濡沫  
 卽茲風義古足驗政心實舊德且無負報稱况魏闕單門塵  
 嘒號矧在兆人室三吳彙財賦百吏承考察長當安養恬寧  
 復事剗割下走本驚駘引分等蟣蝨志業日負初虛譽慙忝  
 竊神明銷風塵奇氣害飢渴如博輒得韃求盧望將絕如賈  
 折閱餘縱獲不償失行期老菰蘆遑敢逐巾褐子是年始所  
罷應秋試  
 恐溝隍委難免心志屈六燾風正揚庶彙儻能活涼風吹江  
 波秋色戰華髮煩腸耐幾沃退翰德聊述請更示樂吳當無  
 嗤坦率

汪耐山同守彥國招集趣園分詠飲中八仙得隼遂  
 飲中八仙官者七殿以焦公布衣一當時自重孝然高後世

難為空元淋海有不足也  
寄慨無窮佳也



訛傳子雲吃雲飛泥伏跡豈真少陵亦是蓬蒿人韜精荒宴  
各有託醉鄉寧以升沈分我聞崑山有陶峴自置三舟客能  
選彥深雲卿皆俊人可惜同時不同面平生涉世憂患纏爛  
醉往往全其天徑思痛飲覓五斗但莫高譚驚四筵

書汪竺君

元爵

五言古詩冊後二首

妙擅天揚手非調爨下桐潛蛟光鬱律雛鳳噉清雄問字探  
奇數謂君師楊叔溫雲嫩鳴陰答響同君尊人耐山亦翻嫌遼海客多

事怨秋風

詩派婁江正聲名阿士聯

謂耐山楊陸子鐵元文

全家濃道氣一色闢

春妍逝水看前輩扶輪讓少年高歌青眼裏惆悵撫華顛

寄賓谷廉訪湖南四十韻

東閣樽罍蔽南天驛使遙流光看電激歧路感蓬飄沅芷三

秋在湘煙九面消建幢神獬肅行郡玉驄驕政暇聽巴誦官  
清采楚謠也應收骨駿豈但革音鴟獨客成浮榷寒山擬拾  
樵無糧資雁鶩何樹穩鷓鴣憶鼓橫江楫初停倦旅撓當關  
無片刺埽徑有連招此地川交陸明公斗建杓門寬容御李  
齋迴合題蕭折節延崔蔡忘年訂札僑扶輪總詞伯圍蓋必  
儒臬酒德夏番頌琴心宛轉調香酣金鼎膩茶嫩碧甌澆楊  
葉華林射蓮花玉女驍羣仙高會賦明月可憐宵僑士皆都  
雅箏人各冶姚霓裳翻疊拍星瑄譜咸韶讀畫鴉又拓飛箋  
蠟淚挑獨於篇翰癖尤見性情饒眾製囊開豹鴻章手射鵬  
凝神搏師象浮響屏塘蜩寶鏹經千碎滂葩壓六朝新詞長  
慶富名集會昌標顧影慙寒悴盟心忝久夏羸形憐鶴病末  
技賞蟲雕沈約誇何遜桓公愛髯超不才寧敢望殊數猥親



邀在苒淹時序。曹騰送暮朝。前塵追歷歷。勝事記條條。儵忽分溝水。蒼黃促傳軺。離踪歎弦括。揮手各風颺。一丈紅薔館。三重綠綺寮。轉輪腸不定。迴首夢無聊。珠履當年客。瓊闌舊市橋。叟誰懷闊扁。祇合隱團焦。坐感蕭蕭葉。難舒寸寸蕉。殷勤洞庭鯉。憑送廣陵潮。

送胡葢卿

承光公車北上

朝廷設科目。意在求真儒。父兄期子弟。教必文行俱。家國理一致。青紫徒區區。薄俗昧其原。視爲利祿途。升沈競得失。貴賤分榮枯。嗟哉俊髦藪。迺有貪庸趨。志士具淵識。返觀已所儲。立身儻無忝。窮達皆亨衢。懇懇康侯裔。高材躐名駒。穹窿席華閼。傲儻鏘瓊琚。法式本庭誥。摳衣慎趨隅。德門老兄弟。孝友交敦孚。粹然和氣蒸。釀此敦與瑚。伯仲亦競爽。篤愛徵

愉愉昨來充秋賦。出手子得盧。有如同根花。露早先榮敷。一日致千里。何難絕塵驅。人間鍾鼎事。詎足相夸諛。所冀擴襟抱。用宏遠大模。子宗盛先德。學術傳鷲湖。經義與治事。塗分理無殊。要當本根裕。乃足猷爲舒。卽以華國論。文章貴菑畬。浮辭戒鞶帨。外飾防虛車。何必求聲聞。嗜名顧與廚。亦勿嗜纖瑣。僅注蟲與魚。勗哉徑寸條。合抱成扶疏。上以應芻求。下以式鄉閭。庶幾器識備。進退綽有餘。繁余百無就。舉世嗤大愚。了了憶髫髻。負負看頭顱。譚言爲子傾。卻顧誠赧如。春陽動行色。別緒紛縈紆。翩翻丹山鳳。遙集高岡梧。肄雅詠萋葦。因風託萋芻。三歎甘自謝。一笑投菰蘆。

姚春木

椿

落解後將省親蜀中途次緘寄所著手稟

并點勘拙集卻寄四首



慷慨三秋話蒼茫。萬里行一鐙兼涕笑。餘子讓飛鳴。峻閣肩承大名山。顯晦輕莫將。金綾曲彈向錦官城。高館疎桐夜。聯裾載酒遊。關心非一第。放眼有千秋。滄海遺珠在巾箱。片玉收蘆中。足窮士傳唱滿汀洲。生事拌浮白。孤懷寄汗青。車常載油素。書不頌云亭。笠澤門雙版。昌黎唐一經。迢遙巫峽路。柱史有明星。相知半人海。之子定吾文。少壯心思誤。丹黃派別分。高情捐世眼。歧路悔勞筋。欲借光明燭。餘輝請遲君。

和作

婁縣姚

椿春木

騷雅嗟寥落。狂歌一醉醒。半瓊空自白。雙鬢爲誰青。離月吳門黯。寒風易水聽。空成天際望。高臥少微星。一唱江南樂。詩懷底不平。妹應齊道蘊。妻亦傲淵明。閒覺

無田好忙偏。倒屣迎可憐。囊底策抵掌。向公卿似我成何事。飄飄萬里游。江湖催短夢。風雨著高秋。客路頻傷別。名山亦貯愁。著書渾未敢。姑欲蔽離憂。高館張鐙夜。臨歧未覺遙。幾時重打槳。隨處記橫橋。白水盟三泖。青山畫六朝。憐君奇氣在。無意歎飄蕭。東吳顧元歎。宿彥服奇才。偕作諸侯客。同援鄧尉梅。一編文選學。千古讀書臺。我亦楚狂客。長歌歸去來。

一曲

一曲當筵酒。一杯淒然蠟。淚漸成堆。不知隱隱五更轉。祇覺茫茫百感來。外地見花兼坐月。中年無樂况多哀。寸心恰與寒鑪似。多少星星未熱灰。

小部十二韻



小部箏牀展虛堂漏鼓沈誰調四絃手渾送九邊音二十年  
前夢三千里外唸閒坊銀鑰啟中瓦玉鞭尋煩惱天仙畫窗  
邀石鏡臨棗花簾了了楊柳路深深法曲康陵製香醅瑞露  
斟濃春雞鹿塞細語燕鶯心影事三分記閒愁兩鬢侵驚疑  
訴河滿淒絕譜鈴淋逸氣嗟何在華年逝不禁英雄與兒女  
振觸總沾檢

幕府

幕府雍容劔舄親閣鈴風細語逡巡地當澤國偏愁早官到  
條司不救貧茶把蔬盤方鱠玉山樵柴價抵烏銀諸公莫說  
通侯貴只要頭銜署富民

里中雪戲效吳體

推窗虛室忽生白仰屋有人方草元凍雀爭枝苦格磔鄰狗

掉尾何翩躚遺蝗果否可入地宿麥料將書有年腐儒小喜  
卽喧闐計短先卜梅花妍

海鯨行

北風吹海海水急千里長鯨作人立樓船將軍號令肅欲剪  
修鱗矐其目魚目閃閃明月光上蝕太白翻無齒厥投如雷  
矢飛蟲殺機竊發猝莫防將星一夕落如斗掉尾長鯨撇波  
走是時天寒月在丑組練三千歌聲死一鯨得脫羣鯨喜卻  
教萬頃滄溟濤嗚咽都成隴頭水迴軍莫唱燿露歌哀死曷  
若揮瑯戈雪憤定有英靈呼嗚呼澹臺儒生猶斬蛟何況玉  
帳諸金貂

新正里中酒間作 戊辰

醉我溪南老相攜舍北翁文章空見許保社幾時同且盡杯



中物休譚過去風平生漁釣約禁得尚飄蓬

別院

別院文窗綠閒門花事幽長時紫柳線渾不卷簾鈞屨響檻  
三折衣香風一樓傷春心幾許更替燕鶯愁

燕席有贈

窄袖蠻鞋五文地衣都要水沈薰白翎自奏婆羅曲青翰  
渾逢越鄂君花影暗移闌一肉酒場圓墮月三分彩豪書徧  
閒花葉更與殷勤寫練裘

觀手技

箏琶笙簫鼓鏡鐲眾樂如麻樂工獨五官四體無一閒口手  
喉脣及雙足有時泠泠細管清有時鐵騎刀槍鳴新音法曲  
雜正變靡得大略皆成聲移宮換羽巧無蹟絳樹雙聲妙難

敵能多技雜世轉輕不與伶官分一席漂泊江湖幾春夏那  
敢當場索高價得錢取食東復西只博兒曹一誇詭君不見  
當年齊王好竿甚一竿能吹優徼幸南郭處士無寸長三百  
人中飽餽廩又不見邨農有田長子孫終老安守蓬蒿門懸  
槌十指百不解爛醉狂敲老瓦盆

風塵

風塵何處有邱樊紫陌春濃百籟喧一笑人間原戲劇官蛙  
給廩鶴乘軒

展墓三首

頻年轉江湖春半輒去家清明好時節淚灑棠梨花今茲遊  
蹤近相去水一涯敬攜麥飯盃來薦東陵瓜晨昏墟隴間愧  
彼銜屍鴉鄰叟九節杖邨童雙髻丫相逢各恍惚頗訝綠鬢

三指維摩實而卡  
平庸與汝志



華松秋幸無恙。肝鬲通幽遐。靈風颯然來。夕陽黯欲斜。應憐此孤兒。面目多塵沙。賤無表阡文。再拜默致語。童少荷厚期。立身規遠馭。蹉跎四十年。忝冒徒虛譽。怛然風木哀。如暝不再曙。迴思罔極恩。一痛息千慮。前途思之熟。進退兩失據。頗冀保清白。無復希軒翥。但勿填溝隍。黽勉勤誤著。養真守衡茅。道味蘄饜。寢與念所生。全歸異時庶。有後何敢言。無成倘能恕。依依別墓門。忽忽來舊鄉。殷勤從子輩。爲我羅酒漿。老屋數十楹。久作債券償。祖居頗闕整。近亦三徑荒。巍然舊門閤。改作隣家牆。古無千年業。達觀亦尋常。無柰榮落悲。淒然感難忘。卻看小從孫。卍肉繡衲襠。踞地作虎子。跳蕩誇身強。一笑或亢宗。所願非敢望。

負手

負手閒行舊藥畦。間關鶯語隔林啼。昇平有象占朱雁。詞賦何人頌碧雞。半醉夢魂風絮影。一春心事落花泥。檢書看劍都成嬾。別館薔薇日又西。

得中立妹聳都門書卻寄

近聞瑁毳滯春明。又見封軺辟上卿。富陽相國有奏留校國史館天文志之吳下星占推趙達。漢家靈憲待張衡。鄉山蕉萃牽蘿計。骨

傾

牙酸辛灼艾情。

時女弟邁疾初起

我自雕蟲了無藉。尺書招隱倘心

次韻李散木

榮見顯拙集詩二首

根盡江花筆底妍。曉寒愁賦衍波箋。吳船赤馬思求侶。塞酒黃羊罷擊鮮。名姓人間終草木。愚懵天上有神仙。誰知破帽



騎驢客低首韓陵片石前

散牧曾游代朔間見予少時所作周忠武公劉夫人廟碑贈詩有憶

昔樓頌弔忠盡十年前讀大文來之句

鍾期元賞到琴臺漫作金風亭長猜碧玉依然晉祠水蒼顏  
愁說洛陽才行藏枯苑憑三命詩卷叢殘賸八哀卻是素心  
忘不得簷花細雨遲君來

米貴

石米五千貫嗥飢值歲豐炊煙貧戶澹陳粟富困紅豈有天  
能漏終期糴可通監河容貸否愁絕住江東

李虎觀同守

邦燮索題石梁漁隱圖

瀟湘司馬瀟湘吟湘山九面蒼煙深鱸鄉畢竟五湖好漁弟  
漁兄知此心

楓橋貝

埔聚金石千餘通葺干墨庵貯之繪圖索詩

萬行金薤抵瑤華不讓龍舒著作家是否閒堂春晝永有人  
同覆掌中茶

秋日偕友人泛舟石湖至楞伽寺登上方山歸舟夜

由虎邱山塘抵胥江水次二首

夙慕五湖遊層波阻孤蹤越來溪咫尺煙水連空濛行遠必  
自邇藉以文我慵天鏡落心目漣漪澹搖溶精藍臨曲碕雲  
磴碧蘚封石洞瞻妙相寺有觀音洞水月天人容上夾雙翠岳藤  
蘿罨蒙茸下臨不測淵窈黑蟠螭龍陰森噤毛髮幽怪無春  
冬金仙亦何樂閱此荒寒中揮手眺平野干邨聞暮春稍稍  
鬧鳧雁戢戢嬉兒童穉穉十萬頃翻作玻璃風如遊羲皇世  
豁達披心胷請謝靈湫區長伴石戶農  
單椒接茶磨脩嶼峙亭亭顛厓有花宮鐘魚門晝局當年盛



香火俗語成丹青豚酒鬧巫祝簪笄走媼姪崇朝厄運至白日轟雷霆鬼神有代謝憑託無千齡迴權入西郭歌船塞前汀煙花此終古簫管鏘仙鈴夜久亦漸息眾喧歸宵冥天西挂片月高柳明疎星清寒入肝膽一洗羅綺腥沿洞越闌闌浩浩市聲停魚鱗屋瓦中萬戶夢未醒松杉闕夜氣沸鼎成清寧卻為倚舷唱宥有溪魚聽

碧城五首寄春木都門

碧城迢遞碧雲長。游戲仙家兩不妨。寄語投壺諸女伴。脫臬何必電流光。省識天孫罷織時。流黃機畔淚連絲。蘭香下降雲英嫁。一片秋河冷自知。寶笈珠經護綠芸。新宮小史一羣羣。少霞也是文章手。只博

仙語無傷文極得  
總有此光宗

頭銜署五雲

洞口蘿陰欲化煙。清愁留與蕊宮仙。生憐一輩靈妃齒。纔見紅塵便粲然。玉真夫婿等閒留。只為胡麻飯一甌。知否有人雲外立。桃花如火不回頭。

除夕賦得四十明朝過二首

四十明朝過清愁鼎鼎新。有身原累我無事。不輸人家祭虔攜婦餘。逋婉謝鄰閉門風滿屋。爛醉冀全真。四十明朝過蒼蒼在鬢絲。蔽材安世笑來日。只天知逝水流如許。強弓挽幾時。明燈搗臘鼓作達。已嫌遲。

人日大雪耐山招集賜書堂醉歌 己巳

不飲長如醉兀兀出門時。日多於髮喜聞里社作近招快若



鷹隼離韞繚連朝酒星貽人爛勝地勝情此間冠金花四壁  
 簿閱華風雅一門旗鼓健去年人日晴不來今年人日風雪  
 催衝泥雙屐不辭折夏令寒谷成春臺先捉酒人奮頭卓靜  
山憲繼邀俊侶雲間陸子鐵簾衣益益隔冰霜肝肺鱗鱗起芒  
 肉飛狐城邊射獵場聚星堂中禁體強壯游奇氣駒過隙雨  
 鬢無情忽垂白人間榮枯幻態賒放眼略比空中花萬緣都  
 埽一窮累尙未絕粒餐雲霞幾年看梅客東閣幾年授簡青  
 油幕杯盤空飽侯門鯖淒苦依然紇干雀吳姬十五雙翠蛾  
 清歌勸我卷白波浮萍斷絮各無蒂我與爾曹愁孰多醉鄉  
 何如故鄉好故鄉無憂故人少搏沙蹤跡暫亦佳舍此百年  
 逾草草如泥肯惜積玉山東方未明夜任闌不愁人事隨口  
 出歸踏瓊瑤錯疑月

和作

鎮洋 汪彥國 耐山

曉鴉唬屋破睡兀開門寒豔逼陰髮瓊妃騎鳳若可招迴  
 風戲散千絲繚搖搖銀海花枝爛裝束縞衣玉而冠入手  
 流年酒盞淡上頭春色華旛健詩人不惜泥蹀來草堂逸  
 興當筵催謨觴仙館高位置有願但築糟邱臺中宵跌舞  
 冠倒卓睨視今古幾沈陸生憎謠詠工蛾眉老謝磨礮去  
 圭角世間悲樂千萬場與君蹉跎四十強勞生齷齪無寸  
 隙天付狂奴眼撐白來日易促去日賒壯懷豈解兒女花  
 賢豪有命亦陵谷神仙何術能霄霞側聞露禱鑒 天閣  
得厚夫書知 又見河防議參幕生計艱難集澤鴻平居憂  
京師祈雪 患處堂雀吾曹遮莫攢愁蛾機事終淺隨鷗波青衫紅袖  
 誠無賴未必傷心此最多 紅袖青衫兩無賴傷心事總吳  
世間多君即席贈歌者句也



娃慣唱春光好美景難并良會少及時且共秉燭歡多情  
勸種當歸草誰者黃土誰青山客意何如雪意闌相看寒  
餓秀句出短權依然夢湖月時將同吳門

古詩四首答陳雲伯明府文述

弱歲涉學林如海迷西東汎濫乏真得源塞流豈通謬為聲  
悅詞浮葩翦青紅卽降論枝葉精鏐棟頑銅自信無一可毀  
譽百念空頗思迴軌轍正學加磨礪所憐登頓疲途識力已  
窮奈何虛美加數枉諸宗工得無重我過情又萌曠曠退豪  
如枯菱行復茁數叢既誤燕石寶終藉他山攻  
文章總空言體不分駢散自從東京來眾著日星爛沿泐泐  
六代文質各參半要有真意存瑚敦非俗玩同為古文辭貌  
異神一貫三唐未陵遲兩宋道乃判方今此事昌數老詞場

此甘亭於文甘若自得之旨

冠吾黨二三子高文各璀璨予亦希雅音隨眾學操縵終嫌  
榛栝雜有待冶鑪鍛狼戾癡痴嗜幾忘曾鼎臚可憐廢精神  
無益自顏汗所就乃止斯廢書喟然歎

陳侯浙西豪文翰早飛忝一編碧城集光譽騰萬口珠林吐  
滂葩古錦織妙手神仙排雲霞金碧燦軒牖或為驚鴻翔旄  
旗嬉左右或為古勁裝長劍倚星斗隴廉見孟媿自顧真老  
醜惜哉枚馬才不逐金張後抗顏忝紅塵東帶膺墨綬昨歲  
官瀛壖山時攝寶扶桑一翹首作為觀海篇雲夢吞八九我聞

成連琴祇在山林藪浩蕩天風中知音有人否

一樹老梅蕊半椽舊草堂殘年風雪中遊子初還鄉剝啄枉  
車騎深談見衷腸三歎作吏難枿鑿殊園方復惠六篇詩新  
詞瀉琅琅訂以車笠盟許以名山藏高情篤深眷法曲彈清



商萬念洗冰雪都非少年場得為且自勉不獨在文章弁山  
聳寒碧海水搖晴光努力追前修視此鬢鬢蒼

遊南園

園為前明王文肅公錫爵所遺後捨為寺久  
積廢其子姓重葺新之庭有老梅一株號一  
隻瘦鶴舞文肅公手植也  
將三百年矣時方作花

綠野遺墟結構新琳宮遙與梵宮鄰園中供呂仙像南為湖  
音庵東為繡雪堂皆王

氏家地傳玉帶曾遊處花比金剛不壞身老衲豈知塵世劫

暗香還逗古時春隔林似有提壺喚分付東風動酒鱗

晤頻伽胥江舟次酒間賦贈兼示令弟丹叔鳳

飛揚都過少年場尙覓仙人行樂方作達安能外名教立身

如此太悲涼春波畫舫三篙弱詩卷名山一尺強只羨君家

老同叔卅年身不出江鄉

果泉方伯應司寇 名入都寄贈五首

岳牧乘輅去皋蘇待澤多江山盼持節香漢舊鳴珂書又看

城旦留仍貯太和昌言思贊暇餘事好賡歌

忠孝平生事東南財賦鄉庭闈春進酒心跡夜焚香廉有神

明鑒寬留世澤長熙熙諸士女只解樂耕桑

薪竹籌河日租庸議稅時欵獻介夫畫激切道州詩赤牘言

如昨蒼生福不知菰蘆殘客在留作夜談資

綠醕傾花幕明鐙賂綺軒温温無暴謔了了記心言冠佩從

教落金絲偶一喧車茵曾吐處迴首總煩冤

書局温公矧時校刊淳熙本文選當今劉范誰諸君鴻爪散此事虎頭

推謂澗蒙也懷鉛共相將橐筆隨江湖畱二鳥天上定相思

古詩三首次韻答汪竺君

晏室示楹語孔庭聞學詩千秋聖賢業箕裘有真師雕龍非

此字律切係德



世禪摘埴徒爾爲之子盛門業鼓鍾會軒墀神駒早騰超老  
驥不敢嗤會期秋駕遠莫惜鹽車遲如川必印浦如字必有  
莘大典修明禋藉地先布茲偉哉九仞臺已過三重基  
弱冠援學津前修鞭願執迷塗屢迴互軌轍今稍悉所歎桑  
蔭移欲赴天恐尼子如日初升進得無退失玉蚪長風乘珠  
緯天閭密崔巍切雲冠羣神讓君謁  
所業不諧衆適越被章甫伯身號鐘喑薄義凡箏拊大愚嘲  
駱疥小黠誇虬戶鏘鏘孤鳳皇下視皆狐鼠詎肯如桔槔隨  
人爲仰俛高才偏善下虛受若鍾庚檇昧安足論相蘄敦古  
處緬懷榮名寶黽勉同心侶謂子譚言偶傾寫世士恐色拒  
匿笑姑置之彼哉原伯魯

霜庭鞠稚圖詩并序

昔晉潘黃門爲任子成妻作賦述其所天旣殞孤女始孩以  
爲生民至艱殷憂靡訴感而命筆爲叙其心予婦弟蔣二德  
方之配系出華閥早詠柏舟無叔夜之長男有左家之嬌女  
初離文祿卽課遺經事等折蘂情均茹藥其宗人王某爲繪  
行障予因節潘賦中語題曰霜庭鞠稚圖而系以詩曰  
嬌小平陽面淒涼孤燕唼書聲黃口澀鐙影綠窗淡香茗他  
年賦貞筠此日心分明絳紗帳懷古一沾襟

校刊淳熙本文選將畢戲占二絕句示澗濱時寓吳

門玉清道院

落葉風前掃百回江都絕學此重開白雲洗出廬山面只問  
何人屐齒來  
爛熟空誇選理精淒風蕭寺別寒藥防他太學諸生笑相對



依然喫菜羹

被酒寄葭卿

殘燈欲炷酒禁持影事前塵繫夢思公子西園愁話舊美人  
南浦慣傷離情瀾浩浩三生共白月明明兩地知那有閒心  
還聽樂世間無賴是金絲

寒夜獨飲

少年耽飲飲必羣下至屠沽上簪紳雖無酬德雜怒嗔終覺  
肝肺成嶙峋中年興漸闌選酒兼選人我思柴桑宋遺民我  
思高密老鄭君一醉便眠得天眞一飲斗許長温温莫偕蓋  
次公莫遇周伯仁次公醒狂招世詬伯仁醉語徒殃身素心  
可望不可親不若相對形影神竹風蕭蕭雨紛紛夾以雪霰  
聲滿鄰小窗深燈青不昏地鑪榻紅乍焚一舊自撥牀頭  
雲中有至味醇乎醇綺叢歌席嫌羶葷何況酒徒搖舌屑靜  
裏兀兀取半醺曾次益益皆陽春此情莫與世俗論但遣屋  
角梅花聞

有會而作十三首

庚午

萬物胚鴻鈞氣化本自然乘流與得坻了不煩機權膠擾世  
間人百念紛牽纏所營偶如願遽謂人勝天迨乎喪事悔心  
力已空捐吾生逾卅載之術隨化遷跬步無妄圖撫衷尙多  
愆安能策餘力役役隨時賢

勞生涉江湖憂患夢猶怕壯非史公遊事同列子嫁繆充諸  
侯賓轉展若傳舍骯髒樓護鯖悲辛少陵炙逢迎詎乏賢摧  
折氣終下塵鞅茲偶停如吏得休假明知飢來驅乞食須命  
駕且當忍朝夕暫與世緣謝衡門閉兩版中有三間榭一把



覆頭茅高高若嵩華

儒生營四海曾次浩軒豁志期蒼黔安要令水火脫如何壘

鹽事頓使壯懷奪五窮究何神愚智愛切世一已艱生存奚

云萬人活藜羹尼父甘舊牖原思達乃知古聖賢厄亦難自

拔引之聊解嘲庶以安勉渴

昔賢重遺贈甚以冥報貽一介凜取予清操理如斯予生百

無藉難免求人時筆食偶得濟慙顏內含悲奈何竿牘流動

輒希恩施安能盡如欲佛然有繁辭小人乃懷惠聖言不我

欺舉世無鮑焦此情當語誰

城隅一老屋屋後皆原田春波淨寒綠林花吐幽妍薺菜既

青青良苗復娟娟每攜柳栗杖日涉東西阡鄰叟荷鋤至誇

余屢豐年雖非己所有生意亦欣然畎畝平生懷先疇悔輕

捐真如過屠門大嚼吁可憐

春色來郊原好風入懷袖常移踽踽步樂此遲遲晝花密蠶

漸喧麥芒雉初雉偶然遭田父為我剝籬豆泥飲欣相從芳

草綠如繡遊疲戀鄉井衰至愛耆舊豈無諸少年裘屐成避

逅笑舉泉明言相知不忠厚

天桃好容顏惜非經久質盛時無一旬風雨况難必看花偶

因循漸覺故態失今晨惜昨晨明又惜今日萬事類如斯能

禁幾悠悠相將秉燭遊我後不遑恤

荒城十八里半栽桑與麻我舍西南偏桃杏交周遮陽和扇

羣植茶敷爛朝霞遊侶日千百冠裳櫟笄珈雅俗共所欣誰

能非毀加因思著作事文質相疵瑕嘔心挾葩藻世眼索瘢

痴爭似尋芳人萬喙同一誇始知千秋業不及三春花

十字可必

十字陶詩真境

陸詩亦真境

巧心拙目千古如斯

莫真官詩續集卷一 七



陶公命子詩祇以才福詔昌黎示符郎但詡讀書效頗疑晉  
唐賢落落非常調如何義方訓不外俗所耀高密有通儒公  
車謝徵名衰年戒益恩立德優爲孝聲稱亦有榮所生已克  
肖曾無絨冕緒責望徇時好偉矣鄭公鄉千秋仰庭誥  
先人有藏書插架近千帙孤露廿年來漂流去家室田園旣  
登券舊籍亦散佚茅齋今所儲籤軸題甲乙節食兼典衣哀  
存百之一精衰學術龐漸悔汎濫失庶幾約守之相依送餘  
日

橫經理舊業古訓勤爬梳偶爾有新得爲之一軒渠久覺非  
荆獲前賢早先諸辛勤三十載尺寸材空儲立論欲求是後  
輒悔其初要皆覆瓿物安足當蓄畚撰述僅驚名所愁類鈔  
胥百年莫殫事數月成有餘應笑破千卷不能著一書

池塘飛暮雨風色在高柳閉戶呼張鎧欣然命樽酒塵喧息  
比鄰細響落窗牖家人頗解事瑣屑不挂口但道春花佳明  
夏能飲否引滿笑領之先教翦園韭

松蘿交戶牖月影逗中央滅燭攬清輝冥坐移匡牀去人不  
盈尺晶瑩生薄涼階前白露塗衆葉翻寒光斐几書帙靜風  
細聞古香清甯有真境天心見微茫且復滌萬慮因之夢羲  
皇朝看鏡中髮莫令添秋霜

### 香徑

一條香徑暖雲烘春在遊絲白日中柳外文梁藏乳燕風前  
人影度驚鴻驟暄多恐成陰雨漸老尤應惜鬧紅覓取玻瓈  
三百盞醉鄉溪處伴無功

### 意行



意行無定自莎拖陌上香風送綺羅臨水園亭中酒易斜陽  
門巷卷簾多花叢那藉黃鸝請草路猶思細馬馱誰是溪南  
辛老子一杯相屬莫蹉跎

花滿

花滿紅殘不可留神方駐景倩誰求依然燕語鶯囀日漸有  
鸞飄鳳泊愁酒力過時香夢醒柳綿飛處夕風柔迢迢南浦  
春波綠猶解生明照畫樓

和舒鐵雲孝廉

位

見顯丙辰歲遊山詩卷詩

十五年前詩一卷千仞飛車夢猶戀天涯同調舒元袞細字  
蠶眠顯欲徧平生鬱鬱海嶽懷五窮驅我塵市來靈妃玉女  
久相待洞花望斲櫻桃開君詩感人欲起舞君才侷儻曹劉  
伍短衣長劍昔從軍鏡甲光中筆花吐青油幕下難久居光

範門前空獻書年年乞米傍公府非官非賈非樵漁丈夫不  
具封侯相合早抽身問蓬閣英雄變策乃神仙除此茫茫夏  
何向君如計決求僱佗我亦蠟屐排松煙巢由不用買山隱  
何必愁乏青銅錢春巖迴風瑤草綠胡麻同畊飯應足此詩  
便作息壤盟畱與靈威丈人讀

和作

大典舒

位鐵雲

身行萬里讀萬卷脚底曾中常戀戀明知行路既多難况  
復讀書豈能徧誓捐俗慮伸雅懷舊詩已去新詩來上元  
細字水精夢一笑昨夜燈花開鸞鳥自歌鳳自舞公等錄  
錄噲等伍神仙未有不英雄如此裏言忽輕吐子能行之  
修常居鹿盧躋有琅嬛書三食聊防羽陵蠹再來豈是桃  
源漁埽除方寸諸變相島近蓬萊苑附閭縱未胡麻飯阮



予初知已

劉也應蠟展吹禽向姓本是彭名亦佳位本名佳字仙才  
名一南一北兩點煙洞天福地有歷劫明月清風無價錢  
何處男紅與女綠過眼雲煙看已足依然捫蝨坐青山路  
不可行書可讀

讀鹿洲初稟書後

萬里溟濤一掌看書生籌策舌翻瀾太平自有金湯固陰雨  
須謀牖戶安翡翠明珠方物易伏波橫海將才難日南花鳥  
羅浮月隻字何心到筆端

春餘

陸歡誰解拾春餘一片林亭畫不如濃綠漸肥紅漸瘦怪他  
花葉有乘除

老圃

草痕如琰水平池欹倒疎籬竹幾枝老圃一方荒亦好多陽  
容得賂多時

野老

插棘編籬野老家紛紛紅雨惱芳華兔葵燕麥休刪了畱與  
風前襯落花

何秀才

恩照

以山陰陳酒見貽次東坡和錢安道寄

惠建茶韻

東坡論茶借論人解道佳人似佳茗心腸玉雪非膏油中有  
微言可三省我生擇酒同擇友世論多歧安足聽醇泊應推  
君子交黃中只愛溫良性德能激薄養以和味可平心取其  
正越女由來天下白越溪水亦清而永釀工作醞劑苦甘有  
若敷政調寬猛不比燒春劇刀箭善氣油然遠麤獷年年此

此詩家三昧

別有風神



味客中譜代舍歸來酒鎗冷茅柴非無村店沽心欲受之喉  
恐醜感君白衣餉東籬勝折江梅馳驛嶺洗觥急為掃閒軒  
滄滄鑪香泛金餅風落檐花春酌動竹鳴窗雨踈燈炯歲寒  
倘得長周旋那惜飢窮老鄉井素心臭味君則同饒口老饕  
吾自伴朝晴更擬扛壺遊準備肩頭木瓢瘦

雨

蒼蘚斜緣砌縷絲細映空藏鶯深柳路吠蛤野田風琴悔調  
絃拙書慙乞米工草堂殊未惡只是遜盧鴻

晴

綠陰纔半院風到已冷然永晝人無語新晴草不煙鄰閒窺  
樹果僮小數苔錢只有忘機客拋書傻坐眠

孤坐

孤坐藤蘿广思裁薜荔衣草花開廢圃瓜蔓上荆扉蜜熟蜂  
飛嬾巢成燕過稀所嗟人異物翻覺閉門非

初月

朦朧看傻好不要太分明檐際一痕動悄然遙思生銀牆碧  
梧院花影紫鸞笙魂斷昏黃夜蛾眉知此情

題錢籀石先生丙戌闈中畫蘭長幅四首

戊科載蒙 恩入內簾校士閱卷已畢循用藍筆寫  
蕙花一叢以自賞三月廿八日翰林學士秀水錢載  
又題云癸卯之秋予告歸里重九後三日雨窗無  
事檢閱舊篋中得見此幅丙戌所寫已十有八年矣  
邇來年邁腕弱不能有此勁  
挺之筆故重識數語存之

風流長水老詞伯古戰場中寫冷姿怪底積唐醉翁意不顯  
一省性靈詩

鳳唼堂前畫燭紅髯仙腕底有春風貞觀從釋女官音朝士凋零



盡媚媚分明見鄭公

纔了煎茶興未闌  
龍香添染露華寒  
萬枝食葉春蠶筆  
不滿

幽花一笑看

文昌風景數沈吟  
讀畫翻傷寸草心  
莫說當年舊桃李  
可憐

無樹接新陰

丙戌先君成進士癸卯重九後三日則子應京兆試報罷時也

讀明史及崇明縣志沈廷揚傳作

當年秔稻轉東吳  
遼海雲帆有舊途  
一輩訐謨成築室  
孤臣

草莽獨飛芻關中古  
要蕭丞相海上今無卜  
大夫忍使水衡

錢百萬年年拋擲為芟蘆

舟次邗上重過題襟館示蓮裳二首

十二闌干一徑通  
舊時賓榻舊簾櫳  
曾經月弄風嘲地  
又到

金迷紙醉中爪印自尋  
苔蘚碧酒顏猶傷  
燭花紅題名片石

依稀在可有滄江夜貫虹

子所作題襟館記梁山舟學士書今尚嵌壁間

聚散搏沙各自驚  
酒闌清淚替縱橫  
江湖弱骨千鈞重  
萍梗

全家一葉輕奉母勢難拋  
祿養遣愁詩尚託風情  
故人賸有

元瑜好綠水紅蓮照眼明

謂王鐵舟瀨

### 湖船

出門初過九月九寶應隄  
開廟灣口漕渠一綫斷  
人行只有

外湖寬可迤外湖蟹社及汜  
光三四百里波汪洋湖船入湖

土人慣不資艫楫資帆檣木  
堅質重色比漆五尺艫深隙無

一鐵籠人疑田氏宗井蛙笑  
學公孫述洪濤眩轉天水銜放

溜急竄如驚麋但除當頭暴  
風惡其餘三面皆張帆邵伯埭

旁初發船大王廟前焚紙錢  
須臾莫辨中與邊四方上下銀

瀾連柁樓遠望目力盡不見  
半點邨墟煙神搖氣餒蓬底伏

清室行宮記



忽聽榜人呼食粥長年婦稚各欣然了若安居在華屋為言  
今朝風日好片時已過秦郵道少焉明月出天邊優抵淮陰  
舊隄埽淮壩近增昏墊憂田廬半被波臣收吁嗟乎魚頭赤  
子無寸土生涯讓爾湖船戶

柁尾

柁尾榜人婦相依共短篷搯薪雙腕玉打槳兩鬟風面醜嬌  
兒白杉裁稚女紅江湖無別苦生計羨篙工

再至淮安書感

釜底孤城落日邊金隄高夏過於前漢臣本要兼三策商邑  
誰能計五遷嫗忝歷陽應有數宮成瓠子究何年一行官柳  
婆娑認祇覺臨風倍黯然

果泉司寇以去秋總督漕運緣事落職宣力南河旋

領淮陰郡守地為予舊遊今茲渡江造訪酒間長話

惘然於懷得詩六首

代舍分攜歲一周前塵重訪月波樓鈴奴廐卒都非昔風色  
河聲各感秋舊館豈徒桑下戀此邦添得杞人憂明公自抱  
蒼生戚不為車前少八騶

十餘年夢久闌珊前度羈孤影夏單梁燕巢痕尋一一磨牛

陳跡記團團種桃舊圃花何處行水司空事較難別有房公

門下感了無人比董庭蘭王含谿河帥自乾隆甲寅至戊午  
守淮陰予客茲土五載署中有手

鳳羽雲霄變態多陰諧運日事如何謂山陽王令獄眼明那使淵魚

察例在難舜仗馬訶紅粟聯檣紆玉節碧油迴旆下黃河分

明聽徹鈞天奏重唱人間勞者歌

謂王仁漢以官賑政孝  
有昌子

中二聯與實而往復有  
不亦之志不徒以詩子句  
工



不將塵劫感仙凡 楓陛恩深進退銜報國有心盟白水聽  
歌無淚溼青杉方楸局勢甚頻換華嶽鋒稜面總劓參得天  
心消息理豈宜長挂順風帆

相對依然燕寢香紆籌無那鬢添霜木饑水毀災頻告食貨  
河渠勢兩妨曲突自應爭上策琴絃何易說夏張羽衣吹笛  
黃樓上始覺東坡與獨長

又向江湖寄此身天涯明舊話酸辛飛車未許登懸圃捧土  
空思塞孟津病後驚魂常惕息醉中詩膽忽輪困嗷嗷中澤  
哀音滿一箇賓鴻未是貧

廟灣工次書所見

屢報鴻陂潰難期雁戶安全家依片席一芋了晨餐宅已甯  
鼃徙人同鷄鶩看風前數行淚僮僕亦知彈

工次夜起

漠漠長隄暗荒荒缺月孤眼中無片瓦枕畔噪千夫擲牝黃  
金賤漂沙白骨枯槽巢且須處官事重蜚芻

將歸示友人

眼飽監門畫心驚竹箭波春收農望絕鬼趣路旁多顧我非  
官吏隨人洗鞵鞢故山飢亦得何苦聽勞歌

歸舟作

幾見蘇昏墊頻聞耗度支爭紆行水策誰誦酌泉詩擊帶叨  
何數鼂纓悔恐遲芻言渾未敢一權下流澌

小謨觴館詩續集卷一

二行世道金仁者  
言能見其杜柳律共  
成



小謨觴館詩續集卷第二

鎮洋 彭兆蓀 湘涵

靈芬館第五圖為頻迦題 辛未

衡門能閉否圖書又重看  
新竹更應長舊書  
渾未殘騷人古  
唐勒幽谷此王官  
老我卜居拙連牆  
盟恐寒

沈夢山丈 祖齡 空山獨往圖二首

詩老鬚眉古家聲  
俎豆光 尊甫敬亭先  
生入祀鄉賢 清門無橋稅  
廉士有

泉香愛日初懷負  
停雲極睇長  
淒然巖隱意  
百感付蒼茫

畫表誅茅願  
詩傳寸草心  
曾繙蒼舊傳  
如聽雍門琴  
誼添交

羣紀 謂哲 遊終愧向禽  
負薪歌一曲  
迴念亦欽欽

古詩贈董樸園邑侯 和培 卽題其課子圖

真儒無才譽  
循吏無能名  
穆然如清風  
被物物向榮  
賢侯廣



川裔經術追西京放爲瓊琚舜雅樂鏗韶諫秋薦肄萃鹿南  
國影華纓始判均幹官處膏節廼貞十年蘊瑋器一表推專  
城我邑婁江東其外環大瀛衍沃兼斥鹵秀良雜蚩倅苛燒  
與舒緩兩頗艱持平昨歲侯來茲歡顏動閨閣下車帷甫褰  
善氣人已迎首端士廉隅次求民隱情高山古賢仰白水臣  
心盟訟不尙擿發導以讓息爭政不設鈞距待以悃欵誠慈  
祥貯胷臆較鏡仍虛明藹吉感時若屢豐慶田更閣簾閒草  
色鄉月停厖聲浩浩百里間益益春陽盈賤子愧庸下道藝  
徒爾營漂流老賓客筆舌當備耕猥儕泯子午禮顏荷齊嬰  
深杯簿領卻短燭肝膽傾每登魯宓掌恍作羲皇氓比出示  
行像芝蘭侍髦英時於撫字暇督課同庠贊繫昔萬石君世  
澤光宗祏又聞陳太邱再傳列公卿陰德後必大况以家學

鳴願言恢門基若章有元成或如桓太常章句入史評下而  
嗣胡威各建郡牧旌猗歟玉杯篇不羨黃金籛自歎清白後  
慙拊藏書楹敬爲使君誦歌罷心忡忡

盧湘槎明府

元璣

解官歸小住邗江作騎鶴清遊畫

卷屬題長句

翁昔駮馬參戎韜烏鳶跼跼蠻煙高蜚鴻忽落皖山陟百里  
花封看馴雉鸞翔鵠舉意不忤清夢只繞江之南江南鷗鷺  
盟煙雨薄遊偶跨橫江羽胎仙矯翼輕扶搖卻喜十萬無纏  
腰綠楊城郭二分月深夜玉人何處簫袞袞泉刀競趨走雞  
鶩羣中來此叟流水車嫌富媪祠醮波秋愛隋隄柳江雲倒  
卷玻瓈風要與昏衢埽坵坵朱闌翠箔湖上樓斷梗記我三  
年畱羶腥羅綺嬾迴顧往往撥櫂平山幽勝事當時猶在眼



同此孤懷有嵇阮小艇偷借伊郡侯墨微吟細和曾都轉賓  
鳴鴻聚散安可期伯勞燕子東西飛摧積病身還故枝塌翅  
無復陵風思讀書前塵儂自惱鬢絲小杜垂垂老如翁本具  
海鶴姿縱倦清遊歸裏好雛鳳摩霄鶯出谷介壽惟應鶴觴  
祝刪我梅花東閣詩爲翁獨奏南飛曲

嘉定陳氏雙孝詩有序

陳大用字允升居嘉定縣城南父良顯有善行父沒大用母  
殷氏患癱十三年與妻黃氏籲天求代竭心力侍疾疾亟大  
用割股肉以進積瘁至吐衄隱不言黃孝敬一如其夫殷卒  
擗踊幾殞哀感行路咸以雙孝稱事詳縣志子四人季詩庭  
以嘉慶己未成進士孫十六人長次皆縣學生乞詩表微爲  
題其冊

練溪之水何清激中有孝子陳允升年甫十六乾蔭傾母瘍  
籲天天弗磨金刀割股肉作羹竭勞歐血不自明冀以毀體  
哀神靈那顧腐儒執簡爭中閨良匹姬姜型抑搔漱澣心力  
并閔曾至性伉儷羸十三年內同精誠送終號呼激幽冥殷  
田哭如壞牆聲路人聞之皆淚熒餘事嫻黨調孤惇天昌其  
嗣世德馨有子通籍孫庠鬢我昨薄遊古嚳城城南君居水  
竹清定有孝筍駢枝生吁嗟內則垂典禮男職女職道如砥  
世上紛紛鑽故紙孰聽雞鳴謹甘旨誰無父母與婦子降而  
勃谿衆不齒景彼高風愧當死傷哉我久失怙恃自省平生  
未及此再拜題詩願有泚

得果泉觀察書知陳默齋都督廣寧自壽春移鎮竟

州以書幣見邀作山左遊憚遠辭之卻寄三首



迢迢雙鯉託南鴻帶得黃流岸上風菱玉已聞河伯許時減

口將稻梁可有野人豐渾忘殘客龍鍾甚細說將軍競病工

作賦論兵賈生事辟書愁玷幕蓮紅

不數陵煙鄂與袞聖人居近攤旌旄牙軍定有詩書氣壁壘

平分泰岱高杜武庫原輕馬射李樊南許奉龍韜只慙夜半

傳衣客無分王祥得佩刀

令伯衰宗子姓單仲宣羸體鬢霜殘江湖有夢都成噩門戶

無風也自寒倦羽近飛還鄭重病妻言別倍辛酸新詩便是

休休記分與蘭陵大尹看去冬嶧令蔣伯生因培招往先已辭之

### 城西二詠

曇陽觀曇陽子為吾鄉前明王文肅公女以純節流傳失實詳見子所著懺摩錄中今觀為當

事移建大典朱文正公額其楹曰貞孝神仙

佳傳琅邪筆芝栴相國題貞心黃鵠見靈蹟彩鸞齊犁舌能

無獄攀霞自有梯莫將華山女容易擬昌黎

烈尼墓尼姓周名厥國初出家吾州之香象庵立碣表其墓

曰血凝白壁

玉碎瑤光寺霜明青豆房紅蓮開烈火白刃發奇香殘屢磨

蒼蘚神鴉護夕陽無人署黃絹颯颯女蘿涼

### 自題懺摩錄

入塾始四齡陳書讀孔孟浮沈四十年如夢稍得醒初攻應

舉業帖括奉功令俛同俗師言墨守無掉磬嗣覺中未安故

訓探馬鄭斷斷漢宋學茅蕝分徑庭頗謂空談非實事求考

證書耽唐以前儒似古為勝劫復涉百家文章別涂徑山川

大夫賦草木風人興發藻飾輪轅虛譽走不脛一朝翻然悔



華實兩皆病返諸身心間了隔不相應所學學何事摸象羣  
盲諍殫精鑽故紙躬修迺弗稱內顧皆慙尤舉步成摸弄讀  
書本窮理盡性以至命濂洛烏可輕昔吾有先正詞華安足  
驚一誤豈容更誓當掃陳見方寸勤磨瑩守約研六經省幾  
制百行時還轉法華非敢儒墨並中有明誠旨間以彼言勝  
迴向心地初垢淨得完鏡且圖懺前非違論希賢聖

寄王蓬壺大令洲從化二首蓬壺內子于子婦為女兄時蓬壺方悼亡

遠道難聽宓子琴貧官還散叔牙金舊藏懷字三年在漸老  
親情一往深巖邑頗聞需健吏經生應不負初心單車辦賊  
前賢事兩漢書中仔細尋

乍逐魚軒嶺海隅營齋元相足長吁久諳茶苦容消玉親見  
天寒婢賣珠官閣新巢愁翡翠閨人秋鬢罷茱萸孟光縱在

蘆簾底也覺香桃病骨臞

夜泊龍潭壬申

江濤撼山山夢醒四山壓船寒入櫺暝煙平羃水上亭濃露  
洗出天邊星老魚忽竄碎沙瀨遠火自閃松蘿屏桃笙靜展  
作弓臥枕底似有蛟鼉腥撇漩捎瀆明又去不識勞蹤今幾  
度欲將絲鬢垂垂霜來問青青白門樹

瞻園三首園在江寧藩廨為明中山武寧王第

藩枳雄吳京林園開別廨修篁映欄隅細路出花外廊檻紅  
微殷池楊碧多態竒礪石塹峭迎面一峯對樹老含古春亭  
高納遙眺鍾山積翠陰莽莽入襟帶天空城堞長江近波聲  
大魚身同蒼黔昌辰均帖泰秋情妥客涼爽氣延虛籟叢桂  
方畱人含香佇飛蓋



王侯出屠販詎謂無奇功斬戮干天和名成殃亦從元勳起  
濠州佐命如文終獨持慈惠心藹然鋒鏑叢行師不嗜殺大  
帥真儒宗德望祭征虜尊榮寶安豐至今留遺邸神鑒猶昭  
融靈兮定綬此山水長清雄呵護資福力報祈盛歌鐘回颺  
蕩華屋恍惚雲旗風

蒼松與白石向夕各生煙清池與皓月永夜相澄鮮露下坐  
兀兀風涼袖翩翩恍疑此境外尙有千山環蓬閣隔瀛渤欲  
到或引還欣然顧形影置我方壺間衙鼓忽遙送方知在闈  
闈賓館誠傳舍何必非因緣海山與兜率歸著知何年且呼  
雲中君聽予池上篇

中秋夜公讌後月色愈皎復飲瞻園

不管摧花蠟淚乾西園輿從續清歡桂香作霧迷遙嶼露氣  
如潮壓畫闌歸院笙歌聲窈眇行天娥月影高寒闌珊殘局  
零星話較比初筵酒戶寬

孫淵如觀察招同方葆巖尙書

維甸

胡果泉方伯顧

千里文學集飲隨園二首

臨汝梯巖宅興公載酒過風流緬文采零落此山阿曉露簾  
花謝秋陰壁蘚多李邕曾識面毀譽兩偏頗

昔傳尹吉甫

謂文端公

車騎此情殷又見鴉鸞侶來盟漚鷺羣文章前後水將相卷舒雲最喜招提近疎鐘隔竹聞

自題瞻園圖二首

并序

癸酉

昔羅近溪謂楞嚴與中庸相合劉文卿謂莊氏知無無矣未  
知常住之性也如如不動豈非不已哉予謂莊氏言瞻彼閔  
者虛室生白吉祥止止夫生白止止非常住之性而何推之



為縣解為心齋為櫻寧是具足六波羅蜜也楞嚴之七徵八  
還四科七大和合二相四大狂頭二十五圓通胥一以貫之  
矣即與聖門傳授心法何常不殊塗同歸哉半生來境風纓  
第識浪騰涌心珠久昏色身誤認遂纏悲累坐昧止觀欲葆  
真以全天先斷妄而順化因倩半霞張翁作此圖以自警策  
而系以二詩曰

不學跏趺不坐禪六時消盡一鑪煙  
燄摩兜率都休問此是  
人間少淨天

三十年來聽水聲意根今日略清寧  
誰知羽寂宮沈地廣樂  
分明奏洞庭

仲春將之皖江舟過吳門次巢松太史韻

楞伽堆案已經時忽漫旗亭酒一卮  
未了因緣文字在漸衰

心性水雲知可能蓮社容元亮  
尚有琴聲待子期白髮恒河  
且休照東風吹皺浪差差

元作

吳縣 吳慈鶴 巢松

一年一見幾何時未可輕拋是酒卮  
痛數江湖關舊雨小  
參仙佛證新知逃名尙藉諸侯養  
竊祿仍慳五嶽期明日  
津頭已春水隔花吹碎玉參差

書義山集後

時果泉方伯擢撫皖江予近為校刊元  
本通鑑書來屬兼箋奏適蘇撫朱靜齋  
中丞亦命友枉招以皖約辭之  
偶讀樊南甲乙集序書以志感

那將今體當文章辟幕河東又范陽  
須識清涼山行者打鐘  
掃地是家常

自丹陽陸行至白土遇雨

古路荆扉晝亦扃驟綱聲咽似淋鈴  
笠檐雨作芭蕉響錯認



閒房曲處聽

句容道中

雨勢淒然窘客容  
良常福地寄勞蹤  
年深石路夷成險  
山小松陰澹不濃  
冥霧輿疑承八景  
仙衣靈欲現三峯  
華陽果有登真約  
青飢先分到阿儂

搶風行

亂帆如葉江如練  
各禱封姨祝如願  
上流欲北下欲南  
那得蓬蓬日千變  
天神忽施調劑手  
順逆平分兩無羨  
橫吹側送彼此同  
跋浪陵波去來便  
紆迴學就之字形  
詰曲渾疑羸殼旋  
細響高檣茶鼎沸  
忽振舵牙雙目眩  
龍驤萬斛作欹器  
十里前津無正面  
重輕呼吸爭安危  
一索全憑蓬腳綫  
長年三老意未忤  
那得中流疾於電  
我今事事學知足  
較比石尤良已善  
獨有田翁茅屋下  
面江飽喫紅蓮飯  
幽居一任往來風  
本不知恩那有怨

舟夜

鷗依淺渚眠都穩  
雁宿平沙倦不飛  
惟有蓼花洲上鷺  
夜深猶自刷毛衣

牛渚見月

月比然犀皎江逾  
馭帛長遙知大千  
界同此可憐光夢  
日城何在青山宅  
亦荒似聞泉客笑  
那用說興亡

蛾眉山

卽天門山

長江作明鏡  
旁照雙煙鬟  
婣態抱幽意  
僊姿無媚顏  
夜分風露重  
洗出青鸞環  
列宿耿垂地  
薄雲猶戀山  
金膏水碧氣  
窈窕宛沖澗  
間烏帽謫仙去  
坐令秋月閒  
儻餘弄珠侶  
來聽波潺



溪

螺磯靈澤夫人祠十二韻

片石靈祠在三分霸業殘卷旗風獵獵搖佩玉珊珊勢已成  
吳蜀攸空相蹶韓吉儀乖反馬僊侶異乘鸞金幄刀光歇明  
珠步障寒卦虛歸妹卜山作望夫看婚媾仇讎啟君親去住  
難綢繆恩斷絕家國事辛酸魄定儕精衛宮長戀永安湘娥  
情悵惘杜宇淚芙蓉蘭溪女羞蘋白荆巫薦荔丹劉郎浦邊月  
應照水迴瀾

板子磯

地傍鳩茲墓黃公逝不還弩臺畱草勁兵氣化雲閉白鳥滄  
波外紅花翠篠間開平殘壘接餘感滿三山

阻風燕支夾

迎面驚衝颺安心得荒戍迴汀魚鳥馴薄命蛟龍怒卻眺謝  
公山阡眠隔芳樹茵閣棲誠幽雲裝眇難駐遙情窮遠睇無  
翼安能翥斜陽戀高桅慰客猶未去一寸翹慙心擿茗悵遲  
暮

銅陵道中望九華山

躡心迫前津遠興寄寥廓九朵青芙蓉遙遙半天落疏峯積  
蔥仔瑤草閔崕嶸想見薜蘿人丹泉情所託眷言採三秀顧  
步尋五藥獨往意誰申因風感飛蘿

泊梅根冶

積雨添新漲孤邨雪浪翻岸敲牆拍水籬倒樹爲藩僻巷雞  
豚瘦溪蘆雁鴛喧銅官好嵐翠拄頰靜忘言

攔江磯



小詩集卷之二  
九  
巨石涌洪波堆堆露堦坳畫作戶限橫鬻疑神斧斲峻湍搏  
成渦濺沫響澆潏篙師覓罅過奪險如奪槩昔人苦長征祝  
願車生角安得磯長攔離舟免頻數

雨泊帶池溝

雷聲碾碾雨霏霏舵師火急尋橫溪長空歸身不我顧青魴  
赤鯉相因依瀟灑碧沙靡迤草葭蒹茫離榘蘋藻灘荒夜黑  
客膽寒瞥見鄰舟孤亦好人生天涯總儔侶但其安危便相  
與差池不解端居人同室肺肝分越楚

皖城節署偶成七首

巖關鍊牡控荆揚上接襄樊下建康白堊朱闌城一角黃龍  
青雀水中央市依山勢高還俯屋壓江雲暑亦涼莫說元封  
南狩地漢家無事賦縱陽

日孔身臬靜不鳴潛峯濡陽盡夷庚天開桑晏江山色風送

和平鼓角聲驛路夕陽銷堠火射堂豐草臥衙兵獨儲懷古

三升淚清水池邊一再傾時宿州匪犯就獲清水塘  
為元余忠宣公殉節處

當年李涉此江濱七字能教劇盜馴不少孤舟停暮雨料無

豪客重詩人篙工艤楫愁遙夜估伴然燈盼嚮晨那得飛鴉

全革響咩桑同作太平民唐李涉遇盜索  
詩處即今皖口

作奏安能似左胡抗懷書嬾著潛夫古牆雨積添藤蔓僻院

春深儘薛鋪隨例盤餐回味少代人文字愜心無平生恨乏

荆關手但取龍眠入畫圖

森森戟衛閉深衙靜展多羅諷摘迦陰坐軍門分柳色安禪

幕府稱蓮花夏無壯志聽傳箭略有詩情為晚霞最喜連牆

籤室近篆煙濃似梵王家謂箋記徐漱  
石秀才朝鈔



行炙材官吉莫韡舞風妍爨唱迴波未殘紅蠟歌場好半熟  
黃梁夢境多世事轉頭皆露電夜庭凝睇只星河無生合伴  
騰騰嬾萬幻從他一剎那

閒園一片菜根香偶共簪裾步鹿場但使蒼生無此色何妨  
綠野又名堂吹來蔬氣風都好話到幽詩味便長祇覺象中  
添默感舊畦菘韭我全荒

節署後有抱甕園  
菜根香園中亭名

### 皖遊歸舟口號

叩棧津梁倦不支得歸猶恐峭帆遲只愁孤負漁洋句滿眼

### 青山小謝詩

邵蔚田先生收綸圖

先生諱嗣宗先君子受業  
師官至侍讀入祀鄉賢

道德爲竿綸仁義鈎餌如淮南垂聖訓萬物歸籠鼠釣名細  
已甚得失真錙銖前喆曠遐寄因時爲卷舒先生本儒碩學

林恣佃漁偶爾操寸牯六鼈手連諸班雖綴鵠鷺性自萌菰  
蒲罷斫蓬池鱸遂寫收綸圖鱸堂網經味鯉庭咀道腴高懷  
簽蹠棄真想濠梁俱夜壑痛移舟瑀光里間師門感先澤  
銜索悲枯魚吁嗟待沫鱗絕意揚鬢溷俗入幕府強顏詵  
鰕隅亦思泯求得忘機狎鷗鳧永息臨淵羨不逐詹何趨無  
形之漁釣分異情則符題詩冀默感儻許遊杯湖

### 練江七生圖詩并序

練江七生者葛君鐵生其仁徐君桓生榮黃君雲生穆之陳  
君恬生瑑毛君蘭生岳生錢君筠生師康莊君桐生爾保其  
圖則錢石橋學博所寫也夫其駮驥齊鑣閑接跡各以雄  
辭奧學拔俗綺歲旣聯光譽遂成品目乃繪講德之所徵推  
揚之言予忝鄰邑熟聞芳風以爲擢陵莒之秀者必規遠大



之業諸君將由舒向卿雲造極於顏冉曾史庶幾業劬志符  
嚶鳴相悅非炫聲結侶比也因作韻語以應其請所謂不足  
揄揚宏美聊以攄其所抱云爾

顧厨表東漢遽招黨人訾竹林稱魏晉放曠安足為由來閔  
達士標榜非所期要惟德不孤砥厲相磨治縣邈練邴水翁  
集鸞鳳姿彩章合沮渙臭味無澠淄各蘊清廟器黃流在瑤  
卮我聞學有三訓詰及文詞大乃屬儒者伊川彝訓垂君鄉  
緬前哲碩範昭來茲矯矯四先生制行敦薄漓遐哉直言社  
省察窮豪釐藝也進乎道本末兩弗遺諸賢備華實孟晉方  
乘時文府既研精道心行日滋賢關與聖域竝軌看廳馳同  
術篤風義同方兼友師寧如朋甲圖猥被海棗啗識路愧驚  
蹇絕塵望權奇撥懷申腐語黥僊吾奚辭

勾陳

勾陳森翊衛太乙拱楹勢那有蚩尤霧能迷松棟雲神龍洗  
兵氣玉虎殄妖氛祐順羣靈協恭傳九服聞

鬼道

鬼道徒潛煽叢祠火屢篝早應誅害馬誰解牯童牛四豕分  
肩髀層臺建髑髏祇供焦爛客辛苦覓封侯

書通鑑唐紀後十六首

臨淮善募軍小技必收名穿地有錢工終收破賊效  
縣令字人官不損應言損大哉人君言劉瑛爾何忍  
罪已興元詔臣心感若何萬方皆雪涕忠義動人多  
西平軍律嚴眾掠不敢從王建入成都尚有張打胷  
鞭從馬上算錢如地上流漕鹽事兼濟歎絕劉忠州

此三言皆記於清之  
矣

此指楊芳書之此地道碑  
滑知也



小詩解食詩續集卷二 三  
柵拔陵雲日功成入蔡年元和國計簿不藉助軍錢  
獻餐與觸瑟義士各驚心三復會昌集防微第六箴  
藏兵紫草車會食清思殿何物蘇元明妖言搆奇變  
殿後累恩決家奴卽賊臣看花刪曲宴多負上林春  
王式平裘甫賑饑先殛惡固知饋貧糧卽是拯亂藥  
摧山五寨拜彈指賊渠禽只有高仁厚能知百姓心  
婦女方績麻老弱方治田傷哉執俘將莫作楊行遷  
全義尹河南一旗與一榜黃狐白骨叢日見桑麻長  
訴旱指庭樹憎昏觀察使亂賊非芝巢崔蕘猶幸事  
楊嚴辭度支令攻爭權使牟利與畏難兩乖經國計  
策獻字三十兵原衛十六草野抱愚忠郁模與杜牧  
二月中旬果泉中丞專役至婁東見招赴院予以婦

病未行卻寄三首 甲戌

飛旆纔看覲 紫宸欖槍忽復耀秋旻躬環上將朱犀甲遙  
控黎陽白馬津激電鞭霆天掃霧賣釵沽酒地迴春鄴橋有  
意參微畫公幹漳南惜病身中丞於去秋入 觀後旋以東  
足在 豫教匪搆逆督兵亳州予時病

京觀鯨鯢百尺强草間狐兔那容藏似聞玉帳三門撤尙有  
虞羅四面張魔力豈能逃藕孔眼醫也合慎鍼芒好看根莠  
全芟了一片中原杭稻香時大兵已撤 方搜捕零匪  
孱軀已是倦長征婦病尤難唱渭城奉侍取涼原越禮眞卿  
乞脯亦人情梨花小院愔愔晝藥鼎斜廊細細聲惆悵皖公  
山色好停雲無際大江橫

早甚



火雲高作繖地脈坼成爻桂楫平江斲銀牀涸井拋無方堪  
咒水不食羨懸匏一卷齊民術鈎簾枉自鈔

壽楊叔温明經六十

倦翼場跼滄江濬素心里閑幾故人蕭君

子山而外張景江補身

與畢靜楊子居近尤情親古懷奧學各殊特子最剡鉞雄於

文金輪紺馬七寶飾蒼荀雞舌諸香薰摩空不作殿前賦韞

璞自韜希代珍研窮書圃魏伯起著錄弟子王河汾今年六

十覽揆辰殿門卻跡謝賀賓時方星躔仰雲漢比屋玉桂愁

昏晨籥口鍵精抱深慨蓮龕梵夾皈能仁知子學禪有同癖

下索贈言取樸真我聞佛無壽者相獨饒宏願徧九垓不祝

子爲伏與申不祝子駕輶車輪但祝子參弟一義聞思修業

加辛勤誠通上仗慈護力要令康樂蒼生均難陀姑利好兄

弟應時霖雨膏澤勻地肥香甘粳稻熟早秣晚穰盈箱困旃

陀羅行世不作阿菟樓福皆無貧永離三劫刀殪疫相保百

年形影神子於此際樂長日籃輿竹杖華陽巾芙蓉朱顏綠

鬢髮龐眉擊壤陶唐民如遊寂光安穩土便抵不壞堅剛身

秋容老圃花馥芬問字麴車酒温醇延年之祝無過此何必

冥靈兼大椿陳言芻語敬壽子并質蕭畢張三君

徐漱石秀才陳秋麓同守

其松書來以內學相商權

率書六絕句寄之

宰官居士印心源約我同歸祇樹園品字柴頭鐺脚坐三言

正好話風旛

身在閣浮穢樹間一舒肱地定香環伊蘭葉大旃檀小且合

同生末利山



善法堂中縛五絲  
修羅那得撼須彌  
魔天尚有鴉鳩道  
要祝鞞沙好護持

破屋須教未雨完  
刈禾也要趁晴乾  
枯禪應笑李文靖  
堅坐從他壞藥闌

蒼生安穩願無涯  
粳稻俱盧那可賒  
但乞龍王號歡喜  
年年風雨會瓶沙

浩浩諸方說法同  
健椎一擊醒癡聾  
誰知大振元沙道  
卻在栽田喫飯中

九日飲王士麟齋君業醫能詩

盆花黃映座鄰竹  
綠過牆客老珍鄉  
味秋陰戀酒場小  
詩黃泚秀大藥橘泉  
香即此成棲逸家  
風穩醉鄉

汪厚夫侍御彥博見餉醇酒侑以一詩次韻答謝

衰鬢入凋年思參米汁禪  
何來缸面酒不費杖頭錢  
情重蘇司業詩慙釋皎然  
南華微指在只合學神全

元作

鎮洋汪彥博厚夫

才名四十年老去愛逃禪  
案上有經卷囊中無酒錢  
醉鄉

眞廣矣吟社益蕭然  
頗怪滄浪叟論詩總未全

自注甘亭爲予點定詩稟序中謂嚴滄浪以禪喻詩不足盡詩之道乃借三乘眞實相明六義風雅原信可擴前人之隘而令予識所指也歸

夜

霜華漸白夕煙霏  
大地遊塵此息機  
去馬來牛都戢影  
飢鳥寒雀亦停飛  
不知燈火誰家暖  
祇覺星辰與昨非  
卻是臞禪心暗警  
中宵推枕攬裳衣

曉



縱是寒宵更鼓遲丁丁虬箭密推移誰於月滿花芳候想到  
鐘殘漏盡時曙色漸沈斜挂斗初陽先上最高枝眼前傻悟  
貞元理剝復分明不在著

半偈

半偈閒緇半穗鎔茫茫悲淚卻填膺陽阿久擬朝晞髮內熱  
真須少飲冰妄想袒肩招怖鴿那能割肉飼飢鷹無端被笑  
聲聞果自了猶難况上乘

偏蓄行

偏蓄屬早非潦蝗近水得收遠水荒荒田果荒荒有數有田  
不荒荒可作去聲朝廷恩意官長法卻使奸胥飽筐篋申荒誰  
里正口注荒誰吏人手荒田無錢田不荒作荒有錢免辦糧  
勘荒縱有神明宰一一安能免欺給偏蓄由來降自天誰知

偏中復有偏偏蓄人乃分天權偏蓄賑蓄弊益多嗚呼全蓄

更若何

霰

跳階篩瓦響珊珊雲黑風尖裏手看不到漫空三尺雪敗檐  
人已不勝寒

對雪

長空茫茫合壺玉入隙穿簾巧緣撲耐寒傲羨鶴梳翎謀身  
巧遜鴛儲肉人家一半絕爨樵市門晝掩風蕭條不知荒城  
凋瘵氣轉似太古音寥寥敝裘不典勝緼袍米盡且貰松花  
醪松醪到手手復縮鄉鄰三日無糧哭

善哉行

草有駢穗木有交柯自本視之夫寧有他一解凡百兄弟氣



共形分各判生事嗟哉路人二解爭巢而棲擇子而哺禽鳥  
則然天彝忍斃三解儻邊設豆顏間熙熙厥貌誠合其真則  
濟四解鳩喧雀噪止於岑蔚情薄文生乃在富貴五解桓山  
之翼晨飢夕飢飢飢爾同分飛則毋六解

短歌行

陰陽消息生永憂長殤子猶可彭鏗可傷一解螟蟻恣田縱  
橫風雨貴賤賢愚營營共苦二解我無巨組繫景於天我無  
大力拔車於淵三解烹羊炮羔暫悅寸舌鳴彈清吹劍首一  
映四解岱山之籙誰戚誰欣冥漠之君聲稱詎聞五解元夜  
如晦鷄鳴不已詰士委心考祥視履六解縱浪大化與之推  
遷仙人王喬屏藥一九七解

書前太倉州侯白公新劉河志後有序

新劉河者順治間吾州知州白公登明所鑿朱涇也劉河爲  
三吳水利通塞所繫而朱涇爲劉河北道濬朱涇則費減而  
優埒成規具載於書利垂百年矣今劉河雖治而朱涇及楊  
林諸水久湮屬夏秋亢旱田蕪農飢同人議計畝集資修濬  
且寓賑於役具牘請於官予實爲削草邑宰董侯嘉允之使  
此役就則農得食而東北鄉無旱潦憂厥利與前人並顧賦  
錢庀役事繁而弊叢必舉諸弊盡釐焉而後賑役皆有濟因  
讀白公書感其規畫之精審所謂萬鍾齊興於河上一人握  
算於堂中者詩以頌之竊望於慈惠之師采擇焉  
鄭白離堆後良規範邾同由來劬農計不外引渠功綜理參  
微密精誠貫始終今人定如古立社祝樂公

感舊詩五首有序



歲暮不聊衰髮垂素迴念少日見知名公坎壈沈落負負何  
極抒情述德用見於篇惟意所感詞非求備其諸存者則弗  
舉焉

元精降蠻陬直節表絲素綸閣襄鈞衡清風韻韶漢恭惟乾  
隆間民物當豐豫治盛天方中風媮木潛蝨都俞競黼黻鱗  
翼爭攀附公獨矢孤忠昌辰抱長慮排雲闔闔叫補牘心肝  
露首陳金穀事虧耗失其故儲時防虛名積薪愁火厝危詞  
班聯愕寬典灰釘恕小謫穹階鑄遼途釋紱去猶頒諫草紙  
俾抗彤廷疏卻溯官朝時我方離外傳忝爲年家子席帽春  
明赴行卷溫顏袞清樽盤釘具心期驥騰超屬望鴻軒翥卅  
載冠裳睽一身泥滓付遙天墜鄉月時事急財賦年深弊叢  
滋吏道成疾痼夫豈盡侵漁百費仰枝梧簿書勞鈎稽荆棘  
莽回互勢重返則難公私兩惶怖哲人炳先幾經國在泉布  
誰於涓流始念到江湖注盈紕司農計辛勤度支務浩然梁  
木歎萬里南雲暮

右內閣學士尹公

壯圖

賤違東閣窺老謝輟塵踏影事三十年腸輪自迴匝昔公官  
詞垣秉節馳原隰山川汾晉雄士氣軒轅接刻玉 鑾輿巡  
扶輪巾褐雜將行陳詩典故助衢歌洽我父尹邊隅我少佩  
鷩鞞虛名辱采聽俯令進所業聲偶擿裂詞未獻顏先甲神  
磁曲鉞收巨海細流納謂文如翻水賦頌亦迅捷渾忘吹竿  
濫云可充才乏督以楷則工撥鐙兼補柄期以卿雲製上林  
與羽獵班空秀髦遴感實肺膺浹塗轍霄壚乖歲月颺電颯  
星衢祥麟騁涸澤枯魚泣隔越疑人天追思恍塵劫平生蛟



螭字蠹蝕琉璃匣不埽丞相門罷發園橋篋欲祛浮薄藝敬  
探素王法博譽慙修能脂韋守界狹髻齡英譽孤人海頽顏  
插千秋台槐功史館有編牒耿耿懷知心長歌淚棲睫

右大學士戴文端公

衢亨

乾隆乙巳駕幸五  
臺公時督學山右將

以賤名應  
以人少不果舉行  
名試後

俗吏味經術小儒忘本原醇修既玷闕幹濟徒苛煩到治邁  
中古偉人出三韓淵微性天學覺義兼祇洎塵翳大珠脫眼  
膜金鏡剗巍巍古尊宿壁立窮躋攀始作神明宰繼為都典  
官莎庭闕筐篚丈室存瓢簞冷面督僚吏溫詞喚儒酸精誠  
注民物所到成蘇萱賤子甫冠時獲隨賓從班論詩薄曹劉  
體道晞閔顏直從心地初了了呈倪端業愧彭子佩行非曹  
景完猥於授經暇飽得餐微言俯念衣食事為籌棲息安汝

陰田未買隼旆旋飛翻謝傳夢雞白巖公歸旄丹孤飄一殘  
客老淚今猶彈民躅日彫悴俗窳滋蚩頑名父水門廢任延  
講堂寒祝如公數輩參錯封圻間各以宏誓願拯此黎毗瘝  
煌煌循良傳撫卷餘三歎

右東河河道總督王公

秉翰

公仲子郊受業於  
予公觀察廬鳳時

欲為子置田賴  
州以遷官而罷

羈州遊邊州童嬉習鞍鞞嚴親綰綸銅子舍修溫靖國棟豫  
章材穹門媿蕭邴銀章雁郡守岸憤南樓詠辱以通家誼許  
申拜牀敬沙黃塞雪糅月白城笳競幕府文符閒寥天珠斗  
正深杯伯仲雅華燭短長檠磊落敷詞條豁達刪語穽時時  
和新詩韻若泗濱磬送酒駮馬蹏借書走奴脛顧維驚服早  
曲彗珠照乘昔夢淒心神朱顏改明鏡藩吳暫披接鹽坂仍



躡蹻幽燕三輔地節鉞握兵柄勵翼妨頤生紆籌益憂炳騎  
箕當行部雨泣軍民併去年大作逆畿甸叢梟獍妖星玉除  
照殺氣天街橫翦滅雖崇朝游魂有亾命先幾事誠難盱食  
煩 明聖公靈在雲霄憤涕想交迸義感羣英趨忠驅百神  
應長扶太平基速使根株淨

右直隸總督裘恭勤公行簡

一勺泉無貪三公不易介疑然吾婦翁峻節峙崧岱舉首南  
宮魁詞頭東觀最初乘司隸驄時整休奕帶建言撫拾非簞  
國媿如戒獨念宜房官成規潘斬在久歌鏡瀾平孰慮菱塞  
敗廢格犁疏法侵尋沙石滅河隄兩使者跛蹇嬰疾億滔陸  
機先萌尸官宜斥退封章白簡彈按劾青蒲拜茨築俄崩摧  
芻言洞著蔡超曹光九列膺錫逾十賚程士金懸衡校文鑪

鼓鞫嚴無囊書通公有孤寒夔几杖乞骸歸頃田負郭賣瓶  
空半粒粟居只三間廨童幼託絲蘿山邱慟蒿薤名愁冰玉  
忝範憶春雲藹直道人心存馨香前哲配至今膠序中看釋  
諸生菜吁嗟斯渠事比益勞軒蓋曲突公會憂處堂詎忘害  
迂庸揭夫懷侘傺魚頭嘅榮進長已矣廉隅庶無壞兢兢狷  
潔志或冀符鉞芥

右兵部右侍郎蔣公

元益

公上請更兩河臣疏  
在乾隆癸酉年戊戌

歸田日自贊有屋止三間粟  
無一粒之句今入祀鄉賢

里中黃拙庵丈

昌言

制行淳樸績學工詩以諸生窮

老終遺集無傳之者偶於敝篋中檢得其乾隆戊申  
歲柬子借書絕句三首蝨蝕其二其一僅存句云汲  
古如登臨貪心窮楮標知君仁者心攬勝當無已墨



淡字歆迄今二十六寒暑矣黃丈墓木已拱而予家藏書亦散失不逮曩時十一追維愜息輒成二詩

宿草衰楊掩墓門遺書零落墨痕存誰刊陳起江湖集略慰方干地下魂

雪花不作堅牢玉世相無非變滅雲欲寫蘭亭須繭紙人間癡絕右將軍

去歲春中晤張船山太守問陶於吳門見語云神交廿年矣比聞其殂謝以二詩輓之

分明星月負衣裳峨嶺仙人謫大荒百態新詩珠欬唾兩間清氣雪肝腸窮逃酒國原無賴病買花枝轉自妨時新一曲

當筵人一世燭痕和淚其淋浪相門詞伯乍抽簪萬里沙曾五馬臨瘠郡轉添貧宦累官錢

難稱活人心君守萊州適他歎歲救糴法贖安禪好畫餅名勞榜道第

此日絃歌慙赴節可能遙賞蓋山音

懷楊蓉裳農部芳燦蜀中二首君主講西安書院近聞入蜀修四川通志

木末亭邊共拍浮三年秦棧薄裝留過來雞犬新豐路唸入魚鳧古國秋十椽箋分才子寫謂哲嗣浣香六朝文合錦城修蜀

王記與華陽志早晚書成肯附郵當年力戰扼城完十萬封狼一彈丸農部尹伏羌時值逆回之亂有圍城百韻詩

殺氣冷連邊月苦筆花高拂陣雲寒角巾西第休官好輓益東厨煮字難太息廣驢詞賦手白頭還戴遠遊冠

新正十日文軒侍御耐山同守招飲小琅嬛卽席分體得嘯字二十韻乙亥

冰雪饕殘臘風霾壓故栖青陽翹轉律白屋迴含悽暖氣然



其燧新韶驗柳稊綠迴蔬甲潤紅入草心齊詞伯今潘左狂  
明拏阮嵇釘盤羌貊炙沁齒薩波壘漿美珍三勒詩砭數六  
迷酒香醺幕燕霜凜隔簾犀樗散渾忘蠹雲高慣憶泥情瀾  
滋蕩激曾岳隱端倪歲乍經糠歉人誰飽糗藜米艱稀會食  
釀貴廢偏提肅羽鴻方集查牙馬不嘶陳書毫斤兔論事膽  
成颺宏願魚緣木浮生蚋聚醯且須嘗紫蛤何暇唱黃雞勝  
地憐萍聚歡場惜侶攜畫檐纖月落歸路玉繩低蕊嬾探梅  
塢豐先祝麥畦吟懷如凍雀春到又催唬

輓李蘅塘學士

錫恭

當年立雪共求羊謂時庵外舅馬氏人人說五常一鶚獨先霄漢  
舉八龍無此姓名香新宮又逐羣仙賦舊夢全拋選佛場莫  
問大羅天上事日斜鄰笛感山陽

四月十九日白石翁招同靜山叔溫飲玉臞閣以二

詩見示次韻和荅

客塵鼓洪波識浪不可詰永懷紫霞想孰整丹泉術集侶如  
宗雷聯情託膠膝生機感山園百果同一實飫我蔬筍盤喜  
等飯飢溢風雪足微尙卽事成馨逸頗悔學書蟬關門兀佔  
畢  
息心厭機巧除飲須緘口半畝戀花宮經行肯孤負草香承  
牀敷松梵出林藪便應挈壺前寧計成佛後清供快朶頤俗  
士占解拇君同惠遠師許醉陶潛酒一笑虎溪邊微言爲予  
剖

次韻荅叔溫問疾

一春夢繫花開落半卷書消酒淺深多病尙餘無始習就衰



纔悔未來心 芒屨破鉢何年辦 繳網迷雲幾度禁 願約盈川  
老居士神珠同向做衣尋

元作

鎮洋 楊雲璈 叔温

中虛憐我支筇弱 小極看君閉戶深 百歲易過生老病 六  
時難攝意身心 罷茶止酒俱非計 覓句攤書兩不禁 有客  
對譚能去疾 相望南北互招尋

秋杪復將有皖江之行次文軒贈別韻五首

紀程詩卷廢仍題倦 身終難戀故棲未 到重陽風雨日 江花  
江草已淒迷

情重汪倫贈別初道緣 深處世緣疏 可知千尺桃花水 不抵  
曹溪一卷書 時以重刊憨山法語贈行

入林支許愛同羣 法侶君真似右軍 頗怪多生文字習 高詞

還欲儷皇墳

牙旗玉帳大汪橫 書劍何心說壯行 但祝蓮香秋幕底 祇譚  
風月莫譚兵

漫將秋水洗塵容 多事昌黎送五窮 識得隨緣安隱法 不須  
雲將問鴻蒙

予與芙初太史別九年矣 今秋相見於吳門酒次時  
予將之皖城 芙初治裝北上 以詩見示 次韻和荅三  
首

翩翩雙倦翮 秋各遡風來 迴首別如雨 論心惜此杯 蹤難鷓  
鷖逐衣約 芟荷裁黯黯 離堂色江雲 落豆灰  
身境如雲月 荒荒聽所之心齋 寧六鑿禪侶 託三支文字終  
憎命人天 近得師晦堂 消息好香到木犀時



鬚髩蒼浪對檢期仔細商行藏歸戒定風雅系綱常世味茶  
兼蓼流光味又暘後時逢背雨誰更勸飛觴

元作

陽湖 劉嗣綰 芙初

艱難故人面一面十年來道氣歸書卷豪情減酒杯傳文  
及身定野服稱心裁莫厭支離相相逢話劫灰

盡除名士氣湖海欲何之書少嬌兒讀機餘病婦支家貧  
常慰僕學積自求師莫負庭前桂秋山正好時

聚散恩恩事開懷為一商去留君未可進退我何常局外  
籌軍國閒中軫雨暘他年人海客難忘此離觴

十二時情至之亦不堪  
身後

愁中眉黛病中身小愈輕拋甫越旬餐減久將湯藥代客歸  
悼亾十二首 時亾妻久病小差予將由吳門作皖行  
亾妻即是以是夕長逝蓋九月廿三日  
也以詩哭之族望行實別詳埋銘

海山賦

還望笑言親出門意惡機先兆瞥眼香消事果真早識此行  
成永訣肯令傷別再含顰

纔罷昌亭祖餞筵傳來消息促迴船披帷但貯雙瞳淚撒手  
猶餘一面緣少日聰明寧載福化時安穩或生天驚心月皎

霜清裏恍有神風去肅然  
送君南浦恨常銜偏是飢驅屢辦嚴兩字銷魂呼別酒卅年

含涕壘征衫幸遲湖海人千里斗變平安信一緘寄語天涯  
浪游壻莫教容易挂離帆

總帷風色恰驚秋那得香焚聚窟洲薄供新蔬知食少略描  
遺挂認眉修營齋短晷恩恩過倚枕清宵細細愁正是如年

寒漏永儘將前事記從頭  
大義能明至性殊門楣從不傲崔盧并無惡口加僮婢常展



歡顏對舅姑。風樹酸聲悽共聽。露蘭唳眼久成枯。而今卻替  
亾親慰。先我晨昏侍冥途。

耕織何能學孟光。風標還未忝姬姜。頻經憂患心逾細。不作  
矜嚴體自莊。嬾遇花晨常晏起。病逢家祭必晨妝。小春轉眼  
修時奠。布席平添淚數行。

最小偏憐謝傅庭。閨房遺訓守名卿。未曾詞藻嫺才筆。頗解  
風詩重性情。夜閣香鐙成道侶。書簾清影似書生。牙籤整姪  
房櫳窈。風定猶疑展卷聲。

不貪黻佩厭笙歌。只愛家庭養太和。百疾自知生趣少。六親  
人說笑容多。飛蓬髻已拋珠翠。破布衣還當綺羅。澹泊儻鍾  
來世福。康強先勿累沈疴。

早孤子季劇焚單。嫂氏真同母氏看。乞得米常羞獨飽。典餘  
衣或替遮寒。商量授室言如昨。辛苦成人事儘難。說與旁觀  
不求諒。九原卿自得心安。

筵卜中年爲祝禱。占來顛趾一顏開。禪心自嬾花叢顧。世眼  
冤將柳氏猜。豈有調言成海棗。可無幽憤抱泉臺。良朋總有  
生稊勸。不柰尋春寸念灰。

簿籍勾稽秩秩如。鍼箱線帖亦清疏。盡收遺物歸塵篋。怕有  
零箋見手書。未散魂來殘夢裏。最傷心是上鐙初。參元枉悟  
蒙莊旨。結習依然欠掃除。

一聲清梵一莖花。自轉金經向碧紗。根淺豈能資冥福。情真  
差勝名僧伽。早安香骨謀歸土。得傍先靈便是家。從此報卿  
卿許否。佛煙禪榻送生涯。

金堅齋學博元每以錢三同人手書詩札遺墨屬題



感愴之餘輒成五十六字丙子

難遣巫陽叫九旻璇霄應乏著身人天邊白玉樓何處篋裏  
銀鈎字斬新昔夢記來添綆淚零珠傳玩亦奇珍鄭堂遺籍  
文園稿拭眼何年付翠珉

讀義山集有感再題用文軒耐山九疊不字韻卽以

奉柬

時又將之皖而張蘭渚中丞疊函招致堅以皖約舜之前有書義山集後絕句茲再書以志感

果能才似玉溪不下客恩多負桂州綠水敢辭王儉府青山  
終戀仲宣樓虛聲慙愧蒙撞鶴野性分明浩蕩鷗風欲吹桃  
煙潤柳楊朱休爲路歧愁

文軒耐山有置造之勸再疊前韻荅之

從來月沒替星不立地無錐笑趙州塵海因緣拋牒扇孤雲  
蹤跡愛僧樓華年早悟刀頭蜜綺夢慵圓水上鷗只要寒岩

倚枯木略添花草便添愁

二月八日雪後耐山招集趣園劇飲分韻得花字

春陽不舒羣陰呀風稜雪片交按拏鸞跼如負殼蝸皴玉  
凍損梅槎杪尋芳足裏白鼻駒温毳席少蓬萊葭仙曹奕世  
茅君家送暖招我斟紅霞蘭堂燭輝翠幕遮椒蕪焰吐煙光  
斜亭亭媚娥雙髻了一笑展放天桃花歌珠銀箏合鳳琶鏘  
然音流婉凌華大千世界恒河沙西走玉兔東金鴉颺輪疾  
比赴窟蛇羣生擾擾爭蹏窪遇合安用分隆窳蚊蚋舞甕禽  
扱冒六合之內皆籠箴今吾不樂大耄嗟醉鄉日月真寬賒  
護世城中珍膳誇乾闥婆天樂紛譁有似背癢煩搔爬中年  
逃禪學結跏獨處無匹甘匏瓜至味頗戀菖蒲茶東山絲竹  
忽我嘉八識田又萌情芽迷津覺岸渡乏楂長者火宅乘無



車祇洄犯酒亦細瑕藉掃塵累稠於床優似脫鎖兼敲枷願  
離三業聚惡義解穢受請漁陽搥侵尋海籌轉蝦蟇長天爛  
爛開晨赧

同作

鎮洋畢憲曾靜山

鴻飛倏忽各天涯一笑恒河偶聚沙絲竹何妨兒輩覺敦  
盤卻讓我曹誇瓊杯玉釀神仙果熬燕雛鶯姊妹花如此  
良宵如此會誰言世味薄如紗

述懷三疊前韻柬文軒耐山叔温靜山

石火光陰省識不存亾清淚滿西州

年來葆巖尚書墨卿船  
兩太守同人鐵雲兩

孝廉俱  
下世

定歸佛界雙林樹浪說神方五嶽樓浮世夢原同覆

鹿春江風且莫驚鷗新詩卻似西颯笛觸撥山陽萬種愁

三月十二日出門別亾妻匱

乞食復行腳含辛一撫棺孤樽聊自餞雙淚要誰彈教弟然  
香火畱僮守藥闌隨緣任漂轉小艇即蒲團

吳門晤湘蘅女弟

驚我衰顏瘦煩君纓淚垂恐增孱體病翻作達言規細雨憐  
花活明燈制酒悲奇零看骨肉不敢說孤危

陳生子雅北賢齋坐雨

有髮僧相對無弦琴任瘖睡情茶後減禪味雨中深瓶鉢同  
蕭寂江湖偶滯靈惟嫌少姚合謂春木時三  
人皆倅亾鐺坐話雙林

題陳孟楷裴之所撰鐵雲行狀

鍊雲居母憂以毀卒

此是真文字能傳至性情畱添獨行傳增重好詩名死孝侯  
知道通幽范巨卿存亾光我黨風義各錚錚  
孟楷以近詩屬點定輒書五十六字



新詩獨契秘密藏有似禪開臨濟宗四七星辰見光氣八九  
雲夢吞心胸神仙一家許玉斧父子兩騎周盤龍我曹溼鼓  
甘守默但打夕陽花外鐘

吳門訪懶庵上人於善慶禪院出蠡濤吳丈手書長

歌題鳳巢圖卷屬爲繼聲時丈已歸道山詩中備述

選僧修寺之由蓋具宏護苦心非隨喜法門比也卽

次元韻書其後

鳳巢王僧會一懶庵會公王教懶公  
王宗皆善知識也今會公已逝善慶

寺在城中懶  
公兼領之

先生化鶴如蘇耽墨寶留鎮松毛庵健筆虺蛇走風雨妙書  
猊驥紛趨趨選僧護法若選士淨拔荆棘栽梗楠城西鳳山  
我未到讀書請爲紙上談單椒芋綿草有忍匹練歎薄泉無  
貪壓檐石壁面削鐵傲霜楓葉紅微酣香茅縛屋趺坐穩野

蔬擷圃齋厨甘布薩羯磨雨尊宿寒山拾得夫何慚會公滅  
度懶公在別有退院開伽藍孤雲片石足小歇白月大珠光  
炯涵覺支餘事作詩畫如鉢偶現花優曇比來吳市接瓶拂  
粗言細語忘咕喃法王難學四無畏叔夜自知七不堪苦思  
把臂覓支遁那得捨宅儕羅含八萬四千塵濁想敗絮著棘  
車徒駮根門何方熱惱絕心力願秉金剛戡彌天義學肯示  
我皎皎秋潦澄寒潭爲商教海及禪土不出一心萬行留普  
攝諸門定爲首無分緇白兼纓髻要除文字掃知見勿嗜禹  
穴奇編探阿難多聞迦葉笑王壽負書徒滿篋直揭真傳渡  
筏入勝語妙義風旛三津梁久疲春夢破徑欲柳粟香林擔  
真依香火此卽是披圖笑指晴煙嵐移文永免勒山北虛譽  
任人高斗南搬柴運水縱無力焚香掃地粗能諳竹窗霏霏



散花雨佛火隱隱搖蓮龕我題此詩作左券不辭細字如眠  
蠶先生有靈定默佑雲中甲馬方朝參

小謨觴館詩餘附錄

鎮洋 彭兆蓀 湘涵

臺城路 春夜讀手山少年游詞悄然感均填此解和

露華如水天如洗六街蓮漏遙聽酒重黏衫花低壓帽巷窄  
獨兒未醒玉羅窗靜恰待燼蘭缸向支匳鏡傳語呼茶小紅  
鸚鵡隔簾應年年江湖泛梗有傷心影事腸斷誰省一樣  
清游依然後侶換了少年情性眉峯煙冷指珠斗闌干斜斜  
整整半晌魂消畫樓殘月影

謁金門 巢松齋中秋海棠忽發重臺繪瑞棠圖索題

燕支勻染雙笑梨渦痕茜莫道秋紅春色淺西風簾自捲  
六曲屏山雲豔一角蟻牆煙斂只有幽花心事嬾盈盈低露  
眼



甘香初不講好律  
平仄為誤

金貂換酒

金子裴曝書圖

風幔開晴晝。看紛紛珠璣。笙典鴉奴左右。漢殿秭侯。官總貴。祇說黃金繫肘。問有此百城擁否。誰抱遺經。酸寒甚。只長鬢。赤脚供趨走。遮莫笑玉川叟。少年我亦殘編守。嘆蹉跎書淫墨癖。龍鐘卅九。案上乾螢成底事。負了一囊塵垢。儘茅屋漏痕都透。徑欲全拋兔園冊。但江湖料理。綸竿手。閒晒網。夕陽後。

高陽臺

若冰女士遺照

翦水凝眸。積雲躡髻。畫闌庭院春深。風絮天涯。離愁負了。瑤琴迴文機上。珍珠字。問幾番傳語青禽。鎮微吟。明月樓西。羅襪花陰。阿誰腸斷。篋篋夢。賸悽然遺挂。壁帶塵侵。翠石蒼苔。衣香何處重尋。晶簾數點梅花小。尚依稀。瘦影檀心。恨難

禁碧海青天消息沈沈

買陂塘

李子仙投壺夜飲圖

夜沈沈。吟朋俊侶。紛然中酒。而作誰歟。中雋誰浮。白注目寒山秋閣。堪一噓。筭得失。人間萬事如斯。爵逢場戲。角儘驍脫。蓮花天流笑。電勝負。定忘卻。前遊記。裘帶羣公。油幕也曾。壺矢為樂。琴心劍膽。消磨盡。悔插風塵。雙腳交落落。便爛醉狂歌。金戟都休。拓私心。暗諾。只白酒黃雞。檐花細雨。算負故人約。

前調

吳爽庵藝菘圖

笑人。聞朱門梁肉。羣兒酣豢。多少荀奴。箇妾山居。供我與何。會同飽。場圃小。放露甲。煙苗一。例都栽。到江湖才調。指說餅清。門飲泉家法。風味箇人好。書生腹。只配紫葵紅蓼。故鄉



隨分漁釣殘杯冷炙年年客多怕舊畦荒了憑報道論託命  
長鑱作計真須早閒園淨埽要蒞勒編籬團焦支屋夏約漢  
陰老

疎影 巢松咏花圖

暗香欲滴有刺嘈翠羽見爾清寂霜亦精神玉亦温磨素綃  
衣袂薰徹金尊檀板都拋卻算溷了仙姿姑射但風前攤鼻  
唵成濃笑疎枝漸圻 試問瀛洲登後九英一樹下記否朝  
日風絮前蹤我似何郎揚州東閣能說天涯歲暮參橫夜生  
怕聽玉龍哀笛只鄉愁減盡詩懷閒煞滿庭煙月

桂枝香 題王丹生與其友汪紹庭合作  
秋堂延桂小影時汪已下世

文寮虛敞有金粟浮空畫蟾窺幌嵇呂心期交映玉壺冰朗  
水晶簾下玲瓏望一天秋一天瑤想小山何處素懷誰託暝

煙空蕩 嘆石火流年易往又庚公思舊伯牙絃曠橫笛西  
鄰遙夜送來淒響畫圖留得連蜷樣賸寥寥幽興孤賞屋梁  
月落閒愁萬斛古香仍放

百字令 金堅齋臥游圖

藏春小鴨問人間蠟屐勞勞何苦綠水丹厓金碧畫都在先  
生岩戶絹素雲煙滄江虹月便是扶搖路蟠曾五嶽一廬中  
有千古 堪歎湖海平生浪萍飛絮往事愁重數徑把遠游  
冠卸了休說登高能賦上箇籃輿拖條竹杖并嬾尋花步疎  
簾清簟與君同看山雨

前調 王秀才斐成爲吾鄉煙客先生耳孫工六法得  
其祖風繪耳畫室圖索題爲填此解卽送其之

水瀨

懷哉者舊話清門文采孰如卿好尙璽司農家法在又見仍



孫英妙老樹顛厓江山煙霧真覺聰明到丹青引裏杜陵感  
慨多少 記取隆福寺前小祇園畔卅日同遊釣此是家鄉  
真畫本可惜翻飛鴻爪甚日關門湖亭黃汧摹箇藍田藁鷗  
盟珍重髻絲我已垂老

臺城路

題六合汪紫珊碧梧山館圖時紫珊將  
需欠此上而予有皖江之行瀕發書此

十年夢想汪倫久相逢秣陵羈旅璧月詞人微雲女婿君爲  
隨園  
太史家住石帆深處藥闌花淑有翠鳳棲檐冷蛩當戶一片  
吟情秋聲都在最高樹 纔聞踏歌岸上又東勞西燕相背  
飛去江草黏天楊花滾雪愁聽離亭津鼓銀牀小鴨問甚日  
閒蹤再團鷗侶寫我西窗翦燈同話雨

前調

徐漱石僧廬聽雨圖

蕭蕭撼撼淒淒裏荒寒梵宮深院修竹初鳴飢飈欲出中有

妙明心澹前塵如電笑羅帳青樓霜天斷雁過眼空花人間  
何事可留戀 吾生幾場夢幻也悲歡離合雙髻都換一鉢  
山棲半龕雲臥要結淨名禪伴宵涼香泛儘蕉葉秋喧塔鈴  
風亂分箇團蒲佛前燈共翦

十二郎

書盛子履孝廉詩卷後

一鞭席帽纔拂了輭紅塵土看文杏雲邊碧桃天上愁絕笑  
蓉江渚莫問春卿遺才事只湘水衡山鑿取嗟十指朱絲七  
條冷玉有人心許 千古錦囊留得綠章新句記吾谷花穠  
尚湖杯暖傳徧旗亭歌處穎士奴憐香山嫗解儂也兩眉軒  
舞暢好約海畔成連日日刺船聽去



小謨觴館文續集卷第一

香墅漫鈔序

鎮洋 彭兆蓀 湘涵

昔晉獻王俗書輒手刊其謬而梁邢劭又有日思誤書之言  
 道若不侔其為實事求是則一也自榦材膚受苟且龕略於  
 是策為八十宗鴿為人日鳥杖杜伏獵弄麀蹲鴟趙肖齊立  
 壯月牡丹麻沙父釜唐本屯毛重性馳繆夏僕難數文籍先  
 生儒林祭酒辨正紕紊篇秩叢興有唐以來若顏師古李匡  
 父邱光庭之屬嗃矢於前洪邁程大昌高似孫王楙之徒推  
 波於後是皆說部之權輿稽鏡之淵藪所謂議官之襍家也  
 國朝通儒輩出若亭林潛邱湛園義門諸家各有成言津逮  
 靡既數十年來摛詞之士本原或疎研經之流迂鑿不免至

案此謂晉之齊獻王也當作  
 齊獻王或云晉代齊獻王 邢  
 劭任元魏年於此語與梁此涉  
 案觀書傳通似付有誤據新  
 君論後序可求心分宗卷  
 誤才為十石兼字赫作茶並  
 誤作宗心分兼字為分字也  
 口昌出清異錄知唐王建封  
 事乃去夫不涉字用之於此不  
 偏以十伏穢弄厚為的皆自  
 嗜与狂學也涉  
 案唐人亦不考法刊誤宗人  
 不考且執回之危辯 本以  
 僅舉四人自有湛園善問甘  
 序於致旅之字似與此知



於說文廣雅之學近雖不乏專家然欲其統括四部勒成一編不求宏深不尚剗闢匡正俗詁家喻戶曉蓋轉抄其書焉南城會香墅先生今之劉公是王深寧也所著漫鈔續鈔又續三編蒼萃羣典抉剔訛互別風淮雨丁尾鈎鬚柳亞桃萊犬臺泰壹其辨似若簪汜畫塗其決疑若繁絲斷刃意行歧旁揭槩以表之昏索暗室炳燭以朗之碎細分擘切截纖穎所惑鏡澈所矇煥發揚子雲有言多聞守之以約多見守之以卓若是書者約矣卓矣夫凡將滂喜久佚其篇无死支文易消其訓誠得斯袂懸之州閭非小學之指南言音之藻鏡乎先生閱覽錢詹事迹之先生志行吳庶子詳之溝猶未學復何所言屬委弁端謝不獲已蠡測所及復覩縷如此若夫向朗校書精於毫齒張蒼爰歷成於期頤先生味道養和著

字張蒼史降首年其孫序  
如律孫史降首年其孫序

漢家歷下道為此若字字為記

饌未艾有若衛武懿戒呂望丹箴異日簡末附名猶將泚筆  
埃之已

留春州堂圖序

留春州堂者汀州伊墨卿太守自題其讀書之廬而即以名其詩集也夫四序代嬗惟春為喜羸萬物棣通以春為德始古之閎儒魁壘君子駿雄往往體冲氣於穆清樂仁化之普被和淖羣動開發德意三朝之正既慶六義之蘊用宣於以樹宏猷申藻詠所謂欣喜歡愛樂之官也太守疏照鼎門翔輝潭際歸藏樸學勤肄習於暄辰浴沂高情契襟靈於上哲柘湖波暖遙和汜人之歌蘭葉煙開旋賦月鐙之會入華林而簪筆侍披香而薰衣蓬蓬自遠妍華生於楮象熙熙在顏芳芬馥於齋閣崔瞻父子雲龍人日之詩王融文章曲水三



月之序固已蔽葩落藻若庶卉之含英宮下商高應條風之吹律矣而以留春名其堂則意有深焉蓋時方策名瑣闥持憲雲司展鬼薪白粲之書秋茶網密判北寺黃門之牘夏日威嚴獨以慈祥寄其矜惻下嘘鑠土則寒谷成暄上體

帝心則繁霜變露蘇幽局於泉底滿生意於胷中紂絕陰宮之地永昭青陽天街析木之間常溫園駒於是鹿柴摹圖鷺溪裂絹岸鋪島織草芳木妍煙嵐媚景而啟顏雲物烘晴而決皆殆將密贊化育內諧恬曠矣乎雖然開元含和者氣久而彌醇宣風展義者澤敷而逾遠太守出臺省典名都彤帷所至喻東風之變枯丹忱所孚方膏雨之養瘠魚頭赤子援以登臺鶴膝囂風教之剏耜將使杏花菖葉綿煥沐於蒼靈綵幟青旗迂蕃釐於富媪况復劉樊儷體承眉耆之親顏江

鮑齊鑣領煙花之城郭春暉未艾春祺方來於以頒春令進春觴嘔咐醞釀曠義滂仁羣生堪堪以迎禧萬彙昌昌而薦祉豈徒眷三重之屋突兀眼前成一尺之集長留天地已哉我澤如春寓諸縑素善人得位常作歲星世有同祈予言爲券

### 湘頌樓詞序

溧陽史君伯劭鐘巫洮之淑靈席蕭邛之門業神智夙湛瑋甄滂流歲路未強已冠孝秀元黃葩藻卓犖軒翥顧所篤嗜尤在歌詞蓋其珠玉抱質芬芳入懷耀豔深華於騷爲近於是練昏研曉爽淒魄靈妙所寄意象斯超珊枝海月入其幽襟湘江暮煙疑靚焯態愀愴惻惻之旨夷靡案衍之音旣根性真遂成絕詣匪特紹嗣家法闡南渡祖風而已夫鯨夔



喧肆不如么絃之感心熊豹羅几未若石華之悅口情動於中而形於聲聲成文謂之樂是亦威鳳一羽足驗五德者矣君今者漳濱臥疾周南畱滯息子勝斐然之志抱孝章永年之憂論者方惜其摧撞拂鬱沈落英耀不得賡成莖第雅頌而君獨流連寸卷冰雪自攜二三素心諄復揚摧其負懷孤寄非復塵想能窺羸其身昌其藝蕭聊惚恍瞳矐昭晰羸縮有數光采靡窮以視金石雲陛爛聲炫辭慧業所存或不以彼易此也

邗上雲萍集序

夫跡之所寄而情寓焉意之所感而詞發焉淺夫蒙心罔識羣怨雖在羈屑無可攄訃其或擁傳壯遊縮符經涉卽有興寄奪於浮榮性真不存歎詠無當是惟畸人騷士蘊魁磊之

奇氣負卓絕之瓌姿孤雲一身川路百織其間都邑之駢生原澤之珍瑋人事之離合歲序之遷貿悲愉萬端俛仰均感長圖大念隱心而其宣春鳥秋蟬含槩而自語於是冷汰結質鮮容駒華鏡骨滌肌冰瑩霞炫遇之嗇辭之豐上有日星下有風雅此邗子祥伯雲萍一集所以洞鑒騷情秀照江國者也邗上地交川陸古稱華州漕渠崑岡之樞軸冠帶衣履之昌丰僑客游民聯肩疊踵祥伯以無對之才寄孤飄之跡影溷乎凡瑣心軋乎霄崢資煙月之清真抒襟靈之軫結干歌百賦久播域中補綴沈吟復成此段以予比歲亦客茲邦屬爲弁言非同膚受嗟乎祥伯久遊益拙廣交益孤文采益奇邁選益悴後之流轉未知何方則此詩歌又將遞續豐茲嗇彼豈真有主幸存耶援筆序之曾歛系歎而已



七家詞序

六合汪君紫珊以其友袁君湘湄劉君芙初袁君蘭邨趙君  
艮甫汪君竹素楊君畹香所著長短句附以已作彙刻之名  
曰七家詞之數子者著饌宏富非徒樂章茲以詞舉以藝齊  
也並世詞人南北林立約以七家以知限也夫六瑩九韶聲  
非一律五綦七情動非一端比而同之不和則繆而汪君乃  
通其驛騎合爲駢枝豈非以吳歆越吟之地晨鳧夕雁之鄉  
水木明瑟輒孕惠心煙波眇綿例萃秋士沈吟山澤俛仰翔  
游蟲聲引愁落葉迎意或跌宕近局竹屋語癡或欵乃前溪  
蕢洲笛脆莫不宮商協應瓊珠互投則所遇同也雲飛泥沈  
蹤跡或殊靈檢真想曾次無二如春盎盎情瞳矐而各萌如  
波鱗鱗風蕭城而時起洛濱擗腕寓牢愁於嬋娟阿谷抽觴

發荒寒於融冶趙元叔之蘭蕙酈文勝之靈芝羽容霓色月  
眞可呼珠淚玉燵天亦若瘦則所感同也且夫浮側趣詭亢  
鄰於僨畫咬蔓流靡戾於雅是造弄之末技非琴旨之正軌  
數子練情振采離貌合神苟昭藐以結緒則若孤花之送妍  
間摧藏以訴懷則若么絃之成韻遠態疑霧分被六銖之衣  
澹思當秋遙和七條之玉宋玉景差庶可稱乎別子金荃蘭  
畹都無忝乎嗣音則所詣同也蛾眉殊貌而悅魄芳草異氣  
而動魂文通所云斯集足副於是傾崑取瑤聯唱成編瀾灼  
濫沃不嫌源分酥酪醞醞終歸味合語其條例旣花菴之繼  
聲論其別裁亦笛家之法乳已昔迦陵叙浙西六家詞有云  
倘其旁及江東作者何妨有七今紫珊諸君皆隸江左獨蘭  
邨以浙籍僑寓秣陵由昔視今若爲補缺詞客有靈當相視



而笑也

求心錄序

自異家馳說儒法分流學仕二端遂成歧別韋布之彥佔畢之辰纓被聖哲之言沐浴修齊之訓未嘗不興懷上理仰鏡前徽鑒蒲密而心儀語鄭阿而色動迨乎既釋巾褐遽縮銀黃公府走趨簿領督促司空城旦卽莅治之寶書金布令甲爲持官之要道智者曲謹冀免愆尤不肖譁張間干刑辟其有殫精億慮銳志希賢論建豎恐來喜事之嫌勉拊循或致迂愚之誚經術吏治迺爾兩違是豈循卓之難幾亦非人材之遜古蓋器識不定則利害易其初心操存不堅則措施乖其素願也方今三雍化穆五典人惇展義宣風廉能輩出會稽何改夫先生代傳素業夙習儒宗從說之書六弢通人之

文十篋射諸生之策屢躋於端門集駁議之篇旁通乎律本於是庭盈纁帛身傍韜沂代人作箋爲民請命枉乎宜狂哀息嗷鴻固已仁體臯蘇澤同罕樂矣大府重其幹局勸以策名爰登黃霸以財官屈兒寬於從史始以長吏歷任典城所至磔其梟狼養以風雨延壽閉閭兄弟無爭長孺發倉災傷立起董宣強項之令陽球理姦之才文翁雅化聆匝路之絃歌名父行田樂盈疇之菽麥征無夜名纏屬而輸租野有宵漁閭行而畏法冠操秋雲之表下令流水之原遂使車蓋一丈榮頽守之屏泥桑陰四郊立欒公之保社至於陽施長世陰德活人家法本於比干惠心方乎邴相是又仲父所謂心行士謙譬之耳鳴唯恐人知不煩覩纓者矣此求心錄一書則其敷布之緒言循良之左契也原本問學詳示準繩悉其



聰明劑其實猛刻廉而不劇溪盜而不苛體慈惠以養和設  
鈞距以懲慝思周乎利病纖入乎豪芒言若布帛求覽者之  
易通佩等韋絃在臨官之自擇他若教民條約紀事外篇義  
取垂規道殊自炫雜文間附咸益身心是皆主宰寸衷經歷  
百折盤根錯節不能撓其志塵勞鞅掌莫得汨其神故能獨  
出冠倫孤行邁俗處爲修士達爲神君卽此所編可當行實  
用質司牧兼貽雲初嚮所云儒法歧塗隱顯易轍者讀書知  
人斯言可雪已兆蓀清醪三酌未侍子春政論十條熟聞崔  
寔先生之孫恩焯少列賢儁壯客諸侯奉其遺經志繩祖武  
以爲先生茂製自有專書此其筆談先謀問世夫康成禮堂  
之本守賴於小同僧佑縣譜之成傳歸於傅颺不揆禱昧承  
命引言亦以發晏楹之語足爲百官之箴味顏誥之辭非徒

一門之訓云爾

樂潛堂詩集序

式觀虛霽誕孕瓊靈其有漱沆瀣負星月軼埃超雲千霜萬  
古若化人者邈乎負已英淑鍾萃散爲異琛則若小華瑇瑁  
輪次嬰垣槐江琅玕章峩瑤碧登廷委莽遇選不齊鴻輝夜  
色熒熠靡貳其在含生則爲魁士方其瀾靈府振芳塵搖疑  
綈槩吐飲宮徵情芽言發翰振藻洒倚旄蔭旗態之焯唄辛  
茹蓼思之深煙綿春盎韻之遼黃樞玉券彩之葩要歸於攄  
寫堙鬱破碎陣敵屏滓斥凡惟變所適是亦騷雅之松喬藝  
圃之黎綠矣今趙君良甫卽其一也良甫夢滋經訓楊李聰  
辨觴辰權奇壯學閎達橋仰失蔭屺瞻興懷丹穴之鳳飢而  
待餒桓山之翼寒而分飛爲庚桑楚僑居畏壘爲闕德潤傭



書會嵇爲熊安生教授河朔爲禰處士草箋江夏津頓逋駭  
風水奔峭摧撞苑結揉弄景光吟聯渚鷗響苔翹鷺或淒而  
蒿薤或激而夔鼉或咽而蟬蛸或鏘而鸞鷲時而幽脩蘿荔  
人語時而掩夢杜蘅野香時而煥赫嫋姬時而璘彬駢錯自  
舉玉衣不襲樓裂但咀玉食不吮常雋骨旣蛻塵寶乃見氣  
邁會奇隻成其鏗訇不律萬手瞠退千里麗則葩粉苦則棘  
癯質則儉寧文則巫史非徒才劣蓋有天焉足知盧敖乘躡  
走肉擬之則顛摩尼朗脊磧礫當之則敗也或謂良甫寬容  
霞飾玗奇璧貴將弛銜馗衢賁儀瑚啟賡曲元扈協律大子  
牢愁茲段乘韋云爾蒙則謂山圖赤斧不憑藉於軒裳璿瑰  
珖華不加損於緹櫝秀靈胚胎搆此英絕蜚聲耀遠藏顯弗  
係牙曠竝世當躋吾言

江行唱和圖序

嘉慶上章散牂之歲吳江郭君祥伯海寧查君伯揆訪其友  
儀真宰屠君琴陽於江北川塗次韻得詩若干首旣彙編之  
復繪江行唱和圖以紀而索予爲序千里命駕蘭芷之誼敢  
二人同心賡酬之辭夥當其荃檣啟夕芟蓋當風延緣聯葭  
眄睇極浦湍騰華而沸嶼火照漁而溜舸架渚潮清沾蓬露  
潺水宿夢少月昃而問更星飯影連霞頰而辨旦徒旅奔峭  
客懷淒戾於是互跂北渚竝倚南津寓物造端樸然有寫異  
獨鶴之偏叫類雙鷁之歡儔有聲必同無善不繼膺泰合舸  
人瞻若仙牙期遞絃繁手皆俗激越絕調文鯨聆而奮飛掩  
抑雙情潛鮫感而欲出均敵競爽竝瀆橫發雖濤瀾之中有  
金絲之韻焉僕亦道長無此勝緣睠言斯段旋復興唱以彼



小詩解會文續集卷一  
奇姿瑋業邈後陵前慳樂邛園疲精涉頓夔拊龍應旣睽願  
乎矢歌金銑玉徽徒儷音於勞唱于喁荅響良足歛已波戀  
舊浦雲思故山望得栖翮鄉井連牆野舍負郭二頃面流一  
塵鳥赴簷上花羅砌下相與藝松竹結保社訪丹法語元書  
津梁之感可無蘆中之吟不作時或褰裳度澗日晡而卽歸  
布席映蘿夜久而各醉當是時也樂可言哉然後還念征蓬  
迴眺波路愉悴判境舒慘殊方撫紙札於緘滕慨辛劬於往  
軫休文愍塗之賦景真涉澤之篇煙墨相鮮絹素長在向之  
旅緒罔非譚資因題卷端卽以爲祝也

荆石山房文序

文章駢格咸謂肇始東京然自秦漢以來李斯鄒陽枚乘王  
褒之屬率皆宏麗抒藻繡錯爲辭由質趨文勢有必至馬揚

而後益事增華儷偶之興實基於此爰逮魏晉以迄陳隋衆  
製鋒起雅材彌劭有唐一代斯體尤崇穎達以之叙經房喬  
用之論史其於燉著塗異原同昧者不咎目爲卑濫是蓋末  
流之放失以致僞體之滋繁若究其椎輪審其徑遂義歸於  
淵雅詞屏乎譁囂侔色於敲彝含音乎琴瑟斟酌華實逖遠  
淫哇作者抗行良無愧矣吳子旣哀其詩屬爲引首復以賦  
諫樸著是正於予文雖不多絕去冗俗於前所論殆有會心  
方今珠璧耀象雲英炳符縟采蘭芬人文蔚列潤色鴻業斯  
道大昌吳子年富力銳篇什方滋遠學殫精將希齊軌孤竹  
老馬輒復導先卽以孟晉逮羣蘄其勿懈也

郭母迨太孺人八十壽序

夫頤真養志非假靡麗之奉道懿揚媿弗尙絡首之詞世所



欣羨類在浮榮揚母儀者侈璽封之尊遂詠壽人者炫簪紱  
之駢羅此舉俗之所睇非高軌之所豔菽水可以代鍾鼎蘿  
薜足以易組纓是有道焉在所自致我友郭子祥伯天授瑋  
藝夙蜚英聲藻葩滂流文翰飛走卞和之璞雖懷寶於荆山  
隋侯之珠已耀采於宇內竊惟貽謀式穀功歸於義方震聲  
坎光道資於坤惠韋逞之業講堂之傳也曹穀之賢登櫟之  
訓也自與祥伯締交撫塵內行克敦嬪則由悉太孺人累葉  
席美六行含章悃悃婉婉之質教習於儒風女師德象之篇  
學源於庭誥迨歸於先丈海粟先生反馬儀成弋雁歌作琴  
瑟在御籩豆靜嘉茹慮有善容之娛僮那無椽飾之慕守辟  
纊之志箠鎗而鳴機辭執珪之榮接畚而偕隱素風恬尙竝  
世爲希繼以采芣之艱爰有置造之舉太孺人柔嘉維則肅

雍以和塞淵之美娣媵同詞掉磬之聲房敖息響及祥伯與  
其弟丹叔之生也太孺人幼而提抱長而煦濡嚴風淒厲作  
樗以取溫春日載陽折夔而勸學遂成競爽互挺雅材玉潤  
金相豈常均之可企連輝竝耀爲勝流之所歸於時陟岵早  
悲循陔待養祥伯昆季或辛勤以負米或嬖媿以承顏聲聞  
四騰門業益大著述盈尺各具可傳出客代舍頡頏公卿入  
投母懷依然嬰稚以詩歌爲壘篋之奏以編紵爲滄髓之供  
不朽盛業華於六珈之褒英絕光譽尊於三釜之養太孺人  
顧而樂之怡怡乎莊莊乎燧序代移烝功靡倦益顯揚之義  
潛見無殊非徒茂幽谷之貞蕤流德門之馨烈而已屠維之  
歲長至之辰將躋八袞之齡豫卜十棋之筭祥伯昆季挈冢  
介之婦曳逢掖之衣烹漸江之魚獻下若之酒婆娑而舞于



八言解會文續集卷一  
十  
嗚而歌頌聖善者皆卓越之賢豪列子行者率魁閎之都士  
僑札百輩車笠一堂下索荒言附之末契太孺人不金玉而  
富不榆翟而榮不甘晚而安不芝朮而壽在古祝爵不藉繁  
詞敬述高蹤用爲勸侑太孺人其亦輟然而哈油然而醺矣  
乎

重刊憨山大師法語序

此方教體以音聞應機是以道本無言因言而顯自馬龍二  
士首朔宗風能秀兩師分然慧炬後乃輝聯焰續矩疊規重  
性相歧分葦麻浸衆雖咸明義諦而各判詞鋒至若三元三  
要之齊施半提全提之互用逆奪順取密指顯說類皆待緣  
以喝通迎機而敲擊不滯影迹脫略曰窠劣解凡情轉生疑  
阻醍醐上味反成毒藥古德所歎良不誣也憨山尊宿生明

中葉爲大導師開堂雙徑振綱海南緇白景從所至請益有  
迷有達或飢或渴師運廣長舌擊塗毒鼓衆病殊源對治異  
品若風扇鞠若雨膏敷痼疾昭蘇根莖等潤當時稱善知識  
者有徧融笑巖蓮池紫柏心鏡同炳大雲分覆師能和合法  
乳隨方利他兼攝禪土竝標權實綜貫經教雙遣我法其要  
歸於萬行起心其功具於當人日用久參上智既可直證眞  
常毛道淺根亦足湔除汙染所謂正法可無臨濟德山末法  
不可無此老者非卽大師之謂歟厚夫侍御今之裴龐精研  
誅啄之機博究鉗鎚之案獨以大師法語闡發顯露一諦普  
通疑瞋胥消膺礙曝釋不爭空有而迷於坑穽不涉箭鋒而  
墮於漭漭斗極破暗羣流赴淵於以摧慢幢平惱海削情岳  
超愛河諸妄旣祛實行可蹈世出世間事理圓該寂感誠明



靈源不二於是校練精粹重梓流通非隨喜法門非藉資譚  
柄欲俾初地發心之士不必立雪祖庭操篲講席賴此寸編  
拔陷扶墜如日親猊座如日聆獅絃且使異學六師屏跡退  
舍魔民憮人罔可託足大師劬勞之德侍御外護之功遠識  
堅誠津逮無量歡喜讚歎序之云爾

江寧寓館與樂元淑書

夏首違面涉江而東敷門瑟居條復徂暑承稔小極當已大  
佳日從吳中探訪棊跡音塵闕然飢渴夢寐題襟舊侶星飛  
雨絕孤雲僑寄牢愁可知因何槃停草思不獲僕以嬾散久  
安賤貧射策東堂本屬謾語戚友學徒牽帥就道徒以青溪  
九曲烏巷數家尙有曩知藉申昔欵至於逐侶充賦著麻覓  
舉首塗之日猶或游移迨抵白門乃決退舍凡在儕偶成相

詫誹區區寸衷實抱愚悵揆其可止蓋有四焉髻歲了了見  
知勝流二親嬌嬈屬望臻至自念此事雖爲浮榮冀得寸尺  
以爲娛養兩應京兆五踏省門墜羽沈舟心摧氣折而堂上  
色笑頓隔泉壚墓門松楸忽已拱把哀淚盈睫痛思焚書自  
茲以往縱具牲鼎何有歡顏若云顯揚此未足數風木之愴  
旣切於中華膺之思遂絕於外其爲可止一也制舉一途卽  
云小技譬諸巫卜終宜有恒象勺肄勤父師督促亦復緡大  
傳學歸藏鑽研秋鐙抵沫夏課閉門而造自謂愜心試諸有  
司輒又繆盩數蹶之駕臨莊馘而亦迷屢失之鵠省括度而  
奚當况復中年多故舊殖滋荒憂患累其心輪踈疲其體昔  
時肄習尙無寸功今此廢捐更何覲倖其爲可止二也自遇  
艱棘日就尪羸飲食失時則病起居不節則病高譚逾晷氣



便茶如爲文牛首心輒若蕩間或橐筆賣賦代人草牋亦必  
 寬期不耐敲迫况可趨立鵠之隊希漸鴻之材焚五夜之樺  
 膏織九張之心杼乎其爲可止三也且夫進取之事宜審所  
 堪縱令因時竟得騰上而長安索米艱倍書傭故山牽蘿疇  
 爲孛寄貧辛之况榮賤勢均飢寒之懷進退皆累加以性僻  
 形嬾情迂跡疏酬酢之良畏於夏畦冠裳之苦苦於楛拳纓  
 紱之列豈容昌披嚴徐之倫安有樗櫟其爲可止四也具此  
 數事遂絕妄營餘指所存不更質告要以虞翻骨寒燭武精  
 亾非樂恬冲非安暴棄自非執事莫喻鄙懷此間寓館頗有  
 亭池炎風浹旬忽觀涼雨秦淮帶水盈盈始波六朝青山含  
 睇疑笑巾褐如海伊唔成羣獨以蕭閒得領勝趣生平初獲  
 此一奇矣若夫家室之事稻粱之謀卻顧無資前盼奚藉乘

流得坻亦聽諸造物而已徒輩朋試二句可畢彼時前旌當  
 莅茂苑相見匪遠善自葆愛不宣

荅姚春木書

葑溪僧舍行蹤暫留聯裾倚裳靡間所暮樵文字之流別商  
 史裁之異同飛辯之餘間以嗚噓濃笑之隙棟以悲歌明明  
 兩心耿耿孤燭自非解人鮮不充耳既而巴童戎裝楚榜發  
 夕君行萬里我留三吳樽酒不空之子日遠靜言思維輒形  
 於夢昨拜誨帖知已涉江旅食安健風帆無滯蘆碕葦岸之  
 間銀山素練之下尙復勤劬著誤驅染煙墨點勘鄙集尤費  
 丹黃寄眎開緘循首訖尾抉摘纖瑣剖析豪芒自顧何人獲  
 此元賞中間韻語類多獎借獨於諸文利病倚撫靡遺苟非  
 屬望深摯以古作者相期烏能捐棄世眼痛相繩切若斯哉

此字論矣年壯降利  
 病甚當須氣極  
 保相梅



十過三復悚然汗出感哉愧慙不能無言僕自羈屛思學古文漸稔其難逡巡舍去繼乃探索漢魏沿洄六朝下逮三唐以迄五季儷偶各體略悉源流竊欲矯厲庸庸歸諸淵雅藉見古人文筆無分整散不使寡學之士高語起衰輕詆駢文謂爲應俗而涉獵旣廣見聞龐樸又性喜馳騁恣筆所之持擇未精遂羸雅鄭一篇之中瑋玉錯見一體之內眞贗迭陳心非不知過乃憚改非盡師友之寡助亦由持志之不堅耳間嘗盱衡當代作者數人迦陵西河承接幾社選學未墜殊有宗風然迦陵佳製多在湖海樓集世傳檢討四六本屬外篇類牽酬應西河平瀆頌與秦留仙書諸首風格遠過齊梁而自所矜許乃在花燭詞序可謂棄周鼎寶康瓠矣外如漢槎穉黃麗京慶百體製雖殊咸有可采至於西堂羨門拒石

藺次以及豈績希張諸君繁音靡格古法蕩然無足論已竊謂斯道近始大昌略舉已逝數公成就各判稚威以博奧之才出以淵茂橫絕海內無可瑕疵穉存寓奇氣於淳泊孳新意於古音選練旣精庶幾齊騫若叔三之學魏晉宗之者空疎聳軒之學初唐襲之者肥重簡齋眞力彌滿而樸糅泥沙圃三瞻采鏗訇而間涉淺易是皆竝世耆碩藝林仰鏡然其支流已多派別况在輟材末學妄思別出機杼其爲紕繆可勝言哉夫虞通之讓昏表釋眞觀役僧書此俗調之肇端也東京文之引周秦宋齊文之引漢魏此用近事之證也簡栖作頭陀寺碑不得不廣羅梵夾梁帝作招眞觀碑不得不旁及道經此用樸書稗乘之證也僕爲此言非以解嘲良以少壯知聞歧途錯出持守不嚴自念漸染踏駁之弊實由乎此



非得足下無以規之卷中嗤點所在敬當書紳續有造作異  
時相質耳冬日烈烈飄風發發愛護波濤珍慎餐寢垂詢諸  
段別紙具申

與李敞牧書

籍甚清微邈若星漢睠言元度欽欽在懷僕以軀材繆事弄  
筆癡符自詒醬瓿徒覆何意大雅濫垂賞音鈞諧廉折契遙  
響於齊絃折揚皇夸得歡心於郢耳洞開藻鏡滂吐葩詞會  
未蓋傾已覘臭合流盼所及馨欬如通荷慄之餘申寫難已  
昔者阮公放曠樂東平之風土五官馳騁念南皮之舊遊何  
則蹤跡所託性情存焉童少所經老大感焉曩在毀齒隨宦  
邊州地當趙北之陘壤接幕南之域紫塞拱其左黃河繞其  
右燕代扼其前磧鹵倚其後武靈王所拓宇呼韓邪所躋騎

每賸春迎夏風暄草薰鳴沙捲而柳青埃烽銷而榆翠長城  
窟下水無嗚咽之音都尉營中花有燕支之色未嘗不俳佻  
皋阜延賞林巒葭席敷而捫馬斟煙蕪平而射雉賦至於嚴  
霜凋節野稗隕柯雪迥千里冰橫一岸虎豹夾路山樵望而  
不前鵬鶚厲空翔禽驚而在下獐麕號晝曜靈匿其陽暉大  
角踞秋翰音失其恒響則又隨戍將獵郊坰扈帶鮫函青莖  
赤羽弓如霹靂鳴餓鴟於澤中天似穹廬割黃羊於帳下普  
梨一曲余朱敕勒之歌琵琶四絃公主烏孫之樂何其甚壯  
豈不然歟若乃將軍死綏烈士橫草憑弔國殤之墓流連表  
忠之祠銅頭鐵額嗟興暴於當年直蓋犀軒颯英靈於此日  
月中石馬恍聽悲嘶雨後春鉏時逢敗鏃是又陳安壠上之  
什馬督汧城之諫所由歎薄長吟淋漓濡翰者也歲華不居



人事遷易自鼓南楫遂睽北風艱棘丁其躬憂虞耗其智荏苒廿載蹉跎寸心昔之伉懷猛志逸足盛年今且顛躓沈頓跼伏蕉萃類壯武之心疾同田光之精亾豫州撫髀之歎抑塞可知子山思舊之銘生平已矣尙何能追溯過風躊躇往轂葆幽并之奇氣尋企喻之豪歌也哉重以足下揄揚過差元賞所存尤在少作承稔遊轍亦經此邦觸撥振撻不能自默輒復覩縷貢其區區回瞻朔雲亮均感槩相見有日慎夏自愛不宣

與曾方伯書一

元轡迴寒青逵啟震暄辰始屆動履宜安判隔山川抱佩至眷剖武昌之魚間逢尺素逐衡陽之雁莫遂翻飛夢繫波潮思纏肌骨比聞吉語光轉崇階移旗竹於南天總藩條於東

粵高樓明月長憶元規一畝清泉先嘗吳隱勵孔奮姑臧之節踵孟嘗合浦之風百城望表而知歸舉部承流而奉職頌條齊政稔所優爲雖然修網捨網者理治之恒規也占隱察來者銷萌之善術也爲邊不可以常智圖易不外乎思艱簠簋之飭廉風扇之而有餘茅蘖之藏震摠加之而不足古人沈幾先物弭患求寧戒凜衣柳綢繆桑土是必有道諒所營心此邦地控荆揚精分牛女物產饒沃荒穢包羅內則大谷深巖憑山阻海喻卜陽之屯壘方成公之曲隄萑蒲之衆太叔何能畢殲渤海之繩龔君亦稱難理外則裨瀛沃島溟渤稽天琛舶之所飛浮鮫人之所翕集孫盧餘孽卽跋浪之鯨鯢舫遊魂化磨牙之獬豸至若遐夷合市殊俗來賓獻婆利之文螺通犁韃之金罽侏儻錯榘漚鬣駢闐非僅懷柔陰



資填撫恭逢三靈和宴玉燭光昭函夏投鋒郵亭臥鼓康衢  
載詠漆室奚憂然而陶士行之臨州不忘運甓岑使君之過  
亂所貴生菴珠崖銅柱之間勤規石畫綏帶輕裘之下中有  
金城必將遠略防微瀛壖永奠化封狼爲赤子革飛鴉以好  
音籌策徒薪維婁疆索龍驤上帥埽蛾子於張帆魚鼈東明  
絕豺心於渡水櫬雲不動關牡無飛然後坐嘯風生彈豪錦  
粲增磨厓之鉅製採擊壤之嘉謠是所必圖也不敢不祝也  
某自違代舍戢影窮檐孔賓削跡息意於梯榮泉明扣門拙  
辭於營飽葭牆艾席聊足隱形橡飯菁羹殊難果腹竊以五  
福六極命數攸存九食三旬古賢不免若欲馳身竿牘胥疏  
江湖徒弊精神滋增勞辱以是決策甘守衡茅餓隸窮人聽  
諸造物而望羊城之驛苦憶任囂緬峴首之山誰偕元凱敢

詔左車之干慮略同重館之一言庾嶺梅開珠江日永頗盼  
良訊以作皋蘇

與曾方伯書二

月日得從化令寄示書知前所申函已徹醇聽伏承侍奉曼  
福榮問光昭贊伏波橫海之勛埽封豨修蛇之孽戮鯨鯢以  
爲京觀靖瀛渤以作夷庚儋耳珠崖乾晏地謚扶桑窮髮風  
揮日舒勘定之功偉矣茂矣至於滔天餘黨悛惡渠魁罔不  
投戈咸皆面縛寬其斧鑕貸以生全遂占折首之爻足媿攻  
心之略逖聞露板益仰風猷竊聞般降不祥自凜李廣之戒  
而受降如敵宜思耿秉之言以彼梟狼編諸蒼赤賣刀買犢  
何以奠其居東澗西瀍何以區其衆聚之都邑旣慮其藏鏹  
蔽之田疇又虞其懸素必將永弭反側長樂畊桑有幹有年



無虞無詐古人左牽制犬右挾操民慎固周防勤思安輯緬  
諸連帥定有機宜抑又聞之勝非其難持之爲難趙襄卻翟  
之餘轉加憂色主父忘戰之語實曰危機惟勤被慮之蒐勿  
狂蒲騷之役所謂慮嫌於方滿守善於已成是非書策之迂  
言當亦師干所熟慮也某海隅戢影與外閒隔非敢茂榮矯  
俗自詡孤高良欲保無用以得閑處不材而全質雖見嗤於  
華士知有取於達人惟魏應璩有云人非神仙須仰衣食然  
居常待終亦援啟期自解而已去德滋遠不能奮飛尙靳嗣  
音用當良覲

與劉芙初書

春末夏中兩展手告撫序念往臨風感今羽接鸛鸞情繫鷗  
鳥白雲南望軫夢乎倚閭青藜夜然疲精於染翰亮攫冲抱

或損清襟所冀英蕩之節得出乎江淮則苞初之嗟稍紓其  
苑結菰蘆未契寢食祝之僕自方伯內擢秋卿優摯囊裝移  
居書局琴心酒德暖有餘思墜雨秋蒂邈焉興感離索之歎  
欽欽如何局爲神祠然乏簫鼓黃冠數輩習成獐愚樗蒲歌  
呼近溷耳目所居牆高庭不盈丈夜望星斗僅見方隅西鄰  
城闔雉堞壓屋迴風蕩激樹葉翻飛終日喧聒疑在濤浪羸  
僕一二聊供薪爨朝暮兩飯各需百錢濁醪敗脯強飲強食  
不暇求味資活而已淳熙文選全秩已刊近與澗蕢商榷考  
異渠精力學識十倍於蒙探索研尋匪朝伊夕凡諸義例半  
出初裁間以駢淺補苴其闕聃撮厓略爲足下陳之夫善注  
在唐傳本匪一時代綿遠莫得而稽逮乎五臣注行動以意  
改正文句字寢失其真後來刊選合并六臣迷相屢亂崇賢



舊觀糾錯滋多北宋單行善本末之獲觀吳門袁褰以家藏崇寧舊籍影寫刊行雖并五臣要爲近古茶陵陳仁子本亦當宋末其所據依足資考鏡可證尤刻惟此二書餘如元張伯顏以後遞有摹雕要皆宋本之重儻遂初之別子也延之貴池之役參校羣籍修改綦多得失互陳非盡善舊而袁茶陵二書校語如善作某五臣作某類卽所見以爲標分非必崇賢果眞若是盤錯疑互職此之由今茲考異約有數端其善五臣之異同有注文具在可循文義定其是非亦有注乏明文旁引他篇以相較比又他書可證固所必援亦有兩存不宜輒改注文彼此固當互稽然或概論仍滋膠滯甄綜鈎索例非一端實事求是歸於當可必無所考則亦闕疑其尤所增多則以袁茶陵有無相證又推求善例以決乖違至於

徵引羣書動多闕佚其今所及覩或散見古籍時有抵牾不皆符同或本有古今傳有同異或善自刪節略殊元文凡此諸端宜仍其舊弗槩翫縷以省繁支實係舛訛庶爲舉正其選中諸文分見史集字句歧別時有參差是必疑義乃爲剖明餘或兩通亦弗悉出其他脫誤何氏焯陳氏景雲校勘而外所得尙多案其是非訂其漏落苟此本無誤校語或乖有載有刪隨文裁度不復一一爲之糾繩要使善與五臣如篲汎畫塗善本蓄疑如昏情爽曙求其可通易讀非以示博夸多如曼衍諸書迭相比附恐妨體要非所敢爲其諸條例件係各卷觀者循繹自可得之若夫義夥則例繁例繁則詞費或致芬亂貽譏治絲雖經審詳恐猶不免是在大雅有以匡之書約十卷寫刊逾半夏閱旬時當能蒞事北鴻南來切盼



教牘炎威尙熾仰願珍宜

復屠琴陽書

霰雪冬集津梁路修一江阻於寒棠千里違乎命駕思君閔  
嘿心與颺俱伏承綦履枚寧政通人樂懸蒲得衆破柱懲奸  
酌威惠之中收鄭阿之效偉哉壯縣卓爾神君詎惟雅對三  
雍覃思五際揖精微於學侶稱絕妙於詞宗而已哉淮南弊  
俗惰窳成性飽食以嬉男婦一轍懸磬比屋而詐習飲羊無  
褐終年而飾矜墮馬前者羈寓飫見澆風渤海潁川切賴良  
牧執事敢崇化本洞燭教基旣劭農功促修嬪職頒蘇瓊之  
度樣樹顏斐之桑麻排比鄉亭量給資力綵麻索縷指挂手  
經官爲委輸以爲勸誘極條約之詳審殫導率之周諄務使  
戶盡鳴機門無跼蹙生事旣瞻仁讓自散此蓋聖賢之治術  
康濟之淵源千載同符百王不易匪直循習吏職補偏救弊  
云爾以茲瑋績必得鴻著標記盛軌昭式來旌僕雖幹材敢  
辭誣諉容俟暇晷敬竭愚慮先報荒牘用表傾矜

與胡中丞書

日者鋒車南返曾貢芻言嗣聞河決睢隄下淹蒙毫星馳旌  
節撫恤漂搖沐雨纏風勩憂可想旋屬兗豫肆逆盜弄潢池  
慎固壘圻遏防竄逸紆籌玉帳益悴丹衷比者虎旅雲蒸蜂  
屯電埽不煩破斧已慶棗弓足知蚩尤吐霧無損軒威鑿齒  
行誅何傷堯化功成閉閼福迓延洪擊壤之餘敬抒蠡管竊  
謂民情不皆好亂况

聖德定致時雍何以玉燭方調黃巾潛煽羆羆糾蔓數輒盈  
千揣本推由責在司牧古無卓魯在上而人欲採丸蒲密政



成而戎猶伏莽恭譯

詔書諄切實洞弊原積習因循匪朝伊夕卽有賢者大率奉行文法無誤繭絲誰復深究治原講求富教力破常格希風古賢儲未陰牖戶之謀籌曲突徙薪之策故在平時孝弟廉恥旣化導鮮方逮乎水旱菑荒復拊循乏術蚩氓素無定志又窘生資屬有姦徒從而簧鼓妖言熒聽懵俗成風歆以奇衰則良亦爲莠忱以罪福則智亦成愚蟻聚滋繁狼心遂逞究之滔天巨慝旋踵誅夷首醜駢殲俘馘載道徒使上勞宵旰下耗度支白骨膏原玉石同碎雖云數定實足心傷夫致治者不在法制科條而在人心風俗爲治者不在補偏救弊而在正本清源儻使人識尊親戶安耕鑿疇不凜名義疇不戀室家驅之作奸且必不聽縱有蝨賊惑誘何從古云庶

民興斯無邪慝又曰衣食足而知禮義此經世之大本非往哲之迂言要其轉移全資長吏方今

宸衷乾惕日昃憂勤方趾圓顛同深感悚閣下斐忱夙勵移孝作忠其何以力飭官聯殫求寧瘼潛弭芽蘖長奠苞桑欲興教先在足民欲足民先精察吏必野多馴雉而後音革飛鴉必澤息嗽鴻而後村無吠犬稔關蓋念延企遠謨若祇以勤劬簿領爲奉公謹慎廉隅爲効職似尙虛於報稱非所望於大賢卓識淵懷亮殊恒悃腐談野語惟乞茹涵靡盬方歌諸祈珍護

重建桴亭記

太倉州治南明處士陸道威先生故居在焉有桴亭爲先生講學處歲久侈剝其宅改爲羽人祠嘉慶上章敲牒之歲



里人葺亭而新之邑侯董公爲之倡而屬兆孫爲文以記洪惟我

國家甄靈莫宇耀夏威荒羽族卉儀懷音革狀而又寬天網恢汪度其有棲谷耆彥韜光逸民咸俾全箕穎之志闡章逢之業於以餐佩唐德權揚儒風自非遭際泰和尠克遂其高軌矣時則有若容城孫君夏峯餘姚黃君梨洲鹽屋李君二曲諸尊宿而吾鄉則先生其最著者先生秉黃中之性希素王之道仰察璣衡晷緯洞其革象上窺姚姒危微承其緒言淄川濟南之經傳叔孫夏侯之禮樂慎到游棣之法術龐煖兒良之兵謀咸究淵微著成部秩有明道學弓冶各殊敬軒康齋肇薛胡之津派白沙陽明啟陳王之宗風東林主格物而王學浸微戴山主慎獨而陳學復熾門戶之判幾於水火

先生篤守履蹈不墮空元獨能參其異同辨厥醇駁宗朱宗陸溯源以通之主理主心虛已以覈之如河傾懸清冷灑蕩若農服疇疆判畛分具索者鏡澈倅馳者善解詎非鑽仰淵騫鱗差冉雍者歟會丁未造海水羣飛囊書屢陳虞淵莫挽昭華旣徙延喜攸歸遂乃頤素松阿搆亭講學而以桴顏楣申屠因樹之屋薜蘿交加鄭君寫經之堂髦秀矜式蓋沐藉昌運非喻蹈海之心植操幽棲聊存泛宅之志者也年運而往遺基巋然夫過大梁者猶想夷門思魯儒者不忘淹里仰承

列聖疇覆醲化涵濡綸綍寬大先後載下卽夏餘苞蘖洛邑庶頑猶子易名加之獎錄矧夫逢子康之介節兼擅文儒周伯况之高風曾膺纁帛者乎舊蹟堙廢景行末由鳩工庀材



八言解會文續集卷一  
三  
爰復曩構上體揚闡之

聖德下孚式瞻之庶心史成閭書兩所宜載捧筆避席請濡  
牆陰

儀徵屠大令與紡織記

儀徵古真州地大江長淮所襟帶吳檣楚榜所鱗萃兼以牢  
盆禹筮之所轉輸而委屬罷民流庸肩摩踵接捆載鹽鹽以  
爲生資男倚於犁耨婦懽於紝組習侈成窳積嬉成媮外若  
殷賑而內實皆窳蹙良長姦廩平號難治今錢唐屠君由翰  
林改官斯邑以慈惠字毗以沈毅糾慝以通敏決劇以清白  
化俗旣勤勸課穡人趨功昔之輟耒今多剡耜又以農工嬪  
職業無偏舉穀晝絲夜事貴兼足邑之婦女目不見漚麻手  
不狎弄籽強而督之不苦則謝君謂事非難矧道在引端人

非惡勞道在悅使於是出教約立簿冊籍邑之願紡織者若  
而人募吳下之能紡織者若而人能者俾之教學者予以資  
糴車軒機官爲辦集絲麻練緼官爲給費成而獻功官爲收  
納積而待賈官爲售償甄多而褒察寡而訓戶不分高庠事  
不假胥吏自辛未之冬迄癸酉之秋歲凡二夏所習嫻練已  
有餘利物亦流通乃聽自爲官弗復問比屋歆動驩然執勤  
向之傳芳澤坐游熙者一變而密勿將事晚寢蚤作涼月入  
巷靜聞鳴梭朝曦映川時見漂絮匹婦之業足佐下男摻手  
所成可贍食指本務具飭土風還淳物愛故心臧家給故刑  
措懋哉上理之基也昔桂陽充五原崔實化泉之政不後  
劭農非獨桑蠶使之課息誠見九職任而後衆志定衆志定  
而後四維張不惑於奇袤不流於倣詭何憂乎鴟義何患乎



小詩解會文續集卷一  
三  
矯虔事固有瑣而其繫鉅迂而其效神者亦曰求其本云爾  
拘牽之士重興作幹局之才薄纖屑夫豈知五雞二莖春賜  
秋蟀古聖經國燭細洞微什百於黃霸米鹽陶侃竹木者何  
哉屠君深窺治原符契往哲孤行一意裁制清衷條格允精  
則倣斯在嘉績長美件舉則繁此其大者非文曷紀書實傳  
信蓋無愧辭

華年四影圖記

吳子棊林繪華年四影圖以眎於予而屬爲之記當其鍾英  
虎牙挺奇驥子石麟墮地志緒穹霄雛鳳啄花聲在雲路金  
鋪垺永杏葉鶻香騁俱盧舍之平臯選阿溼婆之駿足鞭細  
搖柳衣單舉風肩差粟果之少年睥睨幽并之豪士於是有  
青原試騎之圖嬉娛林垆饕嗜偉麗獸肥草淺旣極子丹之

游日炙雨淋夢摸伯喈之字榛煙鬱而在望大川浩其前橫  
金沙瀾漫恍俯苑伽薛碣刊殘時勞波膩類摩挲於銅狄軫  
慨息於飛僊勝寄孤懷軼凡超俗於是有江亭覽古之圖旣  
而抑躬斂華折節媚學謝耿豪之把槩慕顧歡之然禿子舍  
鐙紅甲籤字綠琅函玉券恣厥緡掀蒼頡佉盧窮其半滿遂  
使悉曇章體彙儒墨而周流阿難多聞作總持而撰集於是  
有秋釭航誦之圖然而彥倫辨才能名白黑客兒慧業喜近  
菴羅捉松枝塵修居士禪叩輒語於導師懺夙因於法會狎  
巖中之鹿鳥珠柱晨輝分棒下之龍蛇昏衢宵燭天龍一指  
大愚三拳啣趙州之茶參臨濟之喝立殘庭雪心耀千鐙撥  
盡鑪灰戒圓五夜於是有薌林僧話之圖蓋其聰明才韻朗  
性靈機方夫弄麩之年已了聚沫之義業緣跡現智以年增



怪得姦窮歸真趨寂可謂深悟法門藉於夙植者矣夫首楞嚴以人生爲旅宿僑陳如以世界爲客塵凡諸境風能鼓識浪味者鑠鞿牽掣覺者順應咸宜苟其心月孤圓光含萬象光非照境境亦非存則知見兩忘我法胥化屠門酒肆亦可調心止樂棲蘆皆爲淨土在聖道爲素位在佛氏爲隨緣影事前塵何分何別是以崛多三藏以觀靜爲非慧能六祖以拘身爲病盛勤禪師云多生覺悟非干衲張拙秀才云趨向真如亦是邪此則一點靈臺丹青莫狀百尺竿頂究竟猶非爲吳子記卽爲吳子進一解也

登華圖記

登華圖者前湖北觀察陳永齋先生官修撰時典試關中作也領裏千佛拜榮七駒乘輜遊髦張壇入陝門棘旣撤鈎梯

乃遊茲山屹削嶢峭懷靈抱異一掌承露二花滴漿雲生玉女之窗霧暎公超之市葶收少昊肅彼羣真太乙終南列其孫幹先生風領嶽峙峻儀巖標塵中傑魁天際遐想雲袂仙舉星垣手攀陵嶠谷蹴岷峨俯雍梁睨河渭聳節延爽吐飲顥秋齋心驂煙呼吸帝座由其道骨契符神區故得鳳翥鵬搏鸞停鵠峙盱衡詆蕩軒豁端倪通元氣於混茫軼埃壒之混濁絕倫超羣厥觀偉矣今者身歸兜率貌留丹青詰嗣兆賢門基克肩父書跪讀展象增慕徵文揚休菡萏真形蔥翠在目羽霓被飾翔飛若生兆賢式瞻鋒稜緬睇矩度其將景行仰止拔俗振奇驚精九旻遊心萬仞爲驥致遠爲鶴摩霄負尙瓌辭霞開颺起宏矚高軌跡異神同恢廓襟情冥協懷抱嗣芬之道孰大於是攬筆述勝庶幾勉旃



豸華堂記

豸華堂者明嘉靖時僉事金公對峰罷歸武林卜居別墅也公以上第佩綬銓門時則龍虎逐真欽鴉作相吐喻霜露鼻息虹霓阿之者鼓鯁鱗嬰之者膏斧鑕一時探榮轍徼寵津脂韋突梯俯僂匍匐耀金帶白率皆掃門之人接軫成陰罔非拜塵之侶公獨岷然確爾膽勁心方陸沈十年懷滅一刺蕭太傅自引出閭豈懾博陸之尊顧凱之行腳繞牀得免景仁之黨能以一蕢力障江河既而冰山自摧繡斧出按荻苗瓜蔓遏彼騰湍棗野瓠歌偉其底績屬當右貂煽焰蒼頭怙權有馮子都之倚依爲舍中兒之犯法公乃立與杖決懲以荆條駐車叩馬董宣縛湖陽之奴獲書加笏虞延收陰氏之客挫伏德獬比擬鶴鷹卒忤恭顯之威俾追疏董之轍於是

解纓捨冕飲谷淦霞戢鵬鶚之風作蜘蛛之隱蘇門鸞音之嘯高抗羽霓洛下鷄栖之車長懸蘿薜爰卜別墅啟拓疎寮顏以豸華侍郎茅瓚筆也雲戶岫寢遡輝含籟月高窺桐石冷當牖巖芳樾館煙蒙蔦松之廬風飄蓮衣香溢逍遙之谷威鳳息羽翔鴻脫狡蟄伏華藏高騫竦跡是非振俗塵外卷舒無方者歟年往勁矢基漚汙萊庭堅之祀旣乏雲初柳季之隴遂侵樵牧族孫中書君應麟愴念舊德思慰幽泉馬鬣手培犀瓣弗露岳精台耀重立楊震之碑後道前岡共式比干之域昔卞彬修忠貞之墓乃出齊廷范雲求竟陵之刊僅由故吏方之前軌今益足多猶以讓水廉泉柏年宅廢涼臺煥館午橋莊荒規復舊模先徵文記夫赴曲蹈節弦絕而音流尋煙染芬薰息而芳在彼元載芸暉林甫偃月流傳簡牘



徒穢齒牙今者鈐山書廬萬流唾斥闍寺大第尺土餘腥而  
公鋒稜凜如精爽宛在游九京者流連于隨會過雍涼者致  
拜於扶風則斯堂也不必斲椽礱石連櫪樹榮卽以爲魯恭  
靈光之殿歸然長存少陵成都之居矍兀如見可已永年誌  
美敬書此詞

三十六陂春水圖記

高郵五湖巨浸也珠川平阿樊梁暨社若洮滄之滙勢等湘  
漢之合流灑漾潢漾蕩雲沃日蘋末鼓怒盤渦激湍稽天騰  
山百里無際峩編掀葉篙師悸魂蘆渚菰洲險類溟渤前明  
嘉靖間仁和金公樓泉攝刺是州求民之瘼治礪爲夷開石  
梁導石白濬秦蘭障洪澤分支以殺悍增防以遏衝別疏平  
川用避賊浪馮蠓陽侯歛其威曩輕舸疊舸恣其沂沿旅嬉

于津農扠于野公底其績客寫其勝此三十六陂春水圖所  
由作也夫其鏡瀾澄空洪漲若砥淀瀆綿邈葑蒲蔓延蛟鼉  
不驚鳧鳥咸若或曳而縠練或滌而玦環斜陽赭汀漁唱四  
起素月娟瀨權謳時聞無風波之憂有濠濮之想蓋公之摛  
隱察伏蘇枯弱彊敷歷吳秦卓冠司牧澤物之政斯其肇端  
美哉厥功爲德遠矣九世孫中書君應麟旣條治行臚于家  
乘復以此圖徵記于余緬惟李冰離堆鄧晨鴻郤鮑昱石洫  
鄭國涇渠疏盈瀉溢澹菑捍患鴻勛上善實足嗣風灼當世  
芳千古圖其左券也予固勞人數道淮海登覆孟之城睇記  
光之浦邵埭猶在荷塘日欹市喧雜于鼃聲墟里降于葦岸  
沈隄之疾比戶蕩析之慮終年中書君毋亦念魚鄉閭雁澤  
欲俾居者無沈窳涉者無摧檣利賴之謀師帥是仰用是寶



遺繪述祖芬其將傳玩守土紹休前列有舉毋廢因水茂功  
視夫志表聖之書屏珍衛公之故物其意量固侔乎遠哉彼  
弋陽之陂沈菜之堰漚瀆之壘尙書之塘前規具存後賢不  
乏景迹生慕觀感當何如也

懷知圖記

蔣子伯生提桴藝場策功詩閣以文字業現宰官身測交約  
歡雅游接軫牟欣入座謝混易衣王粲在門蔡雍倒屣乃至  
芷蘭合臭則契結攬環淑美通詞則情均解佩往夢悅魄停  
雲貯襟分寫爲圖徵言以記夫急弦勁矢密運者歲年吹塵  
起漚偶然者交際伊古真人作達等道義于邊廬釋子捐機  
置寃親于平等假使繫心沫聚生愛旃塗得無綴網之纏難  
比黏糍之解然而境由幻構幻卽是真情從想想生想歸于正  
是以廣桑山上夙有淵源兜率天中非無眷屬旣金石之誼  
重卽香火之緣深豈可付之冥忘視同泡電乎茲境茲圖固  
實相之端倪枯禪之藥石也以僕軫材去君十舍而南皮舊  
侶東閣勝流飛蓋西園停車北里歡屢墜而莫續羽方翕而  
復分筭脫波頽星離雨絕惟欲披莊盈尺繡佛一龕託諸陽  
焰空華藉釋迴腸紆軫煙雲棲目豪素觸懷宿習再薰識浪  
復鼓落落四海負負寸心讀書申辭但有慨息



小謨觴館文續集卷第一

小謨觴館文續集卷第二

李忠毅公諫

鎮洋 彭兆蓀 湘涵

夫佻身飛鏃臨敵引義之謂忠受寄建旄以死勤事之謂毅是以膏塗氏斧悲殉令於孝侯篋尉元纁痛歸喪於國子若乃風船火艦方收橫海之功鯢渚鮫濤遽遣埋魂之變三翼競進一鼓前衰舳艫棄而滄溟翻河魁搖而大星落其有不哀逾田冢泣甚羊碑者乎今浙江提督西巖李公諱長庚字超人同安人也世守愷學長習奇肱辰精嶽秀之祥合精於天漢皎日大河之志勵銳於風雲始登翹關之科繼入期門之籍勾陳太乙肅象緯於周廬甘泉長楊奉清塵於罕畢乾隆四十一年出爲衢州都司迄



今上初元累功至水師提督時則胡藍朱蓋鉏剪無遺綿蔓  
瘿楊好慝不作惟茲鯤海越在偏隅地當甌駱之交豐有孫  
盧之孽鯨鯢揚鬣以吐霧狎兪磨牙而食人矇腫聯窮髮之  
墟烽火照扶桑之岸公秉桴厲士受鉞行軍王濬本水中之  
龍高昂亦地土之虎星流霆擊嫖姚玉弋之弓電逝雲飛楊  
素黃龍之艦蹴之象嶼困之漁山窘之北汕覆之東涌身歷  
百戰俘馘數千公孫述之帛蘭層樓灰滅侯子鑒之鷁舫百  
棹燿蕤蓋軸檐艦賀齊橫江之闕水車拍舫世譜赤亭之捷  
撥釁刺蜚厥功偉焉其間遭迭盤錯經歷升沈幾垂回谿之  
翅再奮鼃池之翼鬪令尹之紆難不恤毀家祖建威之著鞭  
自能募士用得遴國爪披水犀莫鯤身埽鮫室斬獲過當飛  
走將窮

天子嘉伏波下瀨之勞有珠劍龍環之賜策以後績竚厥殊  
勳公乃益勵鷹揚誓平豕突胡僧祐門開朱白不捷無歸劉  
季奴手折麾竿追奔弗顧以嘉慶十二年之冬躡賊蔡牽於  
黑水洋蛾徒悉殲鹿鋌無路公擐甲親戰欲登其舟猝犯礮  
機薨於行陣嗚呼哀哉軍歌虞殯空歸襄老之尸身伏弓衣  
竟中呂錡之項蒼頭犀角奉哈棧而遄還利鬚鋸牙決置學  
而遽去事聞

天子震悼追封壯烈伯諡忠毅廕其子入官領東園之秘器  
卹羽林之孤兒慟輟綠沈之瓜悲題黃腸之湊禮也公拳猛  
沈毅武節剛方龍泉太阿是爲知己饒笳競病亦解鼓詩當  
其運智九天取決百勝何難禽渠瀛島懸首藁街而時命不  
猶雄圖沮屈上感推轂醮廟之寄下厪鼎沸魚爛之災進懷



中山篋書之憂退有北平對簿之慮李都尉獨當冒頓將輒  
後期王君廓被遏茂功憤常流血於是決命爭首絕慮無遷  
生死舟航寢食潮汐慕容西津之艇列仗而前康生中渚之  
刀依煙直進始圖掃箠之功終蹈裹尸之義宜乎寒風大樹  
哀騰七萃之軍薙唱蒿歌淚灑八閩之水矣禮曰賤不諫貴  
幼不諫長昔安仁之於馬敬延年之於陽瓚位託舊史於諫  
爲宜下士疏逃非僭則妄顧拜祈連之冢同傷驃騎之亾聞  
隴上之吟各有陳安之弔非禮之禮不能無辭爰作諫曰  
國輔明義將軍死綏桓桓獲獲今古同歸逝者長已魂兮可  
追百身莫贖含識知悲於鑠昌期塵清宇謚南辯東鞬堯雲  
舜日尸革鳴音家無鶴膝韜干閣戈鋒投警歇蠢爾南邦重  
溟環外昇魴伏鱗東縈西帶湍峻渦盤竄息駉喙化爲豺狼

甘人作膾來或感迅去則鳥飛鈎戟長鍛拋石弧鏢越舶琛  
費日南象犀恣其橫噬喻彼封豨矯矯虎臣繫公是恃戎幕  
初張孤忠自矢誰呼癸庚以家財理誰病瘡痍以噢咻起孰  
云溟滓直戶庭視孰云熊羆乃腹心使勇各尋約爭無掬指  
屹然和門天南岳峙當時醜旅類非一族或號艇徒交州夷  
屬或爲劇盜澳嶼潛伏妖等白波兇逾青犢波跳舵牙風飽  
飄腹不畏天吳寧愁楊僕惟公奮節凜然枕戈率彼組練鞭  
爾龜鼉納刀於鞞沈璧於河聞鼓而已違知其佗海童馬銜  
鐵額銅頭如駟失羈如鷹脫鞲顏息志日叔孫椿喉望影恍  
惕聞聲遠投艇蹙旣戡盜氛猶熾大壑鴟張洪瀾蟻萃更策  
橫衝躬揮精銳鷁首山臨蝦鬚雨墜要遮滄波搜牢澤藪虎  
落天羅宜左宜右鶻入鴉羣豆當牛口假息游魂輒跳而走



大鱗火鑑懋賞遐頒穹碑烝鼎豐功待刊露橈直進倚角靡  
援勇氣虓闕嘆喑煩寃歲屆單闕日在婺女芒息機槍技窮  
爪距犁穴繫頸功成炊黍旻天不圖縱其旅拒長風巨浪駭  
石飛蟲鐵幕無障岸渠莫防中臣要害歸靈大荒全軍務面  
呼晷雷碾嗚呼哀哉高牙大纛疇非折衝公獨身先被羽摧  
鋒詎希旂常詎慕侯封夙夜匪懈本於靖恭非無幕府簿書  
詰責非無章疏鈞考倚摭恩全九重望冠羣策鋒鏑雖罹  
穹蒼可格嗚呼哀哉典隆飾終榮錫珪符縣潘授邑涿聚存  
孤丹荔黃蕉青旒赤車生榮死哀公毋鬱紆峨峨蠻嶠滔滔  
澣濤英爽惚恍閃屍載遨倘駐雲車動其弓刀定殪羣醜紛  
如蝟毛漳江之濱侯賓之里崇祠綽櫜奔走禮祀末學卑凡  
聞風仰止累德攄詞百世以俟

四川布政使姚公誄

維嘉慶十有四年十一月日故四川布政使姚公卒於官越  
明年其孤椿樾奉匱歸葬肅徵鴻文昭紀前烈而以銘誄見  
屬於予予與其孤斷金之交不殊於天顯累德之義敢謝於  
述尊公諱令儀字一如婁縣人也葉陽息民代隆陰德伯審  
游學早負光名稟岳瀆之靈暉蘊風雲之璋智應機立斷干  
將刺鐘綜覈清裁利刃刈腐開達理幹基於少時逮登拔解  
之科首任典城之職滇越夷徼巴濮蠻陬攬轡升車忠審傑  
立屬當氏羌不靖方名邁征西渡瀘河濯些之城百尺北控  
青海魚服之旅三千公采芑從戎蜚芻饋士冰立若阜鐵星  
之火不難身高於人明駝之目頻啄膺蕭何轉粟之寄矢王  
尊叱馭之心儲待無愆飽騰相慶遂得多羅函表檠木來庭



幕府上功洵領華郡并絡天彭之野靈關玉壘之區魚文驥  
子填撫其豪強鐵冶鹽泉劑調其緡算苗民鳴義尚父鷹揚  
復奉簡書參其軍事惡溪水毒鳶翼墮而猶前墨雲瘴來盾  
鼻磨而弗顧疾癘纏骨筆翰如流喋血自甘銜膽益厲時則  
柱天都部威過龍驤駟卒廬兒恣成虎闕公繩以令甲折其  
姦捐金布既申銀刀乃肅董宣直道縛湖陽之蒼頭翁歸公  
廉戢霍家之奴客以今况古何多讓焉妖徒既弭米賊旋煽  
韓千秋軍鋒之冠馮奉世爪牙之臣咸謂樽俎折衝非公莫  
可發蹤指示輒用諏詢公聚米之智規賊於掌中涌泉之謀  
決勝於檠下周旋侃嶠之際申陳廉藺之道殺敵為果師克  
在和渾濬無爭韓白効績有嘉折首用議救功三錫酬其殊  
勛十連重其方任威行靈冕超總藩條天性彊力精於吏職

不煩鈎距之施而庭無稽牒非假單複之術而獄鮮遁情楊  
震卻賂暮夜無欺許伯訟田輟耕相讓修渠宏鄭白之利餼  
粟踵罕樂之仁請雨捷乎廣微倘火儕乎叔度萬端千緒心  
赤手規閑泰無時精神坐竭丹青騁轡高春之景已斜赤霞  
吐誠傳薪之焰遽盡上雍州致仕之表進濮陽留務之章  
天子眷賴方殷遐征未許暫俾休沐冀起沈綿公感深知力  
疾自奮高柔臥寢猶抱乎文書子囊遺言不忘乎社稷終以  
積勤奄見薨落身瘁哀哉公文武備具表裏融通始自長相  
至於牧伯虛懷趨士折節獎賢苞苴不入施予靡倦凡諸懿  
行史得詳書顧勒勲之制事歸於鼎鐘序悲之詞痛浚於梁  
木含筆隕涕敬作諫曰  
詩稱靡盬易著匪躬開物成務移孝為忠勩相無怠篤棊有



恭鏘洋遺烈，絕熾餘風。命世興材，昌辰誕德。識宇凝嚴，靈襟峻嶷。百里濯纓，九遷搏翼。膏雨歌郇，涉川資爽。岷峨西陲，嶺笮南土。贊普心生，形天干舞。盤瓠矯虔，瘦楊跋扈。駱驛旃旒，頻煩錡釜。公以儒吏，歷佐戎旃。風車火微，箐雨茅煙。電埽書檄，霆馳表箋。猷敷上略，機握中權。公之幹局，入麤入細。公之謀謨，九天九地。霸上棘門，股肱是寄。賚叟青羌，簞醪是庇。憚瘡忘勞，曉瘖靡計。參贊消欖，夔巫廊翳。師奏愷樂，伯偃靈臺。庸褒帷幄，業讚雲雷。八命作牧，六條察材。優賢揚歷，黼黻昭回。婁光殊勲，載熙庶績。卜厲含瓦，陶勤運甕。填厖簿領，星流矢激。戢香滯訟，豪剖芒析。惟公法學律稟，皋蘇不漏吞舟。不察淵魚道，在平反非止。煦濡

天語煌煌，公遵弗渝。惟公之名早徹。

帝聽出車南，仲班師去病。敷宣允推，聲聞隆盛。欽矚有基，嘉除不定。公之疋羸衣，不勝幹籌紆寸衷。功強十萬心，心形茹廢寢忘飯，義感忠驅赴湯。握炭神殫，夙夜疚中。膏肓桺莊疾，亟燭武精。亾藥裹在手，判書在牀。弗躬不信，遑敢不覆。臣質周華，臣心集木。雖疲百骸，猶炯雙目。鳳落麟傷，鐘鳴漏促。昌國云殂，列邦同哭。烏虜哀哉，紆青控紫。接武聯鑣，隨牒循資。冠蟬珥貂，公績獨異。公級斯超，爵乃無忝。功非倖邀，仕流多歧。治理殊狀，清靜爲高。風流相尙，公獨精勤。嚴懲瘵曠，始自牽絲。終於屬纊，烏虜哀哉。公階旣崇，公祿亦優。矯廉弗飾，任郵惟周。蘭薰令問，雪白清修。桑無八百，橘乏千頭。公有佳兒，賤子所畏。昆莫鋒銛，黃中德粹。文聚玉海，書紬金匱。不朽可期，淹晚非累。先哲有言，匪爵而貴。公澤彌長，公靈足慰。烏虜



哀哉茸城機山體魄是憑蠶叢魚鳧精爽升騰僑終蹇謝市  
罷春停社立樂公祠陪李冰播之穹壤祭於大丞用砥臣節  
千秋感興烏虜哀哉

陸母林太孺人誄

維嘉慶十有四年月日吾友常州陸君繼輅生母太孺人以  
疾終於里第寒泉堙流黝室改堊尺書來赴幾不勝喪烏虜  
哀哉夫苳蘭之質以經燔而倍芳蒿菽之悲以述惠而彌摯  
不有紀謨曷彰修名太孺人姓林氏諱桂閩縣人也系出盛  
門幼丁孤露族有姑寡依以同居刈薪野中擊絮江上從夜  
績於同巷分餘明於鄰壁雖絡秀之賢族列於方雅而湛氏  
之貫史佚其淵源年十五歸於先丈補山先生是時方以翰  
林改官閩越迭尹赤邑表德百城會配莊夫人卒蒙楚興嗟

泉邨乃聘太孺人簪蒿而至暇綦以前上承威姑下教家督  
慮襄凶嘉之儀獨綜陵榘之務內外斬斬執禮無違迨補山  
先生罷官里居獎接羣彥兆菽所曾詣際者有若洪太史稚  
存孫觀察淵如趙司馬味辛餘尙多魁壘方聞之士咸以所  
業來質太孺人手潔供具精釁酒漿樂飲極歡率過所望無  
何先生奄捐館舍茹荼庀事緒淚撫孤論者謂先生曾記名  
知府欲以四品服斂或以長君方擢知州可從五品太孺人  
以爲僭定從七品諡宜爲惠足光柳下之賢衾不容斜善承  
黔婁之志達識守禮同符古人矣當繼輅之始入塾也受孝  
經論語太孺人曰若知熟此何爲邪將使若爲人如書所云  
也稍長輒舉先丈所治疑獄命繼輅以意斷之不如法乃以  
所判告周官之業預受於宣文陳力之風稔聞於班媛詩曰



君子有穀貽厥孫子又曰彼姝者子何以告之斯之謂已時則廉吏之後室無籛金通德之門巷多車轍玳瑁之儀捆綜均軸之訓或剉薦以給客或闔門而傳言閨範具瞻哲嗣騰茂繼輅始列學校洎登賢書光譽孚於勝流文采耀於門業羣公庶士牽拂相招太孺人念其負米之誠教以測交之道斯言之玷凜戒於白圭責人無難尙詢於黃髮屬年開七十海內賢士大夫舉以文辭爲壽常熟女士歸懋儀詩云列鼎而食不如一簞非母矯情慮有盜泉太孺人獨心憲之卽其志行可知矣平居以厚處衆以儉奉身樵蘇常乏必謹筐篚之來璣珥不存用周戚郟之急年七十有五邁疾遽終嗚呼哀哉當其彌留神觀澂澂謂繼輅曰吾來汝家六十年於茲汝父廉平後當食報吾聞爲善非以求福然爲善求福不猶愈於爲惡邪施予不當望報然施予望報不猶愈於鄙吝耶汝曹識之庶免浮薄之行乎清芬垂訓足補鑿楹之書名言不刊長流煒管之烈兆菘與繼輅交忝撫塵誼敢拜母誄長之僭所不敢辭乃作誄曰

聖哲演教篇曰女師旣昭婦則兼擅母儀穹窿高門婉婉淑姬肅肅宵征實主中閨無諸之郡典城之長懸魚同貧酌泉分爽一官升沈萬里莽蒼持身持家以字以養日有大事春秋窀穸日有大禮儷皮束帛送往事居心禱手畫洪纖畢宜上下咸懌愚魯英髦踴躍問左聯楹倚裳合尊促坐整飭中厨肆陳瓜果咄嗟心勞精辦力殫猗彼賢妣嘉允篤生出就外傳辨志離經歸投母懷伊嘽誦聲春晝五餐宵分一鐙謂兒讀書不在章句謂兒立身先端志趣戒兒毋佻作色以怖



誘兒克勤溫顏以煦異時學成有體有用孝秀既升天門待  
狂所慮才高或不諧眾汎愛親仁危詞悚動食貧待養不免  
服勞豈况縞紵有諸賢豪母獨兢兢訓之持操寧潔而飢毋  
羶而饕動規往古篋有陳編衣必三澣施無新懸四壁風蕭  
凝神湛然繁霜降節貞烈益堅婦稚髮媿執篋執翽羣從喧  
哳或吳或敖片言成箴微詞釋躁一笑寥寥家人走告境約  
心廣拯阨賙難任恤之義同危共安雖不以聞我力必殫或  
有不逮爲之減餐坤爲吝嗇母乃慨慷兌爲和悅母乃矜莊  
勁心後周羨延降康白髮盈顛斑衣滿堂世有姬姜委佗象  
服世有妯娌麋壽通象浮榮可同性分所獨何怪歸魂萬淚  
棲目嗚呼哀哉體魄雖逝高風不積流川惠問聳漢音徽棘  
心損疾風樹紆悲庶葆初訓靈兮儻來

文學姚君妻何氏諫

年月日吾友婁縣姚君建木厝其妻何孺人於紀家罍祖塋  
之丙舍以其兄春木所撰權厝銘示子而請爲之諫予於君  
兄弟石交素聯坤惠允悉內壙之文所不獲辭孺人姓何氏  
上虞人也誕澄粹之華宗稟淳懿之朗節齟齬慧照動與禮  
遊弱笄溫恭靜以義立旁涉書傳雅好春秋賁道之稱待年  
已著父通判君與今方伯姚丈同官蜀中旣聯組纓遂締禽  
幣文伯卜室賦綠衣之三章臨城納媼審外宗之七德妙簡  
貞閑足爲佳對焉當建木之迎婚於楚也時通判君移攝鄆  
縣以事被彈秣馬之禮初修宜狂之歌忽作孺人遽辭阿傅  
遠奉清塵父羈屑於三湘母分張于於越迢迢閩闔屈壯志  
於緹縈簞簞竹竿軫悲腸於衛女含辛御輪之夕制淚施衿



之辰蓋窈窕之情既傷沈頓之病由作矣逮乎執筭奠席鳴  
環侍寢柔聲怡色上悅乎眉黎明識惠心下孚乎臧獲助德  
理內允協福原而元穹靡忱美疾加劇營陵之術莫蘇久銷  
之魂聚窟之香難迴積損之幹卒年十九嗚呼哀哉建木雨  
絕之痛既深薜英之思無已追懷馨烈緬溯徽華鳴雞問疾  
之恩相鼠諫夫之義言猶在耳感不去心徵文抒哀銘旂表  
德來芳可述諫之云爾

性芬揚蘭德穎振玉吁嗟之子行劬年促越溪稚質宋子河  
魴婉情同春明景皎霜阿錫妝嚴絃縈藝綜馮燎史書惠班  
賦頌教成而祭宗室羞蘋女子有行難舜遠親古儀方肇家  
艱云邁宿涕神摧陟阿心疚桴帶就測南瞻楚邦錢唐曹娥  
東望兩江叢花障扇襟佩含風組舞駢駢窳房櫛桃李盛

年苞栩至性涕擊沾衣蛾脩鑲鏡嗟晚質之易凋兮况煩冤  
之鬱抱觸炎風而涉川兮蘊悲情而見廟相夫猶勤慰姑仍  
笑免藁飭厨綸繩佐鈞之子體癯問之輒諱君子遘疾忘身  
以衛景晞晞其欲匿兮惟淒淒而動風羌殄歿而將逝兮猶  
髮鬢之修容乎瑜華收衣篝香炷信白憂之傷人兮何華齡  
之可假嗚呼哀哉高堂擗摺兮婢媪拊膺潛隧既做兮掩彩  
重局繫淑慎之善懷兮家孰內而孰外或言告而言歸兮固  
殊分而同愛彼思親而危身兮豈孝忠之能匱嗟蒼昊之寂  
寥兮何與善之茫昧嗚呼哀哉玉寒泉薶隴幽光映柔顏殫  
目規詞留聽華落英存馨流問令眇四節其代序兮託神檢  
於遺詠

節孝張孺人誄



孺人姓張氏居吾州之西城曾祖來吉武舉人官泗州衛守備祖淵武進士候推守備父燾例貢生孺人年二十五歸於州處士王君之經王君出爲其世父後結褵二年而亾孺人事嗣姑及本生翁姑以孝聞無子以從子士麟爲後教養成立今嘉慶十有七年冬孺人以疾終年七十有七計守節五十餘年明景朗操里黨欽歎平居訓子以義持身以儉好讀書尤熟史事尙論忠孝激越奮發如烈丈夫著有椒亭詩一卷士麟以狀來屬銘於予以爲嬪則以待旌門誼不當卻爰作誄曰

風詩共姜春秋紀姬宣聖特筆日星昭垂二百卅載邈甚等夷恒貞經訓高蹤允稀辰彼女師清河之媛嬪於太原門高士彥職謹滌裙養勤視褻綉訐聲無愉柔色善弋見贈佩侍

櫛鳴絃馨質服苙令儀采繁所恃奄俎聖戶迤艱志守陶嬰賢追義桓呱嗚在懷熒子留影雨晦夜漫霜嚴目炯送往撫遺育生安冥祖奠遣車規畫井井姜教庀業班訓遵衢女乃士行文而又儒紡軒篝火授簡陳書機聲讀聲風淒一廬勩勞弗辭撒捐自力謂當貧辛敢畜臧獲桂卻華鮮鍼紉綻裂中饋漿醢宵閨刀尺田僅廿畝納種必勤書誦百卷邪詞必焚馬班事貫屈宋香薰抵掌盱衡千秋正人嗚呼哀哉微嫩丕彰積齡難駐竹筠松心式瞻行路節惠抒詞煒彤永譽綽楔標楣蘭芬竚布

蔣竹雅妻陳氏誄

孺人姓陳氏諱芳雲元和人永齋觀察之季女也毓粹洪族含芬幼歲生具端範斥華丹之塗性嫻雅和絕差訐之事長



歸同里蔣君春謁上怡尊章中協先後勿模族鄧下孳儷服  
樂彼慶善風規穆宣賦質素晚諸自強力二女甫孩益瘁鞠  
育年月日歸寧母氏感疾遽終年二十有八奄屺之辰姑適  
疴作哽戀仰系不去於懷婦貞恒德女有土行不才著而  
言才者莫尙焉蔣君爲余外舅時菴先生族子孺人同懷兄  
兆賢又嘗從學於予書來請銘因不獲辭諫曰

攸遂易規無儀詩做人飾其容甚飾其性月望占厲休蠶愆  
正斧之藻之克柔克令展如碩媛高閔祕儀浚源琬潔馨度  
蘭猗納順待年申防自持有賈其實華德兼斯衣被纁栴禮  
交沃盟執棗西階升豚側胖施袞承尊熬厲謹舉同聲瑟調  
戒夜星爛慎爾出話金玉其音密緻正直塞瘞淵深語屏伎  
忒功劬組紆外莊樸獲內映明心矯弱而恭返參以約璣珥

華蠲桂裳鮮卻稚介羣諧娛姘允若翼翼矜矜式彼桃薄惇  
直怙篤宜基壽康可化莫晰匪祥而殃瘡瘵瘳瘳虺殞元黃  
瓊田乏草西域無香嗚呼哀哉堂北酸銜榮南悲觸斷手兄  
嗟扶牀女哭侶坼鷓枝愁撐魚目爨札書徽川流遺馥

汪孝婦哀詞

長洲孝婦吳氏嬪於汪居蕭家巷年二十卽隕所天貧無宿  
糧息止弱女嗒嗒尊章癯老且病婦代子職躬服其勞素嫻  
詩書開塾講授藉脯脰以給養供菽水而靡缺鄉黨翕然推  
其高行嘉慶十二年十二月十八夜比鄰不戒於火融風旣  
熾將燔及廬翁孳女孫先走出戶婦旣翼翁以免姑抱宿疾  
猶寢於牀婦復入屋背負姑出煙燄旣合鬱攸從之遂并其  
身殲焉質明火熄行火所燬焦爛之中肢體宛若其見婦手



抱姑不釋彼以義忘其軀天以死成其烈萬衆感悼填衢溢  
郭邑中人士將白當事邀褒錫之典廣徵詩歌道揚奇節圓  
顛方趾疇能不悲敬述厓略而系以哀詞曰

抗古今而衡節兮疇璧碎而瓦全有冒刃而謹免兮有拯危  
而體捐揚烈芬於委灰兮發繁音於絕絃彼君親赴難其一  
致兮初何計乎探湯而蹈淵翳婉婉之淑靈兮隗形單而寤  
標瘁形神而頤翁姥兮既餐荼之莫告胡滌膾視膳之尙不  
獲遂其常兮又昊天之不弔儵譔譔出出之告災兮駭天跳  
而地踔飛燦燼煜而紛屬兮各走覓乎逃門幸一老之先身  
突兮念威姑之待援奮輕軀以排闥兮承龍鍾以背肩電光  
殲殫迅其四合兮束身手而同燔茹煩冤於良燼兮魂應叫  
乎九閭睠庶女之訴哀兮天猶爲之隕霜何匹婦之精誠兮  
不爲反風於撞塘或炎官熱屬之實陰相兮俾身殉而名彰  
帝閭陵兢其不可叩兮淚流檢以浪浪昔上虞之救盱兮投  
江濤而必果厲猛志以偕亾兮視頂踵猶塵壤一父而一姑  
兮一水而一火合千載如符節兮夫奚分乎彼我痛齊民之  
薄媮兮孰姬姜而至性子褻勸有德色兮何惑乎婦安常而  
掉磬彼箴管纖纊之猶有私兮况髮膚與身命苟聞風而悉  
興起兮又何難巾幘而獨行循燒垣以周視兮痛煨燼與燻  
炮猗一抔之焦土兮行綽楔之高標定孝竹之生其墟兮兀  
冬春而不凋歷萬齡而聳幹兮障炎颺於太霄

丁奕墅哀詞

君諱昌瑞字奕墅予兄之子壻也子襄精敏弱慕儒宗孝公  
貪書長嫻經術自隸博士益勤修業僻處鄉曲罕接勝流並



時經生撫華忘實君獨嗜古殫精振奇聞有良書飢渴購讀  
羣經故訓諸史軌範文章流別百氏塗軫環絡窺研略皆淹  
貫卽其經藝已足冠時重親在堂有藉祿養屢充秋賦奇隻  
不偶侘傺沈屯積成銷鑠咯血而終怛化之時眷戀遺籍湛  
深溺苦標尙可知電碎霜凋室吡衢歎予忝戚黨且符志趣  
搯腕悲悼尤倍恒情撤涕濡豪爲之哀詞曰

猗翩鸞之下儀兮羌有毗而有翔彼旃檀之醇醪兮乃或沈  
而或揚緬元造多舛迕兮視我辰之所當儵蘭萎而芝焚兮  
淚沾膺而淋浪衆鱗集而龙聒兮競制舉之遊鶩甘齷齪而  
骯髒兮跼壽陵之故步卓子志之英絕兮投高軌而遐赴振  
孤蓬於羣麻兮寶雖彝而斥瓠稽成博之古諸兮騁連犝於  
學林軸充箱而照軫兮寢饋哀而浸淫爛崑圃之夜光兮探

驪淵之干尋割膏腴而入鞫兮中莖韶而奏音嗟純鉤如列  
星兮世何人其薛燭絜騶裏以服襄兮痛明珠之彈肉狝椽  
爨而婁頓兮韜鼃朶於和璞俄脩夜之不暘兮萌咎徵於賈  
鵬當廢牀而去瑟兮猶縹緗之繫情傷析薪之乏荷兮夫誰  
發乎晏楹念奇意之弗終鬱兮或曠雲而霄征將儕真靈而  
賦新宮兮招君魂於紫庭

洪北江先生畫贊

并序

夫元精耿貫故緹油之業彰焉光岳孕正斯琨玉之操勵焉  
是以勁節峻峙多兼閎達之學鉅儒魁壘必裕骨鯁之氣然  
非邁際軒姚蓋容天地盛陵媯邁扈之治豐刻几勒虞之規  
宇宙爲心山淵恢度則秋霜凜皓與明月而同碎崇蘭郁烈  
入委灰而不芳又何論乎曾史碩德游夏文藝鼓鐘寰陬茵



藹竹帛也哉先生姓洪氏諱亮吉字稚存陽湖人也幼挺淳至早標峯崖九齡而孤侍母浮寄仇氏嚴擁楹之訓子輿軫搯臂之感幅將畫正沃湔其教星奔雨泣幾隕其生固已絕跡高軌天懷發中摯性越於皋魚巨孝稱乎江革矣學成道通洞經綜史析蒼法之隱曖究聖壺之阻奧邱董萬古裁制於清衷乾坤兩戒牢籠乎指掌誤著蠶出富於縣巖之積纓榻豨仰過於北面之宗既乃去卑溲翔閭衢待詔金馬通議白虎珥彤紬書校理窮匱室之祕握蕩漭士道術被參井之區循其階資緼以年歲榮牒顯級翹足可須而先生以爲行義者前哲之上務文章者報國之餘事思竭蹇諤之忱用裨塞晏之化龔值

天子席蘿嗣構闢續納言復旦方歌刑干猶舞濟師者遲撥

麤刺蜚之績聞捷者塵虛晶繆彰之慮感發蒿目誠切披肝又以執白簡而抨事同出位伏青蒲而諍職異南司爰迺騰書鈞衡冀達黼辰亢激既過狂戇遂忘勲華幾勅忽陳弼違之詞賡颺運隆遽有宮隣之戒僉謂罪儕誣罔分合灰釘先生亦負鑽煎膏靜待嚴讞風神元定處之彌泰卽其志膽固冰額鼎鑊矣伏遇

聖主大德容下暢垓沂埏曠蕩推恩昊緯宏量恐杜獻替之路并寬左校之輪宥以遠方曲加含貸於是夸父禺彊之域梯棧前蹤革抉吸芮之儔札緝就列濯靈襟於伊麗之海聳壯矚於祁連之山將謂老烏孫之庭絕玉關之入淪浹荷戴已足平生而

當宁寤寐嘉猷延佇忠實屬有桑林之禱載懷衢室之問念



汲黯安發義歸愛君任座抗行益彰主美隨沛雞竿之赦俾  
免馬角之戚尺一初頒寸霖驟霽叩心非鄒衍故繁霜不飛  
雪冤異東海而早魃立解因復潢繕諫牘儷諸巾机之銘覽  
思苦言更廣旌鼓之設汪汪乎蓋緝萬嗣揚洪徽扇懿鑠已  
昔崆峒順風之請華封乘雲之拜咸稟叡哲采言芻輿羸劉  
以降亦聞側席引裾折檻前規可臚然未有跡涉詆譎論非  
封事不辟丹墀之戟逆過批鱗如題朱雀之門咎踰齒馬而  
能受同藥石佩比韋絃藪納川容嘔苻姬掩彼晉武宏裕弗  
貽劉毅之誅漢祖深仁無恚周昌之直以視今日何足萬一  
相方哉然則先生節概古人有之先生遭逢古人未覲也烏  
虜偉矣既歸家術字曰更生百軸千函定藏山之表春林秋  
澗和擊轅之歌勝流奉爲嵩衡薄海瞻爲模楷兆蓀較晚捧  
手忝預攬環聆卷霧之飛談挹籠霄之勝氣審司農之卷誦  
覽八千見扶風之堂門徒四百梁摧奄及曾不慙遺先生長  
君飴孫榮郁繼聲後先濟美劄石揚善碑諫林立復出遺像  
徵及鄙文夫樂陵曼倩孝若與異代之思東府希馮子淵有  
古賢之頌况於承接音塵周旋喬梓昭銘景行敢謝拙詞因  
作贊曰

不朽有三德言卓爍措拄彝常淹貫邱索延陵雄腴川壤磅  
礪資淑蘊英先生爰作孤露遇屯煦濡母令翦鬢書陳鳴機  
鐙映誠動噬指毀鄰滅性儀型參騫方軌薛孟電飛景拔移  
孝成忠豕涉學覈駮原選公意雄履虎地隔乘驄猥以詞臣  
蹇抒匪躬鮑恢抗直鶉觚貞讜史效獻規危寧觸網瓦石獨  
含檝梗孤往命輕鴻毛義貴熊掌優繇亭育靈囊大包苛除



燒解虔鞏謙勞虛左訪木高懸戒輅薄譴遄釋渥澤醲膏坎  
穴化夷焦原坦步隼逝颺迴繩行沙度亮跡遐欽傳書函布  
典語法言玉栢繁露東觀接武守缺保殘疇宏述作摺逸窺  
刊呢訾塞默醇滴樸刈疇樹風檢吐赤傾丹昌辰幸丁馨烈  
遙駛永世作程穀詒綿祉貌留丹青名炳圖史隙駟雖徂聞  
風庶起

黃忠節公書贊 并序

嘉慶昭陽作噩之歲涂月嘉定盛明經薰以其鄉先生黃忠  
節公所臨干祿字書勒石拓示勁骨端嚴毅力蟠鬱楷模魯  
公蓋由貞軌亮跡神明相契非在點畫波磔間矣兆蓀近公  
之居誦公之書比復見公所著日記悉公研幾克己之密淵  
入聖域精兼梵修此中湛然同符大化其碩學偉詞成仁授

命特性分發見之一端耳展諦翠墨如接光靈再拜聳敬而  
爲贊曰

虹光燭霄正氣出指盈牘鋒稜千尋壁峙公文彪炳公節雷  
碾存養有本心源微茫大輪小乘旁研洞鏡歸諸孔顏窮理  
盡性無入不得隨變所遭鋸鑊飴視靈臺弗搖巍峩膠址珍  
爍遺翰亘歲綿齡星芒雲爛

鮑貞女壙銘

鮑貞女者固始人也自其亂歲許字董氏值歲大祲鬻身爲  
傭墨車無堂著之俟谷菴有仳儻之歎流轉遷徙入於吳門  
沈觀察家觀察時牧許州俾厠臧獲精慧趨事潔白範身馴  
至弱笄將謀擇對女乃長跼涕泣自陳衿纓之繫屬當年有  
夫禽幣之委輸今日無二主雖有命弗敢以從曲喻再三瀝



血自誓觀察高其義憫其情於是出零丁之帖為求故雄占  
遲歸之爻以蘄終吉既而耗問沈寂存沒間阻女遂矢志秉  
節以終內存匪石之固外絕白圭之玷酒漿醯醢勤職於燁  
胞芳澤璣珥不關於念慮冰潔霜整歷卅餘年觀察第五子  
中立予妹聳也既傾乾蔭家落屢空女依以居忠謹奉役餐  
荼堇而無悔葆松筠而益堅姻黨傾風扈養起敬行年五十  
抱疾長畢夫頌陶嬰之操猶屬既昏傳伯姬之貞蓋由貴胄  
女以庶賤生長草萊日不覩詩書耳不知今古師心率已蹈  
德成仁豈非稟懿三靈天知自致者歟中立既經其喪復為  
卜兆於某原屬志幽宮以彰朗節夫西道縣治之里曾表龍  
憐東京墓闕之文亦傳羅鳳變禮合義於法宜銘辭曰  
倚淑質生貧辛璧燭潔蘭馥芬丁游饑失所天役筭帚屏羅

統志守一安熒單聞媒妁哀泗潛四十載持身全睠春花落  
無言懷正氣罹膏肓遠殯歎悲爽傷留清白垂篇章刊石銘  
永億年

文林郎署蒙自縣知縣尤君墓表

君諱維熊字祖望長洲人也曾祖怡以詩名學者稱北田先  
生祖巨源增廣生父世楠乾隆乙巳恩進士就職州判舉孝  
廉方正授六品服行為國楨學為士楷驥思歎印萬流翕然  
君夙湔義方長擅才筆奇章秀句風飛川涌以乾隆乙酉拔  
貢生授淮安訓導秩滿膺薦簡發雲南知縣攝宰蒙自地當  
蠻犛俗詭言靡始惟彝獮所居今則寄莊竝鞅其民田客主  
既樵姦利叢生乾沒侵牟術取勢脅土著之生計日蹙僑人  
之隱占難楛弱則含茹強則訐訟君乃躬履鄉落釐定置區



阡陌鱗分戶口秩若經界既正貪冒不行杜爭一邑溥利百世其士習荒於嬉或暱胥徒其農工商蒞於利多至黜嫚君乃作四民之箴爲月吉之讀鳴臬不鳴桀黠咸化又以民獠彘錯輕起相牙欲以古儀俾之觀感乃舉行鄉飲酒禮肅賓於昕禮成於晡揖讓雍穆童髦欽瞻誘掖浸淫囂競衰息君謂人心終古不弊教典終古可行俗吏迂之識者躓焉君之官時先德猶在子舍萬里煩腸九迴紆鬱嬰疴移疾遄返歸甫期歲遂丁艱棘梨儀傷瘁益不自聊越五年而君卒時嘉慶十四年四月也年四十有八君神識通明機悟卓絕詞翰之外兼長幹局婁爲節府延典箋奏在官無一年鄭阿之譽洽於萬口前內閣學士尹公時方在籍尤亟稱之生平篤倫紀厚交游外若通脫而內守廉隅細行不具書書其大者君

始以雅材眇惜馳藻藝林後乃寢繩履程棲貞宅正將以還迨反樸匡俗濟時希賢喆之高獲光貽穀之潛曜天不假年未竟初志怛化之日僅舉詩詞屬爲點定今陳大令鴻壽爲刊於溧陽嗟乎世可見者止此而已予所知者蓋有在也子二培均皆習儒業克承其家既葬矣思琢元石以篆遺德爰爲之文而系以銘曰

以爲才士而醇儒以爲能吏而良師牛刀一試天南隅涵停秩積蘊未舒遺書寸袞鏘瓊琚真知者誰吾涕泗

署京口營副將京口左營遊擊吳公墓誌銘

公諱坤字振華姓吳氏其先由常熟遷太倉遂爲吾邑人昔西京番令媿駿烈於韓彭東漢忠侯儷威名於耿賈珠鈴玉帳夙秉宗風劔氣弓聲家傳闔寄公生而軒特長益魁奇武



節剛方筋骨秀出參連刻注射法本於天弧方卦圓著營圖  
原於太乙深識九變妙察六韜校旗而審軍容望塵而知敵  
數字文深累石作伍卽解指麾薛世雄畫地爲城便爛攻守  
拔身隊率入選材官以捕洋盜功補劉河營右哨千總地當  
海若孽有水僊獨以熊豹之姿采入鯨鯢之窟衝波畫鷁不  
避銀山沸鼎游魚咸歸鐵網乾隆五十一年臺灣林匪滋事  
奉檄統卒轉餉軍前擊楫以行破浪而去黃龍青雀海童懾  
琅鐸之聲赤豹文螭山鬼避星旄之色乃得方舟輓粒汴水  
蜚芻甲士飽騰針程迅駛以視寇恂河內之輸宣武金鄉之  
運躡虞旣倍勞績尤殊歸薦保薦擢劉河營守備復以協獲  
鄰境盜功遷高資營都司攝上海營遊擊令嚴宵肅中天之  
明月孤懸烽息桴停如練之澄江自曳時兩江制府書公孫

公後先秉節角試程材靚白茶丹火之容動細柳長榆之想  
爰以國爪游陟高牙嘉慶元年授京口左營遊擊三權本營  
副將事彈壓滄瀾綏救湖海吳根越角心規成掌上之形火  
艦風船手畫定師中之律班聲殷地秋高而陣肆驅劉巨浸  
稽天颺怒而防嚴鯨渚領南徐之雄鎮乘北府之樓航徼巡  
於鼇背鯤身出入於蛟涎蜃氣營先芽蘖奸靖萑蒲文鯨不  
飛鯤壑之蜺幃影靜腥鱗咸戢魚麗之鳧藻歡多方將鉅鉞  
昭榮彤盧褒錫而雅慕冲挹謝拙邱園遂以老疾乞休卜居  
東郭幅巾窮巷有羊公白士之思匹馬郊亭無醉尉霸陵之  
憾綠沈金鎖忘舊日之將軍雪刺霜豪作太平之父老師貞  
丈人勞謙君子蓋兼之無愧矣公勤以練士仁以馭徒緝札  
精嚴戈鋌犀銳程其寒暑勞逸同其飢渴安危謝尙則躬自



分襦鄧訓乃身爲養藥鄂軍家事悉關公綽之懷衛卒更番  
願報寬僥之德以故裨弁偏校駟卒鈴奴雖當釋紱閒居猶  
復心歌腹詠立燕齊之社共憶樂公騰酒脯之謠難忘祖述  
生乎敦任卹崇樸滄進止撫恭被服儒素襲師德河蘭大帥  
獨傳長者之名馬文淵浪泊豐功恪守善人之戒嘉慶十三  
年月日卒於里舍無疾而終五更鼓角望猶重乎龍驤一夢  
瓊瑰兆驟符乎狸脈何怪乎虞歌引路水犀同勢面之哀大  
樹凋霜櫪馬振驚星之響也哉公生於乾隆十年月日年六  
十有四子二鎬湘孫應桂鎬喜聚書尤善才譽晉侯軍尉育  
祁午之佳兒唐代將門得來恒之才子陰德昌後其可慰已  
以嘉慶十八年月日葬於石浦之原嗚呼燕領不封穿冢乏  
祁連之象馬鬣長在墮淚看江漢之碑銘曰

右鉞垂忒天鋒示緯世有干城精符匡衛南沙挺英中涓拔  
萃飲羽鳴絃絕塵驟轡風后鳥雲軒皇鵬幟六術五權參微  
洞祕攤鐸拱稽戈船下瀨易威以慈寓寬於厲挾纊拊戎投  
醪洽惠望燾如歸瞻麾樂隸瀛島霾激雲帆糧饋上賞弗邀  
恬衷自貴耀冕舜蟬縫裳愛芟竹陽支筇田翁把臂山情方  
曠壑舟遽逝舊部泗眇連屯賈涕武達文通昌其賢嗣韎韞  
之倫視此幽隧

國子監生吳君墓誌銘

君姓吳氏諱鏞字穎叔吳江人也秀氣孤稟馨逸夙成當聖  
童之年茹風木之痛銜索抱疚從燔含悲沫泣隕心馳芬至  
性長益脩飭動無譴瑕衛叔寶之神清荀慈明之外朗不攘  
六鑿寡欲五基屏居小樓坐擁圖史博昌六箸之經厭譚竹



究宏景三層之閣但聽松風雅好藝花遂爛寫貌步趨熙筌  
調冶鉛黛沒骨著紙穠春滿堂口不言金錢手不捉珠貝惟  
於壁友珍等連城高似孫之所箋洪景伯之遺譜露宵旭旦  
諦玩摩挲月窟潤通元雲黠而下布玉池泉溢涵星粲以相  
輝於時刪條几格翦無纖埃澡滌襟情湛若止水蓮衣蘭佩  
韋夔為逍遙之公琪草金徽周朗在義軒之世百味無嗜獨  
耽酪奴燻盞候湯妙具神解曲室書謚閒庭景妍沈沈霞脚  
展北院之一旗習習清風生玉川之兩腋素韻高寄希蹤勝  
流由其胚孕潔蠲唾斥腥腐濯笠澤之波明琅作質得天隨  
之性芝畹為家仲宣體羸威明奄化神聰蟻鬪咎徵鵬飛嘉  
慶十七年月日以疾遽卒年二十有一君娶於沈時方有身  
君兄雲璈悼鳧沒之速極鵠原之哀於是祝南孺子之勇卜

鄭小同之長既以自藏宋研納棺以殉復徵銘誄儲示遺孤  
挂延陵壠上之劍類彼高懷碎子敬靈牀之琴同其咽塞既  
而繡紉裹玉珍珠帖纓弱女慰情髮笄待誨是又小年織素  
未詠於左思異日荆苕有煩於庾袞矣古者高士之傳不必  
擅雅材獨行之史不皆著奇節即其標格風尚足可矯俗勵  
頑况乎讓瘦推肥分枝坼翼生共姜肱之被歿慟僧謙之靈  
友弟行敦天倫宜範稱非無美銘法奚乖辭曰

高齒長檐綺襦紉袴少年之場跡弛罟駕君乃持躬華袂置  
謝邃氣汪容初芳佩麝蹴踞格五挾彈攜壺佚遊之藪鳥集  
鱗趨君乃守寂縹緗茗鑪腴研道味靜協禪癯泊如清操凝  
然元旨才薄仙華風微俶詭電爍曇凋霜摧綠委玉樹可埋  
幽光永煒



亡妻蕙君蔣氏埋銘

亡妻蔣氏字蕙君長洲人故康熙癸巳進士廉州府知府諱  
 杲之孫乾隆乙丑進士兵部右侍郎入祀鄉賢諱元益之季  
 女年二十歸於子事先考寧武公蘭階府君先妣孺人滑氏  
 蔡氏婉愉祇奉咸皆慰怡繼而淳丁閔凶兄姪祖謝弱弟兆  
 蕙庶母洪生洪又早逝予故產盡斥傭書客遊亡妻黽勉有  
 無規畫鉅細撫叔如子壺儀秩然頗嫻詩書而吟咏不事謹  
 節絲粟而腹臙必豐僕媪雖忤意無惡言樵蘇雖婁空無懟  
 色安約茹勞心力瘁瘁時嬰疾疴卒就沈頓以嘉慶二十年  
 九月廿三日終於里舍年四十有七賦性明達綜理密緻度  
 物庀事悉有常度鉛黛不御敝衣數紉視浮俗榮利泊如也  
 蓋其先世累以清節偉望矜式中外亡妻孺染遺訓識近

流雖生高門不異蓬戶予卅年來胥疏江湖矜慎一介貧不  
 隕獲賤無怨尤實賴亡妻是相是輔嗟乎嗟乎而今已矣卒  
 之明年十二月十一日為卜葬於先塋之右銜酸濡豪銘其  
 埋曰  
 人間累先我釋地下親先我即百歲後應同穴刊尺輒永埏  
 室

河南懷慶府黃沁通判畢君墓表

君諱繼曾字承業又字研山前候補員外郎瀧之仲子前太  
 子少保兩湖總督沅之從子也資華崢門挺瀉髫幼魯叔陵  
 之經術扶疏于家庭王子淵之文詞卓越乎黼黻年十七補  
 縣庠生乾隆四十二年選拔貢生充四庫館校錄鳳出丹穴  
 將騰集梧之輝駒驥砥衢定騁爾雲之足文與命迕屢見淹



沈遂謝承明之廬屈就上綱之任歷官河南山東州同通判  
房恭懿之能官美聲于毗贊朱伯厚之疾惡懾魄乎姦狴在  
懷慶時沁河異漲君集夫冒雨竭五晝夜力芟隄得完黃沁  
向設運料人車吏索民累君爲裁減宿弊以除王尊當流犯  
難陽侯爲之歛威劉頌息役利農綱領成於久任卒以積勩  
致嬰疾疴嘉慶十五年二月五日終於濟寧行館年五十有  
四浚源櫛沐之勞齊勤于臺僕威明殂化之痛淒極于親疎  
天長景促吁可悲已君孝友肫篤內行盡倫始以績學瑋詞  
冀紹前業終乃摧伏顛頓僅就中銓亭伯文章位終邑宰公  
明才藝仕止郡丞古人所嗟君同之矣配劉氏子五人毓珍  
韞珍楚珍儒珍家珍以嘉慶二十一年三月五日卜葬于州  
境潢涇之原毓珍等既乞其從父憲曾爲文志墓復屬予表  
其阡予與君孔李之交誼敦于中角京兆之試同歎于曝鯁  
追憶平生宛然心目病艸車過流涕黃公之墟西隣日斜聲  
愴山陽之笛輒復書石延垂後賢

祭亡妹文

維嘉慶二十有一年七月二十三日期功兄兆蓀以清酌之  
奠祭於亡妹湘蘅之靈嗟乎吾妹汝竟長往斷手折足無逾  
此哀汝素羸病屢危而安今茲綿頓猶冀全活冥茫真宰遽  
降斯酷吾門凋單連喪兄姊同母惟汝又棄我去獨存奚樂  
觸懷皆傷汝七齡時隨父官舍夙秉神慧識悟超絕綺襦釵  
鑷閨閣所翫視如土苴獨耽詩書有擅繪事其於文字流別  
古人性情妙解默契有過於吾訓遵無儀浚自韜匿長歸於  
沈門穹族大汝能承順譽孚親疏既而衰落餐茹茶蓼人所



不堪何況非習而汝怡然。黽勉無懟。相夫勗子。俾忘其貧。名列舉選。聲問光著。一門熙熙。在約而泰。支拄艱阨。功歸汝身。心謂淑德。宜膺昌延。何天不祐。奪汝之速。嗚呼。理數究何可。憑我父我母。愛尤汝鍾。孝亦汝摯。懿質嫩行。足光我家九原。先靈今見。當慰我丁孤露。與汝同苦。胥疏奔走。謹而獲存。比十餘年。未得逐汝。汝每思歸。言輒於邑。追思痛疚。但呼負負。汝嫂之亾。汝哭甚哀。我恐汝病。轉相慰喻。豈期汝喪。纔距十月。家有季弟。長未見汝。書來極悲。矧在於我。我生不辰。憂患叢集。年垂始衰。殯若老髦。未知於世。復得幾時。既已哭汝。行復自念。我無似續。然孤危汝。雖先逝。門業有賴。其途思我。必還累欷。汝病方劇。我客大府。出入之限。畧等關國。省視湯藥。祇得數面。咫尺間。陞未視。彌留聞耗。馳慟亦復何及。汝逝

之夕。節樓鼓嚴。戒閤留鑰。哭汝而返。展轉夜闌。魂入我夢。彷彿言別。覺而滂沱。稠人衆中。強勉酬答。空齋靜念。淚曷能制。茲距汝歿。廿有八日。雪涕致奠。悲不成文。九地九天。汝於何所。靈當來歆。鑒我酸惻。

萊卿遺草跋

文學畢君楚有吾友。季瑜孝廉之次。君松心孝廉之仲弟也。劉畧班藝博綜於觴辰。夕桀重差。旁研乎綴術。咸謂騏驥致遠。爾犢負重。而童烏之元方。與赤蚪之版。遽來遺詩。叢殘得諸故篋。瓌詭惠巧。折裂騷牢。片羽碎金。無慙作者。季瑜悲深。夷甫慟過。陽元手其寸編。授予論定。竊以蘭芽芷苗。風雨奄其摧殘。夏綠春紅。霜霑於焉凋碎。由來夙悟多。渺遐齡觀。其恪悵述。情朗麗哀。志歌離弔。夢海思雲。愁固已芥。視浮生蟬



蛻穢濁蓋長沙賦鵬早知合散之因子晉吹笙別就真靈之業矣夫心在影徂幽冥弗隔彼瑠璃夜月青箱臺城之詩綺輅魚車少霞新宮之碣次君慧業殆其等倫人間可哀天上差樂卽茲賸馥足證仙心聊假齊諧之談以釋倉舒之痛可乎哉

孫古雲四十初度序

夫鑿坏負釜詭激戾乎經兼朱重紫熱烈乖乎道惟夫得天元純囊括道器薛袞一致浮雲無心進則豐貂高蟬仰齒圭組退則翔鴻蟄蠖卷跡氛囂瓔瓊不羈巾褐無悶是則韞韞恬漠趣近懸解可以得薪保耀識真全年者矣古雲襲伯方琮有光圓璧無類以平津之胄紹景風之封當其頡頏金張焜熿帶礪小侯捧手大橫佩刀甘泉長楊俠侍乎六蚪期門

羽林並馳於四校雲搏水擊葉矯風憑宜春陰安之號儷其華資長羅射陽之褒方茲尊遂及乎收簪解錄結宇依林迹塵鼎鐘思在邱壑襲赤芾以蘿裳易朱輪以下澤糠粃顯路雪條素檢稱甘茂之名孫爲封人之將母白華朱萼潔膳馨蘭儒宗元侶儁朋結轍物飽其義世無間言暇乃託意細軸寄情豪翰詩書以養恬岩岫以復樸暢達情性節官慘舒所謂匪祿而康匪爵而榮風力方邵之任讓諸俊雄疏班邴魏之規希媿徃籍甘芻豐秣不以繫其逸鏟跡隱曜無足汨其和油然順時內外偕化得其環中以應無窮昧者噉躁者靜味道頤履澄懷寶氣不將不迎容養淳淑因以爲攬寧因以爲純常啓期林類未足相偶老商伯高豈遠人哉四十盛年九秋元月降祥之辰萸芬鞠醇庭怡聖善戶集羣雅君其引







